

THOMÆ  
A  
KEMPIS  
CANONICI REGULARIS  
Ordinis S. Augustini,  
<sup>De</sup>  
IMITATIONE  
CHRISTI  
LIBRI QUATUOR.

Nunc primūm in Da-  
cia majori literarum chara-  
ctere, & bene inter se distinctis  
sententiis, ad faciliorem pro spi-  
rituali lectione pensiculatè insti-  
tuendâ, usum, in lucem dati.

---

CLAUDIOPOLI,  
Typis Academicis Societatis JESU  
1965  
Anno M. DCG. XXXVI.

**CARDINALIS BELLARMINUS,**  
*Libro de Scriptoribus Ecclesiasticis ita dicitus hoc*  
*libello.*

**O**pusculum est Utilissimum, & jure in tota Ecclesia, summo omnium consensu, receptum, & frequentatum, & in omnes linguis conversum.

Cœterū in eo legendo hæc observa.

1. certum quotidie tempus ejus lectioni præfige: si justa occupatio statutam horam præpedit, proximā recupera.
2. Præpara animam pura intentione, qua solum ejus profectū ē lectione quæras; & brevi mentis elevatione roga lumē intellectūs, ut cognoscas, quid Deus à te requirat: dein serio proposito te obfirma, cognitam Dei voluntatē exequendi. Formulam ipse Auтор l. 3. c.
2. tradit.
3. Non cursim, & festinanter, sed tractim, seriò, & magna cum attentione lege.
4. Certa item, & ordinata sit Lectio. Quamvis etiā fortuita, nunquā sine solatio, aut opportuno cedet consilio.
5. Pios Affectiones, Lectioni congruos, elice, ne illa solūm intellectum illuminet, non item voluntatem practicis propositis inflammet.
6. Illustriora dicta, subinde ruminanda, memoriæ committe. Denique Lectionem brevi ad Deum aspiratione clade: quæ quidem omnia brevi temporis impendio, sæpe momentaneo, fieri posse noveris: & sic Uſus hujus verè Aurei Opusculi centuplicato te locupletabit fructu.

1533

THOMÆ  
A KEMPIS,  
CANONICI REGULARIS  
Ordinis S. Augustini,  
DE IMITATIONE  
CHRISTI  
LIBER PRIMUS.

Admonitiones ad Spiritualem  
vitam utiles.

CAPUT I.

De imitatione Christi, & contemptu  
omnium vanitatum mundi.

I. **Q**ui sequitur me, non ambulat in tenebris, sed habebit lumen vitae: dicit Dominus. Hæc sunt verba Christi, quibus admonemur, quantum vitam ejus, & mores imitemur, si velimus veraciter illuminari, & ab omni cœxitate cordis liberari.

DE IMITATIONE

Summum igitur studium nostrum sit, in vita JESU Christi meditari.

2. Doctrina Christi , omnes doctrinas sanctorum præcellit : & qui spiritum haberet , absconditum ibi manna inveniret.

Sed contingit, quod multi ex frequenti auditu Evangelij parvum desiderium sentiunt : quia spiritum Christi non habent.

Qui autem vult plenè , & sapidè Christi verba intelligere , oportet , ut totam vitam suam illi studeat conformare.

3. Quid prodest tibi , alta de Trinitate disputare , si careas humilitate , unde displices Trinitati ?

Verè , alta verba non faciunt sanctum , & justum : sed virtuosa vita efficit Deo charum.

Opto magis sentire compunctionem , quam scire ejus definitionem.

Si scires totam Bibliam exterius ,

&

& omnium Philosophorum dicta,  
quid totum prodesset sine charita-  
te Dei , & gratia ?

*Vanitas vanitatum, & omnia va-  
nitas, præter amare Deum , & illi  
soli servire.*

Ista est summa sapientia , per  
contemptum mundi tendere ad re-  
gna Cœlestia.

4. Vanitas igitur est, divitias per-  
ituras querere , & in illis sperare.

Vanitas quoque est, honores am-  
bire, & in altum statum se extollere.

Vanitas est , carnis desideria se-  
qui ; & illud desiderare, unde post-  
modum graviter oportet puniri.

Vanitas est, longam vitam opta-  
re, & de bona vita parùm curare.

Vanitas est, præsentem vitam so-  
lùm attendere : &, quæ futura sunt,  
non prævidere.

Vanitas est , diligere , quod cum  
omni celeritate transit : & illuc non

DE IMITATIONE  
festinare , ubi sempiternum gaudi-  
um manet.

5. Memento illius frequenter  
proverbii : quia *non satiatur oculus  
visu , nec auris impletur auditu.*

Stude ergo cor tuum ab amore  
visibilium abstrahere , & ad invisi-  
bilia te transferre. Nam sequentes  
suam sensualitatem maculant con-  
scientiam , & perdunt Dei gratiam.

## C A P U T II.

*De humili sentire sui ipsius.*

I. **O**Mnis homo naturaliter scire  
desiderat ; sed scientia sine  
timore Dei , quid importat ?

Melior est profectò humiliis Ru-  
sticus , qui Deo servit ; quam su-  
perbus Philosophus , qui , se negle-  
cto , cursum Cœli considerat.

*Qui benè seipsum cognoscit , sibi  
ipsi vilescit , nec laudibus delecta-  
tur humanis.*

*Si scirem omnia , quæ in mundo  
sunt*

sunt, & non essem in charitate,  
quid me juvaret coram Deo, qui  
me judicaturus est ex facto?

2. Quiesce à nimio sciendi desi-  
derio: quia magna ibi invenitur  
**distractio**, & **deceptio**.

Scientes libenter volunt videri,  
& sapientes dici.

Multa sunt, quæ scire, parùm,  
vel nihil animæ prosunt.

Et valdè insipiens est, qui aliis  
intendit, qdàm his, quæ saluti  
suæ deserviunt.

Multa verba non satiant animam;  
sed bona vita refrigerat mentem:  
& pura conscientia magnam ad De-  
um præstat confidentiam.

3. Quantò plus, & melius scis,  
tantò graviùs inde judicaberis, nisi  
sanctius vixeris.

Noli ergo extolli de ulla arte, vel  
scientia: sed potius time de data  
tibi notitia.

Si tibi videtur, quod multa scis,  
& satis bene intelligis; scito tamen,  
quia sunt multò plura, quæ nescis.

*Noli altum sapere, sed ignoran-*  
tiam tuam magis fatere. Quid te  
vis alicui præferre, cùm plures  
doctiores te inveniantur, & magis  
in lege periti?

Si vis utiliter aliquid scire, &  
discere; ama nesciri, & pro ni-  
hilo reputari.

4. Hæc est altissima, & utilissima  
lectio, sui ipsius vera cognitio, &  
despectio.

De seipso nihil tenere, & de aliis  
semper benè, & altè sentire, ma-  
gna sapientia est, & perfectio.

Si videres alium apertè peccare,  
vel aliqua gravia perpetrare, non  
debcres te tamen meliorem aestima-  
re: quia nescis, quamdiù possis  
in bono starc.

Omnes fragiles sumus: sed tu ne-  
mi-

CHRISTI LIB. I. 7  
minem fragiliorem te ipso tenebis.

CAPUT III.

*De Doctrina veritatis.*

\* **F**ELIX, quem veritas per se docet, non per figurās, & vocēs transeuntes, sed sicuti se habet.

Nostra opinio, & noster sensus sāpē nos fallit, & modicū videt.

Quid prodest magna cavillatio de occultis, & obscuris rebus, de quibus nec arguemur in Judicio, quia ignoravimus?

Grandis insipientia, quōd, neglectis utilibus, & necessariis, ultrò intendimus curiosis, & damnosis. Oculos habentes, non videmus.

2. Et quid curæ nobis de generibus, & speciebus?

Cui æternum Verbum loquitur, à multis opinionibꝫ expeditur.

Ex uno verbo omnia, & unum loquuntur omnia: & hoc est principium, quod & loquitur nobis.

Nemo sine illo intelligit, aut recte judicat.

Cui omnia unum sunt, & qui omnia ad unum trahit, & omnia in uno videt, potest stabilis corde esse, & in Deo pacificus permanere.

O veritas Deus, fac me unum tecum in charitate perpetua!

Tædet me sæpè, multa legere, & audire: in te est totum, quod volo, & desidero.

Taceant omnes Doctores; silent universæ creaturæ in conspectu tuo: tu mihi loquere solus.

3. Quantò aliquis magis sibi unitus, & interius simplificatus fuerit, tantò plura, & altiora sine labore intelligit; quia desuper lumen intelligentiæ accipit.

Purus, simplex, & stabilis spiritus in multis operibus non dissipatur: quia omnia ad Dei honorem operatur, & in se otiosus ab

omni propria exquisitione esse nititur.

Quis te magis impedit, & molestat, quam tua immortificata affectio cordis?

Bonus, & devotus homo opera sua prius intus disponit, quae foris agere debet.

Nec illa trahunt eum ad desideria vitiosæ inclinationis, sed ipse inflextit ea ad arbitrium rectæ rationis.

Quis habet fortius certamen, quam, qui nititur vincere seipsum?

Et hoc deberet esse negotium nostrum; vincere videlicet seipsum, & quotidie seipso fortiorem fieri, atque in melius aliquid proficere.

4. Omnis perfectio in hac vita, quamdam imperfectionem sibi habet annexam; & omnis speculatio nostra quadam caligine non caret.

Humilis tui cognitio, certior

via est ad Deum, quam profunda  
scientiae inquisitio.

Non est culpanda scientia, aut  
quælibet simplex rei notitia, quæ  
bona est in se considerata, & à  
Deo ordinata: sed præferenda est  
semper bona conscientia, & vir-  
tuosa vita.

Quia verò plures magis student  
scire, quam benè vivere; ideo sæ-  
pè errant, & penè nullum, vel  
modicum fructum ferunt.

5. O si tantam adhiberent dili-  
gentiam ad extirpanda vitia, &  
virtutes inserendas, sicuti ad mo-  
vendas quæstiones: non fierent tan-  
ta mala, & scandala in populo,  
nec tanta dissolutio in cœnobiis.

Certè, adveniente die Judicii, non  
quæretur à nobis, quid legimus, sed  
quid fecimus: nec, quam benè dixi-  
mus, sed quam religiosè viximus.

Dic mihi, ubi sunt modò omnes

illi domini , & magistri , quos bene novisti , dum adhuc viverent , & in studiis florerent ?

Jam eorum præbendas alii possident ; & nescio , utrum de eis recognitant . In vita sua aliquid esse videbantur , & modò de illis tacetur .

6. O quàm citò transit gloria mundi ! Utinam vita eorum cum scientia ipsorum concordâisset ! tunc benè studuissent , & legissent .

Quàm multi pereunt per vanam scientiam in sæculo , qui parùm currant de Dei servitio !

Et quia magis eligunt magni esse , quàm humiles , ideo evanescunt in cogitationibus suis .

Verè magnus est , qui magnam habet charitatem .

Verè magnus est , qui in se parvus est , & pro nihilo omne culmen honoris dicit .

Verè prudens est , qui omnia

terrena arbitratur, ut stercora, ut Christum lucrifaciatur.

Et verè benè doctus est, qui Dei voluntatem facit, & suam voluntatem relinquit.

#### CAPUT IV.

*De providentia, sive prudentia in agendis.*

1. **N**on est credendum omni verbo, nec instinctui; sed cautele, & longanimitate res est secundum Deum ponderanda.

Proh dolor! sàpè malum facilius, quam bonum de alio creditur, & dicitur: ita infirmi sumus.

Sed perfecti viri non facile credunt omni enarranti: quia sciunt infirmitatem humanam, ad malum proclivem, & in verbis satis labilem.

2. Magna sapientia est, non esse præcipitem in agendis, nec pertinaciter in propriis stare sensibus.

Ad hanc etiam pertinet, non qui-

quibuslibet hominum verbis credere : nec audita , vel credita mox ad aliorum aures effundere.

Cum sapiente , & conscientioso viro consilium habe : & quare potius à meliore instrui , quam tuas adinventiones sequi.

Bona vita facit hominem sapientem secundum Deum , & experitum in multis.

Quantò quis in se humilior fuerit , & Deo subiectior : tantò in omnibus erit sapientior , & pacatior.

### CAPUT V.

*De lectione sanctorum Scripturarum.*

I. **V**eritas est in Scripturis sanctis querenda , non eloquentia.

Omnis Scriptura sacra eo spiritu debet legi , quo facta est.

Quærere potius debemus utilitatem in Scripturis , quam subtilitatem sermonis.

Ita libenter devotos , & simplices

libros legere debemus, sicut altos,  
& profundos.

Non te offendat auctoritas scribentis, utrum parvæ, vel magnæ literaturæ fuerit; sed amor puræ veritatis te trahat ad legendum.

Non quæras, quis hoc dixerit;  
sed, quid dicatur, attende.

2. Homines transeunt, sed veritas Domini manet in æternum. Sine personarum acceptione, variis modis loquitur nobis Deus.

Curiositas nostra sæpè nos impedit in lectione Scripturarum, cùm volumus intelligere, & discutere, ubi simpliciter esset transeundum.

Si vis profectum haurire, lege humiliter, simpliciter, & fideliter: nec umquam velis habere nomen scientiæ.

Interroga libenter, & audi tacens verba Sanctorum; nec displaceant tibi parabolæ seniorum: sine

**causa enim non proferuntur.**

### CAPUT VI.

#### *De inordinatis affectionibus.*

1. **Q**uandounque homo aliquid inordinate appetit, statim in se inquietus fit.

Superbus, & avarus nunquam quiescunt: pauper, & humilis spiritu, in multitudine pacis converuantur.

Homo, qui necdum perfectè in se mortuus est, citò tentatur, & vincitur in parvis, & in vilibus rebus.

Infirmus in spiritu, & quodammodo adhuc carnalis, & ad sensibilia inclinatus, difficulter se potest à terrenis desideriis ex toto abstractahere.

Et ideo sàpè habet tristitiam, cùm se subtrahit: leviter etiam indignatur, si quis ei resistit.

2. Si autem prosecutus fuerit, quod concupiscit, statim ex reatu

conscientiae gravatur: quia secutus  
est passionem suam, quae nihil ju-  
vat ad pacem, quam quæsivit.

Resistendo igitur passionibus, in-  
venitur pax vera cordis, non au-  
tem eis serviendo.

Non est ergo pax in corde ho-  
minis carnalis, non in homine ex-  
terioribus dedito, sed in fervido,  
& spirituali.

### CAPUT VII.

*De vana spe, & elatione fugienda.*

i. **V**Anus est, qui spem suam po-  
nit in hominibus, aut in  
creaturis.

Non te pudeat aliis servire a-  
more JESU Christi, & pauperem  
in hoc sæculo videri.

Non stes super te ipsum, sed in  
Deo spem tuam constitue.

Fac, quod in te est, & Deus  
aderit bona voluntati tuae.

Non confidas in tua scientia:

vel

vel astutia cujuscunque viventis, sed magis in Dei gratia, qui adjuvat humiles, & de se præsumentes humiliat.

2. Ne glorieris in divitiis, si adsunt; nec in amicis, quia potentes sunt: sed in Deo, qui omnia præstat, & se ipsum super omnia dare desiderat.

Non te extollas de magnitudine, vel pulchritudine corporis, quæ modica infirmitate corruptitur, & defœdatur.

Non placeas tibi ipse de habilitate, aut ingenio tuo; ne dispiceas Deo, cuius est totum, quidquid boni naturaliter habueris.

3. Non te reputes aliis meliorem; ne forte coram Deo deterior habearis, qui scit, quid est in homine.

Non superbias de operibus bonis: quia aliter sunt iudicia Dei, quam hominum; cui sæpè displaceat, quod hominibus placet.

Si aliquid boni habueris, crede  
de aliis meliora, ut humilitatem  
conserves.

Non nocet, si omnibus te sup-  
ponas: nocet autem plurimum, si  
vel uni te præponas.

Jugis pax cum humili: in corde  
autem superbi zelus, & indigna-  
tio frequens.

### CAPUT VIII.

*De cavenda nimia familiaritate.*

i. **N**on omni homini reveles cor-  
tuum: sed cum sapiente,  
& timente Deum age causam tuam.

Cum juvenibus, & extraneis ra-  
rus esto.

Divitibus noli blandiri, & co-  
ram magnatibus non libenter ap-  
pareas.

Cum humilibus, & simplicibus,  
cum devotis, & morigeratis sociâ-  
re: & quæ ædificationis sunt, per-  
tracta.

Non sis

Non sis familiaris alicui mulieri:  
sed in communi, omnes bonas mu-  
lieres Deo commendā.

Soli Deo, & Angelis ejus opta fa-  
miliaris esse, & hominum notitiam  
devita.

**a.** Charitas habenda est ad o-  
mnes, sed familiaritas non expedit.

Quandoq; accidit, ut persona igno-  
ta ex bona fama luceat: cuius  
tamen præsentia oculos intuentium  
offuscat.

Putamus aliquando aliis placere  
ex coniunctione nostra; & incipimus  
magis displaceare ex morum impro-  
bitate in nobis consideratâ.

### C A P U T IX.

*De obedientia, & subjectione.*

**i.** **V**Aldè magnum est, in obe-  
dientia stare, sub Prælato  
vivere, & sui juris non esse.

Multò tutius est, stare in subje-  
ctione, quàm in prælatura.

Multi sunt sub obedientia, magis ex necessitate, quam ex charitate: & illi poenam habent, & leviter murmurant. Nec libertatem mentis acquirent, nisi ex toto corde propter Deum se subjiciant.

Curre huc, vel illuc: non invenies quietem, nisi in humili subjectione sub Prælati regimine. Imaginatio locorum, & mutatio multos fecellit.

2. Verum est, quod unusquisque libenter agit pro sensu suo; & inclinatur ad eos magis, qui secum sentiunt.

Sed, si Deus est inter nos, necesse est, ut relinquamus etiam quandoque nostrum sentire, propter bonum pacis.

*Quis est ita sapiens, qui omnia plenè scire potest?*

Ergo noli nimis in sensu tuo confidere; sed velis etiam libenter aliorum sensum audire.

Si bo-

Si bonum est tuum sentire, & hoc ipsum propter Deum dimittis, & alium sequeris, magis exinde proficies.

3. Audivi enim sèpè, securius esse audire, & accipere consilium, quàm dare.

Potest etiam contingere, ut bonum sit uniuscujusque sentire: sed nolle alijs acquiescere, cùm id ratio, aut causa postulat, signum est superbiæ, & pertinaciæ.

### CAPUT X.

*Decavenda superfluitate verborum.*

1. **C**aveas tumultum hominum, quantum potes: multum enim impedit tractatus sacerularium gestorum, etiamsi simplici intentione proferantur.

Citò enim inquinamur vanitate, & captivamur.

Velle, me pluries tacuisse, & inter homines non fuisse.

Sed quare tam libenter loquimur,  
& invicem fabulamur: cum tamen  
rarò, sine lascione conscientiae, ad  
silentium redimus. ?

Ideò tam libenter loquimur; quia  
per mutuas locutiones ab invicem  
consolari querimus: & cor, diver-  
sis cogitationibus fatigatum, opta-  
mus relevare.

Et multum libenter de his, quæ  
multum diligimus, vel cupimus,  
vel quæ nobis contraria sentimus,  
libet loqui, & cogitare.

2. Sed, proh dolor! sæpè inani-  
ter, & frustra. Nam hæc exterior  
consolatio, interioris, & divinæ con-  
solationis non modicum detrimen-  
tum est.

Ideò vigilandum est, & oran-  
dum, ne tempus otiosè transeat.

Si loqui licet, & expedit, quæ  
ædificabilia sunt, loquere.

Malus usus, & negligentia pro-  
ficitur

fectus nostri, multum facit ad in-  
custodiam oris nostri.

Juvat tamen non parùm ad pro-  
fectum spiritualem devota spiritua-  
lum rerum collatio; maximè, ubi  
pares animo, & spiritu, in Deo sibi  
sociantur.

## CAPUT XI.

*De pace acquirenda, & zelo proficiēdi.*

I. **M**Ultam possemus pacem ha-  
bere, si non vellemus nos  
cum aliorum dictis, & factis, &  
quæ ad nostram curam non spe-  
ctant, occupare.

Quomodo potest ille dū in pace  
manere, qui alienis curis se inter-  
miscet? qui occasiones forinsecus  
quærit? qui parùm, vel raro se in-  
trinsicus colligit?

Beati simplices, quoniam mul-  
tam pacem habebunt.

2. Quare quidam Sanctorum tam  
perfecti, & contemplativi fuerunt?

Quia

Quia omnino scipios mortificare  
ab omnibus terrenis desideriis stu-  
duerunt: & ideò totis medullis cor-  
dis Dco inhärere, atque liberè sibi  
vacare potuerunt.

Nos autem nimirum occupamur  
propriis passionibus, & de transito-  
riis nimis solicitamur.

Rarò etiam unum vitium perfe-  
ctè vincimus, & ad quotidianum  
profectum non accendimur: ideò  
frigidi, & tepidi remanemus.

3. Si essemus nobis ipsis perfectè  
mortui, & interiùs minimè impli-  
cati, tunc possemus etiam dívina  
sapere, & de Cœlesti contemplati-  
one aliquid experiri.

Totum, & maximum impedimen-  
tum est, quia non sumus à passio-  
nibus, & concupiscentiis liberi;  
nec perfectam Sanctorum viam co-  
namur ingredi.

Quando etiam modicum adver-  
sita-

sitatis occurrit , nimis citò dejici-  
mur , & ad humanas consolatio-  
nes convertimur.

4. Si niteremur , sicut viri fortes , sta-  
re in prælio , profectò auxilium Do-  
mini super nos videremus de Cœlo .

Ipse enim certantes , & de sua gra-  
tia sperantes paratus est adjuvare ,  
qui nobis certandi occasiones pro-  
curat , ut vincamus .

Si tantùm in istis exterioribus ob-  
servantiis profectum religionis po-  
nimus , citò finem habebit devotio  
nostra .

Sed ad radicem securim ponam-  
mus , ut purgati à passionibus , pa-  
cificam mentem possideamus .

5. Si omni año unum vitium ex-  
tiparemus , citò viri perfecti effice-  
remur .

Sed modò contrarium sèpè senti-  
mus , ut meliores , & puriores in  
initio conversionis nos fuisse inve-

niamus , quām post multos annos  
professionis.

Fervor , & profectus noster quoti-  
diē deberet crescere : sed nunc pro-  
magno videtur , si quis primi fer-  
voris partem possit retinere .

Si modicam violentiam facere-  
mus in principio , tunc posteā cun-  
cta possemus facere cum levitate , &  
gaudio .

6. Grave est , assueta dimittere ;  
sed gravius est , contra propriam  
voluntatem ire .

Sed , si non vincis parva , & levia ,  
quomodo superabis difficultiora ?

Resiste in principio inclinationi-  
tūx , & malam dedisce consuetudi-  
nem ; ne fortè paulatim ad majo-  
rem te ducat difficultatem .

O si adverteres , quantam tibi pa-  
cem , & aliis lātitiam faceres , te ipsum  
benē habendo ! puto , quōd solici-  
or es ad spiritualem profectionem .

*De utilitate adversitatis.*

**I.** Bonum nobis est, quod aliquid habeamus aliquas gravitates, & contrarietates; quia saepè hominem ad cor revocant, quatenus se in exilio esse cognoscat; nec spem suam in aliqua re mundi ponat.

Bonum est, quod patimur quandoque contradictores, & quod male, & imperfectè de nobis sentiatur, etiamsi bene agimus, & intendimus. Ista saepè juvant ad humilitatem, & à vana gloria nos defendunt.

Tunc enim melius interiori temorem Deum querimus, quando forsitan vilipendimur ab hominibus, & non bene de nobis creditur.

**2.** Ideò deberet se homo in Deo totaliter firmare, ut non esset ei necessaria, multas humanas consolations querere.

Quando homo bonæ voluntatis tribulatur, vel tentatur, aut malis cogitationibus affigitur, tunc Deum sibi magis necessarium intelligit, sine quo nihil boni se posse comprehendit.

Tunc etiam tristatur, gemit, & orat pro miseriis, quas patitur.

Tunc tædet eum diutiùs vivere, & mortem optat venire; ut possit dissolvi, & cum Christo esse.

Tunc etiam benè advertit, perfectam securitatem, & plenam pacem, in mundo non posse constare.

### CAPUT XIII.

#### *De temptationibus sustinendis.*

1. **Q**uamdiù in mundo vivimus, sine tribulatione, & temptatione esse non possumus.

Unde in Job scriptum est: *Tentatio est vita hominis super terram.*

Ideo unusquisq; solitus esse debet circa temptationes suas, & vigilare

lare in orationibus , ne diabolus lo-  
cum inveniret decipiendi , qui nun-  
quam dormitat , sed *circuit quæ-  
rens , quem devoret.*

Nemo tam perfectus est , & san-  
ctus , qui non habeat aliquando ten-  
tationes : & plenè eis carere non  
possimus .

2. Sunt tamen tentationes homi-  
ni sæpè valdè utiles , licet molestæ  
sint , & graves ; quia in illis homo  
humiliatur , purgatur , & eruditur .

Omnès Sancti per multas tribu-  
lationes , & tentationes transiérunt ,  
& profecerunt .

Et qui tentationes sustinere ne-  
quiverunt , reprobi facti sunt , &  
defecerunt .

Non est aliquis Ordo tam sanctus ,  
nec locus tam secretus , ubi non  
sunt tentationes , vel adversitates .

3. Non est homo securus à ten-  
tationibus totaliter , quamdiù vixe-

rit; quia in nobis est, unde tentamur, ex quo in concupiscentia nati sumus.

Una temptatione, seu tribulatione recedente, alia supervenit: & semper aliquid ad patiendum habebimus; nam bonum felicitatis nostræ perdidimus.

Multi querunt temptationes fuge-re; & gravius incident in eas.

Per solam fugam non possumus vincere; sed per patientiam, & veram humilitatem, omnibus hostibus efficimur fortiores.

4. Qui tantummodo exterius declinat, nec radicem evellit, parum proficiet: imo citius ad eum temptationes redibunt, & pejus sentiet.

Paulatim, & per patientiam cum longanimitate ( Deo juvante ) melius superabis, quam cum duritia, & importunitate propria.

Sæpius accipit consilium in tentatio-

tatione : & cum tentato noli duri-  
ter agere , sed consolationem inge-  
re , sicut tibi optares fieri .

5. Initium omnium malarum  
tentationum , inconstantia animi ,  
& parva ad Deum confidentia .

Quia , sicut navis sine gubernaciu-  
lo hinc inde à fluctibus impellitur ,  
ita homo remissus , & suum propo-  
situm deserens , variè tentatur .

Ignis probat ferrum , & tentatio  
hominem justum .

Nescimus sæpè , quid possimus :  
sed tentatio aperit , quid sumus .

Vigilandum est tamen , præcipue  
circa initium temptationis ; q̄via tunc  
faciliùs hostis vincitur , si ostium  
mentis nullatenus intrare sinitur ,  
sed extra limen , statim , ut pulsaver-  
it , illi obviatur .

Unde quidam dixit .  
**P**rincipiis obsta : sero medicina pa-  
ratur ,

*Cum mala per logas invaluere moras.*

Nam primò occurrit menti simplex cogitatio: deinde fortis imaginatio: posteà delectatio, & motus pravus, & assensio.

Sicque paulatim ingreditur hostis malignus ex toto, dum illi non resistitur in principio.

Et, quantò diutiùs ad resistendum quis torpuerit, tantò in se quotidiè debilior fit, & hostis contra eum potentior.

6. Quidam in principio conversio-  
nis suæ graviores tentationes pati-  
untur: quidam autem in fine.

Quidam verò, quasi per totam vi-  
tam suam, malè habent.

Nonnulli satis leviter tentantur,  
secundùm divinæ ordinationis sapi-  
entiam, & æquitatem, quæ statum,  
& merita hominum pensat, & cun-  
cta ad electorum suorum salutem  
præordinat.

7. Ideò non debemus desperare, cùm tentamur; sed eò ferventius Deū exorare, quatenus nos in omni tribulatione dignetur adjuvare: qui utique, secundum dictum Pauli tam faciet cum temptatione proveni-  
tum, ut possimus sustinere.

Humiliemus ergo animas nostras sub manu Dei in omni temptatione, & tribulatione: quia humiles spiritu salvabit, & exaltabit.

8. In temptationibus, & tribulati-  
nibus probatur homo, quantum pro-  
fecit: & ibi majus meritum exi-  
stit, & virtus melius patescit.

Nec magnum est, si homo devo-  
tus sit, & servidus, cùm gravitatem  
non sentit: sed, si tempore adversi-  
tatis patienter se sustinet, spes ma-  
gni profectus erit.

Quidam à magnis temptationibus  
custodiuntur, & in parvis quotidiani-  
nis sàpè vincuntur, ut humiliati,

nunquam de se ipsis in magnis confidant, qui in tam modicis infirmantur.

## CAPUT XIV.

*De temerario Judicio vitando. I*

I. **A**D te ipsum oculos refleste, & aliorum facta caveas judicac.

In judicando alios, homo frustrè laborat, sèpiùs errat, & leviter peccat: seipsum verò judicando, & discutiendo, semper fructuosè laboret.

Sicut nobis res cordi est, sic de ea frequenter judicamus: nam verum judicium, propter privatum amorem, faciliter perdimus.

Si Deus semper esset pura intentione nostri desiderii, non tam faciliter turbaremur pro resistentia sensus nostri.

2. Sed sèpè aliquid ab intrà latet, vel etiam ab extrà concurrit, quod

nos etiam pariter trahit.

Multi occultè seipso quærunt in rebus, quas agunt; & nesciunt.

Videntur etiam in bona pace stare, quando res pro eorum uelle fiunt, & sentire: si autem aliter fit, quam cupiunt, citò moyentur, & tristes fiunt.

Propter diversitatem sensuum, & opinionum, satis frequenter oriuntur dissensiones inter amicos, & cives, inter religiosos, & devotos.

3. Antiqua consuetudo difficulter relinquitur: & ultra proprium videre, nemo libenter ducitur.

Si rationi tuae magis inniteris, vel industriæ, quam virtuti subjectivæ Jesu Christi, raro, & tardè eris homo illuminatus; quia Deus vult nos sibi perfectè subjici, & omnem rationem per inflammatum amorem transcendere.

DE IMITATIONE  
CAPUT XV.

*De operibus ex charitate factis.*

1. PRO nulla re mundi , & pro nullius hominis dilectione, aliquod malum est faciendum : sed pro utilitate tamen indigentis, opus bonum liberè aliquando intermit-tendum est, aut etiam pro meliori mutandum.

Hoc enim facto , opus bonum non deseritur , sed in melius com-mutatur.

Sine charitate , opus externum nihil prodest : quidquid autem ex charitate agitur , quantumcunque etiam parvum sit , & despectum, to-tum efficitur fructuosum.

Magis siquidem Deus pensat , ex quanto quis agit, quam opus, quod facit.

2. Multum facit, qui multum dili-git. Multum facit, qui rem benè facit. Benè facit, qui comunitati ma-gis ,

gis, quām suā voluntati servit.

Sæpè videtur esse charitas; & est magis carnalitas: quia naturalis inclinatio, propria voluntas, spes retributionis, affectus commoditatis, raro abesse volunt.

3. Qui veram, & perfectam charitatem habet, in nulla re seipsum quærit; sed Dei solummodo gloriam in omnibus fieri desiderat.

Nulli etiam invidet; quia nullum privatum gaudium amat: nec in seipso vult gaudere; sed in Deo, super omnia bona, optat beatificari.

Nemini aliquid boni attribuit, sed totaliter ad Deum refert, à quo fontaliter omnia procedunt, in quo finaliter omnes Sancti fruibiliter requiescent.

O qui scintillam haberet veræ charitatis, profectò omnia terrena sentiret plena esse vanitatis.

*De sufferentia defectuum aliorum.*

1. **Q**uæ homo in se, vel in aliis  
emendare non valet, debet  
patienter sustinere, donec Deus ali-  
ter ordinet.

Cogita, quia sic fortè melius est  
pro tua probatione, & patientia,  
sine qua non sunt multùm ponde-  
randa merita nostra.

Debes tamen pro talibus impe-  
dimentis supplicare, ut Deus tibi  
dignetur subvenire, & possis beni-  
gnè portare.

2. Si quis semel, aut bis admo-  
nitus, non acquiescit, noli cum eo  
contendere; sed totum Deo comit-  
te, ut fiat voluntas ejus, & honor,  
in omnibus servis suis, qui scit be-  
nè mala in bonum convertere.

Stude patiens esse in tolerando  
aliorum defectus, & qualescumque  
infirmitates; quia & tu multa habes,

qui

quæ ab aliis oportet tolerari.

Si non potes te talem facere, quamvis vis; quomodo poteris alium ad tuum habere beneplacitum?

Libenter habemus alios perfectos; & tamen proprios non commendamus defectus.

3. Volumus, quod alii strictè corriganter; & ipsi corrigi nolumus.

Displacet larga aliorum licentia; & tamen nobis nolumus negari, quod petimus.

Alios restringi per statuta volumus: & ipsi nullatenus patimur amplius cohiberi.

Sic ergo patet, quam raro proximum, sicut nosipso, pensamus.

Si essent omnes perfecti, quid tunc haberemus ab aliis pro Deo pati?

4. Nunc autem Deus sic ordinavit, ut discamus alter alterius onera portare: quia nemo sine defectu, nemo sine onere; nemo sibi sufficiens,

ciens, nemo sibi satis sapiens: sed oportet nos invicem portare, invicem consolari, pariter adjuvare, instruere, & admonere.

Quantæ autem virtutis quisque fuerit, melius patet occasione adversitatis.

Occasiones namq; hominem fragilem non faciunt; sed, qualis sit, ostendunt.

### C A P U T XVII.

#### *De Monastica vita.*

I. **O**Portet, quod discas te ipsum in multis frangere, si vis pacem, & concordiam cum aliis tenere.

Non est parvum, in monasteriis, vel in congregazione habitare, & inibi sine querela conversari, & usque ad mortem fidelis perseverare.

Beatus, qui ibidem bene vixerit, & feliciter consummaverit.

Si vis debitè stare, & proficere, tenas te tamquam exulem, & peregrin-

grinum super terram.

Oportet te stultum fieri propter Christum , si vis religiosam ducere vitam.

2. Habitū, & tonsura modicū conferunt : sed mutatio morum , & integra mortificatio passionum, verum faciunt Religiosum.

Qui aliud quærit,quām purē Deum , & animæ suæ salutem, non inventet, nisi tribulationē, & dolorem.

Non potest etiam diù stare pacificus, qui non nititur esse minimus, & omnibus subjectus.

3. Ad serviendum venisti, non ad regendum : ad patiendnm , & labrandum scias te vocatum , non ad otiandum , vel fabulandum.

Hic ergo probantur homines, sicut aurum in fornace.

Hic nemo potest stare, nisi extoto corde se voluerit propter Deum humiliare.

*De exemplis sanctorum Patrum.*

1. **I**ntuere sanctorum Patrum fer-  
vida exempla, in quibus vera  
perfectio respluit, & religio; & vi-  
debis, quam modicum sit, & paucem  
nihil, quod nos agimus.

Heu, quid est vita nostra, si illis  
fuerit comparata?

Sancti, & amici Christi, Domi-  
no servierunt in fame, & siti, in fri-  
gore, & nuditate, in labore, & fa-  
tigatione, in vigiliis, & jejuniis, in  
orationibus, & meditationibus san-  
ctis, in persecutionibus, & oppro-  
briis multis.

2. O quam multas, & graves tri-  
bulationes passi sunt Apostoli, Mar-  
tyres, Confessores, Virgines, &  
reliqui omnes, qui Christi vestigia  
voluerunt sequi.

Nam animas suas in hoc mundo  
oderunt, ut in æternam vitam eas  
pos-

possiderent.

O quām strictam, & abdicatam vitam sancti Patres in cremo duxerunt! quām longas, & graves tentationes pertulerunt! quām frequenter ab inimico vexati sunt! quām crebras, & fervidas orationes Deo obtulerunt! quām rigidas abstinentias peregerunt! quām magnum zelum, & fervorem ad spiritualem profectum habuerunt! quām fortè bellum ad edomatatem vitiorum gesserunt! quām puram, & rectam intentionem ad Deum tenuerunt!

Per diem laborabant, & noctibus orationi divinæ vacabant: quamquam, laborando, ab oratione mentali minimè cessarent.

3. Omne tempus utiliter expendebant; omnis hora ad vacandum Deo brevis videbatur: & præ magna dulcedine, contemplationis,  
etiam

etiam oblivioni tradebatur necessitas corporalis refectionis.

Omnibus divitiis, dignitatibus, honoribus, amicis, & cognatis renuntiabant: nil de mundo habere cupiebant; vix necessaria vita sumebant: corpori servire, etiam in necessitate dolebant.

Pauperes igitur erant rebus terrenis; sed divites valde in gratia, & virtutibus.

Foris egebant; sed intus gratiam, & consolatione divina reficiebantur.

4. Mundo erant alieni; sed Deo proximi, ac familiares amici.

Sibi ipsis videbantur tanquam nihil, & huic mundo despecti: sed erant in oculis Dei pretiosi, & dilecti.

In vera humilitate stabant, in simplici obedientia vivebant, in charitate, & patientia ambulabant: & ideo quotidiè in spiritu proficiebant, & magnam apud Deum gratiam

tiam obtinebant.

Dati sunt in exemplum omnibus  
Religiosis: & plūs provocare nos  
debent ad benè proficiendum, quām  
tepidorum numerus ad relaxandum.

5. O quantus fervor omnium Reli-  
giotorum in principio suæ sanctæ  
institutionis fuit!

O quanta devotio orationis!  
quanta æmulatio virtutis! quām  
magna disciplina viguit! quanta re-  
verentia, & obedientia, sub regula  
Magistri in omnibus efflорuit!

Testantur adhuc vestigia dereli-  
cta, quòd verè viri sancti, & perfe-  
cti fuerunt, qui, tam strenuè mili-  
tantes, mundum suppeditaverunt.

Jam magnus putatur, si quis trans-  
gressor non fuerit, si quis, quod ac-  
cepit, cum patientia tolerare po-  
tuerit.

6. Ah tepor, & negligentia statūs  
nostrī, quòd tam citò declinamus à  
pri-

pristino fervore; & jam tædet vivere præ lassitudine, & tepore!

Utinam in te penitus non dormitet profectus virtutum, qui multa sæpius exempla vidisti devotorum!

### C A P U T X I X.

*De exercitiis boni Religiosi.*

i. **V**Ita boni Religiosi omnibus virtutibus pollere debet; ut sit talis interius, qualis videtur hominibus exterius.

Et meritò multò plus debet esse intùs, quàm quod cernitur foris; quia inspecto noster est Deus, quem sum operè revereri debemus, ubicunque fuerimus, &, tamquam Angeli, in conspectu ejus mundi incedere.

Omni die renovare debemus propositum nostrum, & ad fervorem nos excitare, quasi hodie primum ad conversionem venissimus, atque dicere:

Adjuva me, Domine Deus meus, in bono proposito, & sancto servitio tuo: & da mihi nunc hodie perfectè incipere; quia nihil est, quod haec tenus feci.

2. Secundum propositum nostrum, cursus profectus nostri: & multâ diligentia opus est benè proficere volenti.

Quod si fortiter proponens, sapè deficit; quid ille, qui raro, aut minùs fixè aliquid proponit?

Variis tamen modis contingit desertio propositi nostri: & levis omissione exercitiorum vix sine aliquo dispendio transit.

Justorum propositum in gratia Dei potius, quam in propria sapientia pendet: in quo & semper confidunt, quidquid arripiunt.

Nam homo proponit, sed Deus disponit: nec est in homine via ejus.

3. Si pietatis causâ, aut fraternæ utili-

utilitatis proposito, quandoq; consuetum omittitur exercitium, facile postea poterit recuperari.

Si autem tædio animi, aut negligentia faciliter relinquitur, satis culpabile est, & nocivum sentietur. Conemur, quantum possumus, adhuc leviter deficiemus in multis.

Semper tamen aliquid certi proponendum est; & contra illa præcipue, quæ amplius nos impediunt.

Exteriora nostra, & interiora, pariter nobis scrutanda sunt, & ordinanda; quia utraque expediunt ad profectum.

4. Si non continuè te vales colligere; saltem interdum: & ad minus semel in die; manè videlicet, aut vespere.

Manè propone, vespere discute mores tuos; qualis hodie fuisti in verbo, opere, & cogitatione: quia in his sæpius forsitan offendisti De-

um

um, & proximum.

Accinge te, sicut vir, contra diabolicas nequitias: fræna gulam, & omnem carnis inclinationem facilius frænabis.

Nunquam sis ex toto otiosus: sed aut legens, aut scribens, aut orans, aut meditans, aut aliquid utilitatis pro communi laborans.

Corporalia tamen exercitia discretè sunt agenda, nec omnibus æqualiter assumenda.

5. Quæ communia non sunt, non sunt foris ostendenda; nam in secreto tutius exercentur privata.

Cavendum tamen, ne piger sis ad communia, & ad singularia promptior: sed, expletis integrè, & fideliter debit is, & injunctis, si jam ultra vacat, redde te tibi, prout devo tio tua desiderat.

Non possunt omnes habere unum exercitium: sed aljud isti, a liud

Iud illi magis deseruit.

Etiam pro temporum congruentia, diversa placent exercitia; quia alia in festis, alia in feriatis magis sapiunt diebus.

Aliis indigemus tempore tentationis; & aliis tempore pacis, & quietis.

Alia, cum tristamur, libet cogitare: & alia, cum laeti in Domino fuerimus.

6. Circa principalia Festa, renovanda sunt bona exercitia; & Sanctorum suffragia ferventiū imploranda.

De festo in festum proponere debemus, quasi tunc de hoc saeculo migraturi, & ad aeternum festum perventuri.

Ideoque sollicitè nos preparare debemus in devotis temporibus, & devotius conversari, atque omnem observantiam strictius custodire,

tan-

tanquam in brevi præmium labo-  
ris nostri à Deo perecepturi.

7. Et , si dilatum fuerit , creda-  
mus , nos minùs benè præparatos ,  
atque indignos tantæ adhuc glo-  
riæ , quæ revelabitur in nobis tem-  
pore præfinito : & studeamus nos  
meliùs ad exitum præparare .

*Beatus ille servus ( ait Evangelista Matthæus ) quem , cùm venerit Dominus ejus , invenerit sic facientem . Amen dico vobis , quoniam super omnia bona sua constituet eum .*

## C A P U T   XX.

*De amore solitudinis , & silentii .*

I. **Q**uære aptum tempus vacan-  
di tibi , & de beneficiis  
Dei frequenter cogita .

Relinque curiosa . Tales perlege  
materias , quæ compunctionem ma-  
gis præstant , quàm occupationem .

Si te subtraxeris à superfluis lo-  
cationibus , & otiosis circuitioni-

bus, nec non à novitatibus, & rumoribus audiendis, invenies tempus sufficiens, & aptum ad bonis meditationibus insistendum.

Maximi Sanctorum humana confortia, ubi poterant, vitabant, & Deo in secreto servire eligeant.

2. Dixit quidam: Quoties inter homines fui, minor homo redii.

Hoc səpiùs experimur, quando diù confabulamur. Facilius est omnino tacere, quam verbo non excedere.

Facilius est domi latere, quam foris se posse sufficienter custodire.

Qui igitur intendit ad interiora, & spiritualia pervenire, oportet eum cum JESU à turba declinare.

Nemo securè apparet, nisi qui libenter latet.

Nemo securè loquitur, nisi qui libenter tacet.

Nemo securè præst', nisi qui liben-

libenter subest.

Nemo securè præcipit , nisi qui  
benè obedire didicit.

3. Nemo securè gaudet , nisi qui  
bonæ conscientiæ in se testimoni-  
um habet.

Semper tamen Sanctorum secu-  
ritas , plena timoris Dei extitit.

Nec eò minùs solliciti , & hu-  
miles in se fuerunt , quia magnis vir-  
tutibus , & gratiâ emicuerunt.

Pravorum autem securitas ex  
superbia , & præsumptione oritur ,  
& in fine in deceptionem sui ipsius  
vertitur.

Nunquam promittas tibi securi-  
tatem in hac vita , quamvis bonus  
videaris cœnobita , aut devotus  
eremita.

4. Sæpè meliores in æstimatione  
hominum , graviùs periclitati sunt  
propter suam nimiam confiden-  
tiā.

Unde multis utilius est , ut non penitus temptationibus careant , sed saepius impugnentur , ne nimium securi sint ; ne forte in superbiam eleventur ; ne etiam ad exteriores consolationes licentiūs declinent.

O, qui nunquam transitoriam lætitiam quæreret , qui nunquam cum mundo se occuparet , quam bonam conscientiam servaret !

O, qui omnem vanam solicitudinem amputaret , & duntaxat salutaria , ac divina cogitaret , & totam spem suam in Deo constitueret , quam magnam pacem , & quietem possideret !

5. Nemo dignus est Cœlesti consolatione , nisi diligenter se exercuerit in sancta compunctione .

Si vis corde-tenus compungi , intra cubile tuum , & exclude tumultus mundi , sicut scriptum est : *In cubilibus vestris compungimini.*

In cella invenies, quod deforis sæpius amittes.

Cella continuata dulcescit, & malè custodita tædium generat. Si in principio conversionis tuæ benè eam incolueris, & custodieris, erit tibi postea dilecta amica, & gratissimum solarium.

6. In silentio, & quiete proficit anima devota, & discit abscondita Scripturarum.

Ibi invenit fluenta lacrymarum, quibus singulis noctibus se lavet, & mundet; ut Conditori suo tantò familiarior fiat, quanto longius ab omni sæculari tumultu degit.

Qui ergo se abstrahit à notis, & amicis, appropinquabit illi Deus cum Angelis sanctis.

Melius est latere, & sui curam agere, quam, se neglecto, signa facere.

Laudabile est homini Religioso,

rarò foras ire , fugere videri , nolle etiam homines videre.

7. Quid vis videre , quod non licet habere ? *Transit mundus , & concupiscentia ejus.*

Trahunt desideria sensualitatis ad spatiandum : sed, cum hora transierit , quid nisi gravitatem conscientiarum , & cordis dispersionem reportas ?

Lætus exitus tristem sàpè reditum parit : & læta vigilia serotina triste manè facit.

Sic omne carnale gaudium blandè intrat : sed in fine mordet , & perimit.

Quid potes alibi videre , quod hic non vides ? Ecce Cœlum , & terra , & omnia elementa ; nam ex ipsis omnia sunt facta.

8. Quid potes alicubi videre , quod diù potest sub sole permanere ?

Credis , te forsitan satiari ; sed non poteris pertingere.

Si cuncta videres præsentia, quid  
esset, nisi visio vana?

Leva oculos tuos ad Deum in  
excelsis; & ora pro peccatis tuis,  
& negligentiis.

Dimitte vana vanis: tu autem in-  
tende illis, quæ tibi præcipit Deus.

Claude super te ostium tuum, &  
voca ad te Jelum, dilectum tuum.

Mane cum eo in cella tua; quia  
non invenies alibi tantam pacem.

Si non exisses, nec quidquam  
de rumoribus audisses, melius in  
bona pace permanisset. Ex quo  
nova delectat aliquando audire, o-  
portet te exinde turbationem cor-  
dis tolerare.

## C A P U T   X X I .

### *De compunctione cordis.*

I. **S**i vis aliquid proficere, con-  
serva te in timore Dei: &  
noli esse nimis liber; sed sub disci-  
plina cohibe omnes sensus tuos,

**DE I M I T A T I O N E**  
nec ineptæ te tradas lætitia.

Da te ad cordis compunctionem ; & invenies devotionem.

Compunction multa bona aperit, quæ dissolutio citò perdere consuevit.

Mirum est , quod homo possit unquam perfectè in hac vita lætari, qui suum exilium , & tam multa pericula animæ suæ considerat, & pensat.

2. Propter levitatem cordis , & negligentiam defectuum nostrorum, non sentimus animæ nostræ dolores; sed sàpè vanè ridemus, quando meritò fieri deberemus.

Non est vera libertas , nec bona lætitia , nisi in timore Dei cum bona conscientia.

Felix , qui abjicere potest omne impedimentum distractionis , & ad unionem se recolligere sanctæ compunctionis.

**Felix**

Felix , qui à se abdicat , quidquid conscientiam suam maculare potest , vel gravare.

Certa viriliter: consuetudo consuetudine vincitur.

3. Si tu scis homines dimittere , ipsi benè te dimittent tua facta facere.

Non attrahas tibi res aliorum , nec te implices causis Majorum.

Habeas semper oculum super te primùm: & admoneas te ipsum specialiter , præ omnibus tibi dilectis.

Si non habes favorem hominum , noli ex hoc tristari : sed hoc sit tibi grave ; quia non habes te fatis benè , & circumspetè , sicut deceret Dei servum , & devotum Religiosum conversari.

Utilius est sàpè , & securius , quòd homo non habeat multas cōsolationes in hac vita , secundùm carnem præcipue.

Tamen, quod divinas non habemus, aut rarius sentimus, nos in culpa sumus; quia compunctionem cordis non quaerimus, nec vanas, & externas consolationes omnino abjicimus.

4. Cognosce te indignum divina consolatione, sed magis dignum multa tribulatione

Quando homo est perfectè compunctus, tunc gravis, & amarus est ei totus mundus.

Bonus homo sufficientem inventit materiam dolendi, & fiendi.

Sive enim se considerat, sive de proximo pensat, scit, quia nemo sine tribulatione hic vivit.

Et quanto strictius se considerat, tanto amplius dolet.

Materia justi doloris, & internæ compunctionis, sunt peccata, & vitia nostra; quibus ita involuti jacemus, ut raro Cœlestia contem-

templari valeamus.

5. Si frequentius de morte tua , quām de longitudine vitæ tuæ cogitares , non est dubium , quin ferventiū te emendares.

Si etiam futuras Inferni , sive Purgatorii pœnas cordialiter perpenderes , credo , quòd libenter laborem , & dolorem sustineres , & nihil rigoris formidares.

Sed , quia ad cor ista non transcunt , & blandimenta adhuc amamus , ideo frigidi , & valde pigri remanemus.

6. Sæpè est inopia spiritūs , unde tam leviter conqueritur miserum corpus.

Ora igitur humiliter ad Dominum , ut det tibi compunctionis spiritum , & dic cum Propheta : *Ciba me , Domine , pane lacrymarum , & potum da mibi , in lacrimis , in mensura.*

*De consideratione humanæ misericordiæ.*

1. **M**iser es, ubicumque fueris,  
& quocunque te verteris,  
nisi ad Deum te convertas.

Quid turbaris, quia non succedit  
tibi, sicut vis, & desideras? Quis  
est, qui habet omnia secundum su-  
am voluntatem? Nec ego, nec tu,  
nec quis hominum super terram.

Nemo est in mundo sine aliqua  
tribulatione, vel angustia, quam-  
vis Rex sit, vel Papa.

Quis est, qui melius habet? uti-  
que, qui pro Deo aliquid pati valet.

2. Dicunt multi imbecilles, & in-  
firmi: Ecce, quam bonam vitam ille  
homo habet, quam dives est, quam  
magnus, quam potens, & excelsus?

Sed attende ad Cœlestia bona; &  
videbis, quod omnia ista tempora-  
lia nulla sint, sed valde incerta, &  
magis gravantia; quia nunquam

sine solicitudine , & timore pos-  
sidentur.

Non est hominjs felicitas , ha-  
bere temporalia ad abundantiam ;  
sed sufficit ei mediocritas.

Verè miseria est , vivere super  
terram.

Quantò homo voluerit esse spi-  
ritualior , tantò præsens vita fit ei  
amarior ; quia sentit melius , &  
videt clarius , humanæ corruptio-  
nis defectus.

Nam comedere , bibere , vigi-  
lare , dormire , quiescere , labo-  
rare , & coeteris necessitatibus na-  
turæ subjacere , verè magna mise-  
ria est , & afflictio homini devoto,  
qui libenter esset absolutus , & li-  
ber ab omni peccato.

3. Valdè enim gravatur interios  
homo necessitatibus corporalibus  
in hoc mundo.

Unde Propheta devotè rogat ,  
qua-

quatenus liber ab istis esse valeat,  
dicens: *De necessitaibus meis erue  
me, Domine.*

Sed vae non cognoscentibus su-  
am miseriam! & amplius vae illis,  
qui diligunt hanc miseram, & cor-  
ruptibilem vitam!

Nam in tantum quidam hanc  
amplectuntur ( licet etiam vix ne-  
cessaria laborando, aut mendican-  
do habeant) ut, si possent hic sem-  
per vivere, de regno Dei nihil cu-  
rarent.

4. O insani, & infideles corde,  
qui tam profundè in terrenis jacent,  
ut nihil, nisi carnalia, sapiant!

Sed miseri adhuc in fine graviter  
sentient, quam vile, & nihilum  
erat, quod tantopere amaverunt.

Sancti autem Dei, & omnes de-  
voti amici Christi, non attende-  
runt, quæ carni placuerunt, nec  
quæ in hoc tempore floruerunt, sed

tota spes eorum , & intentio ad æternæ bona anhelabat.

Ferebatur totum desiderium eorum sursùm ad mansura , & invisibilia , ne amore visibilium traherentur ad infima.

Noli , frater , amittere confidentiam proficiendi ad spiritualia : adhuc habes tempus , & horam.

5. Quare vis procrastinare propositum tuum ? Surge , & in instanti incipe , & dic : Nunc tempus est faciendi , nunc tempus est pugnandi , nunc aptum tempus est emendandi .

Quando malè habes , & tribularis , tunc tempus est promerendi .

Oportet te transire per ignem , & aquam , antequam venias in refrigerium .

Nisi tibi vim feceris , vitium non superabis .

Quamdiū istud fragile corpus gerimus , sine peccato esse non possumus !

sumus, nec sine tædio, & dolore  
vivere.

Libenter haberemus ab omni  
miseria quietem; sed, quia per pec-  
catum perdidimus innocentiam, a-  
missim⁹ etiam veram beatitudinem.

Ideò oportet nos tenere patien-  
tiam, & Dei expectare misericor-  
diam, donec transeat iniquitas, &  
hæc mortalitas absorbeat à vita.

6. O quanta fragilitas humana,  
quæ semper prona est ad vitia!

Hodie confiteris peccata tua, &  
cras iterum perpetras confessa.

Nunc proponis cavere; & post  
horam agis, quasi nihil proposuisses.

Meritò ergo nosipso humiliare  
possimus, nec unquam aliquid ma-  
gni de nobis sentire; quia tam fra-  
giles, & instabiles sumus.

Citò etiam potest perdi per ne-  
gligentiam, quod multo labore vix  
tandem acquisitum est per gratiam.

Quid

7. Quid fiet de nobis adhuc in fine , qui te pescimus tam manè?

Væ nobis , si sic volumus declinare ad quietem , quasi jam pax sit , & securitas ; cùm necdum apparet vestigium veræ sanctitatis in conversatione nostra.

Benè opus esset, quod adhuc iterum institueremur , tanquam boni Novitii, ad mores optimos , si forte spes esset de aliqua futura emendatione , & majori spirituali profectu.

### CAPUT XXIII.

#### *De meditatione mortis*

1. **V**aledic citò erit tecum hic factum : vide taliter , quomodo te habeas : hodie homo est , & cras non comparet.

Cum autem sublatus fuerit ab oculis , etiam citò transit à mente.

O hebetudo , & duritia cordis humani , quod solum præstia meditatur , & futura non magis prævidet !

Sic

Sic te in omni facto , & cogita-  
tu deberes tenere, quasi hodie, vel  
statim esses moriturus.

Si bonam conscientiam haberet,  
non multum mortem timeres.

Melius esset peccata cavere ,  
quam mortem fugere.

Si hodie non es paratus, quomo-  
do cras eris ? Cras est dies incerta;  
& quid scis , si crastinum habebis ?

2. Quid prodest diu vivere ,  
quando tam parum emendamur ?

Ah, longa vita non semper emen-  
dat , sed saepè culpam magis auget.

Utinam per unam diem benè es-  
semus conversati in hoc mundo !

Multi annos computant conver-  
sionis , sed saepè parvus est fructus  
emendationis.

Si formidolosum est mori, forsi-  
tan periculosius erit diutiùs vivere.

Beatus , qui horam mortis suæ  
semper ante oculos habet , & ad  
mori-

moriendum quotidie se disponit.

Si vidisti aliquando hominem mori, cogita, quia & tu per eamdem viam transibis.

3. Cùm manè fuerit, puta te ad vesperum non perventurum.

Vespere autem facto, manè non audeas tibi polliceri.

Semper ergo paratus esto, & taliter vive, ut nunquam te impatarum mors inveniat.

Multi subitò, & improvisè moriuntur. Nam hora, qua non putatur, Filius hominis venturus est.

Quando illa extrema hora venerit, multùm aliter sentire incipies de tota vita tua præterita: & valdè dolebis, quòd tam negligens, & remissus fuisti.

4. Quàm felix, & prudens, qui talis nunc nititur esse in vita, qualis optat inveniri in morte!

Dabit namq; magnam fiduciam felic-

feliciter moriendi , perfectus contemptus mundi, fervens desiderium in virtutibus proficiendi , amor disciplinæ , labor pœnitentiæ , promptitudo obedientiæ , abnegatio sui , & supportatio cuiuslibet adversitatis pro amore Christi.

Multa bona potes operari , dum sanus es : sed infirmatus , nescio , quid poteris.

Pauci ex infirmitate meliorantur : sic & qui multum peregrinantur , raro sanctificantur.

5. Noli confidere super amicos , & proximos , nec in futurum tuam differas salutem : quia citius obliviscuntur tui homines , quam existimas.

Melius est nunc tempestivè providere , & aliquid boni præmittere , quam super aliorum auxilio sperare.

Si non es pro teipso solicitus modò , quis erit solicitus pro te in futuro ?

Nunc tempus est valdè pretiosum. Nunc sunt dies salutis, [nunc tempus acceptabile.

Sed, proh dolor! quòd hoc utilius non expendis, in quo promerri vales, unde æternaliter vivas!

Veniet, quando unum diem, seu horam pro emendatione desiderabis; & nescio, an impetrabis.

6. Eja charissime, à quanto periculo te poteris liberare, de quam magno timore cripere, si modò semper timoratus fueris, & suspensus de morte?

Stude nunc taliter vivere, ut in hora mortis valeas potius gaudere, quam timere.

Disce nunc mori mundo, ut tunc incipias vivere cum Christo.

Disce nunc omnia contemnere, ut tunc possis liberè ad Christum pergere.

Castiga nunc corpus tuum per  
pœni-

pœnitentiam , ut tunc certam va-  
leas habere confidentiam.

7. Ah stulte , quid cogitas , te dijū  
victurum ; cùm nullum diem ha-  
beas securum ?

Quàm multi decepti sunt , & in-  
speratè de corpore extracti ?

Quoties audisti à dicentibus ;  
quia ille gladio cecidit , ille submer-  
sus est , ille ab alto ruens , cervicem  
fregit , ille manducando obriguit ,  
ille ludendo finem fecit ?

Alius igne , alias ferro , alias pe-  
ste , alias latrocinio interiit : & sic  
omnium finis mors est , & vita ho-  
minum , tanquam umbra , subi-  
tò pertransit.

8. Quis memorabitur tui post  
mortem ? & quis orabit pro te ?

Age , age nunc , charissime ,  
quidquid agere potes : quia nescis ,  
quando morieris ; nescis etiam ,  
quid te post mortem sequetur.

Dum tempus habes, congrega  
tibi divitias immortales.

Præter salutem tuam, nihil co-  
gites: solum, quæ Dei sunt, cures.

Fac nunc tibi amicos, veneran-  
do Dei Sanctos, & eorum actus  
imitando: ut, cum defeceris in haec  
vita, illi te recipiant in æterna ta-  
bernacula.

9. Serva te tanquam peregrinum,  
& hospitem super terram, ad quem  
nihil spectat de mundi negotiis.

Serva cor liberum, & ad Deum  
sursum erectum; quia non habes  
hic manentem civitatem.

Illuc preces, & gemitus quotidia-  
nos cum lacrymis dirige, ut spiritus  
tuus mereatur ad Dominum, post  
mortem, feliciter transire. Amen.

#### CAPUT XXIV.

*De Judicio, & pænis peccatorum.*

I. IN omnibus rebus respice finem,  
& qualiter ante districtum sta-

bis Judicem, cui nihil est occultum: qui muneribus non placatur, nec excusationes recipit; sed, quod justum est, judicabit.

O miserrime, & insipiens peccator, quid respondebis Deo, omnia mala tua scienti; qui interdum formidas vultum hominis irati?

Ut quid non provides tibi in diem Judicii, quando nemo poterit per aliū excusari, vel defendi; sed unusquisq; sufficiens onus erit sibi ipsi?

Nunc labor tuus est fructuosus, fletus acceptabilis, gemitus exaudibilis, dolor satisfactorius, & purgativus.

2. Habet magnum, & salubre purgatorium patiens homo, qui, suscipiens injurias, plūs dolet de alterius malitia, quam de sua injuria: qui pro contrariantibus sibi libenter orat, & ex corde culpas indulget: qui veniam ab aliis petere

non

non retardat: qui facilius misere-  
tur, quam irascitur: qui sibi ipsi  
violentiam frequenter facit, & car-  
nem suam omnino spiritui subju-  
gare conatur.

Melius est modò purgare pecca-  
ta, & vitia resecare, quam in fu-  
turo purganda reservare.

Verè nos ipsos decipimus per  
inordinatum amorem, quem ad  
carnem habemus.

3. Quid aliud ignis ille devora-  
bit, nisi peccata tua?

Quantò amplius tibi ipsi nunc  
parcis, & carnem sequeris; tantò  
durius postea lues, & majorem ma-  
teriam comburendi reservas.

In quibus homo peccavit, in illis  
gravius punietur. Ibi acediosi ar-  
dentibus stimulis perurgebuntur:  
& gulosi ingenti siti, ac fame cru-  
ciabuntur.

Ibi luxuriosi, & voluptatum

amatores, ardenti pice, & fœtido sulphure perfundentur: &, sicut furiosi canes, præ dolore inviosi ululabunt.

4. Nullum vitium erit, quod suum proprium cruciatum non habebit.

Ibi superbi omni confusione replebuntur: & avari miserrima cœgestate arctabuntur.

Ibi erit una hora gravior in pœna, quam hic centum anni in amarissima pœnitentia.

Ibi nulla requies est, & nulla consolatio damnatis: hic tamen interdum cessatur à laboribus, atque amicorum fruimur solatiis.

Esto modò solicitus, & dolens pro peccatis tuis, ut in die Judicii securus sis cum Beatis.

Tunc enim *Justi stabunt in magna constantia adversus eos, qui se angustiaverunt, & depresserunt.*

Tunc

Tunc stabit ad judicandum, qui modò se subjicit humiliter judiciis hominum.

Tunc magnam fiduciam habebit pauper, & humilis : & pavebit undique superbus.

5. Tunc videbitur sapiens in hoc mundo fuisse, qui pro Christo dicit stultus, & despectus esse.

Tunc placbit omnis tribulatio patienter perpesta, & omnis iniqtas oppilabit os suum.

Tunc gaudebit omnis devotus, & mōerebit omnis irreligious.

Tunc plūs exultabit caro afflēta, quām, si in deliciis fuisset semper nutrita.

Tunc splendebit habitus vilis, & obtenebrescit vestis subtilis,

Tunc plūs laudabitur pauperculum domicilium, quām deauratum palatium.

Tunc juvabit plūs constans patientia,

entia, quām omnis mundi potentia.

Tunc amplius exaltabitur simplex obedientia, quām omnis secularis astutja.

6. Tunc plūs lētificabit pura, & bona conscientia, quām docta philosophia.

Tunc plūs ponderabit contemptus divitiarum, quām totus thesaurus terrigenarum.

Tunc magis consolaberis super devota oratione, quām super delicata comedione.

Tunc potiūs gaudebis de servato silentio, quām de longa fabulatione.

Tunc plūs valebunt sancta opera, quām multa pulchra verba.

Tunc plūs placebit stricta vita, & ardua pœnitentia, quām omnis delectatio terrena.

Disce nunc in modico pati, ut tunc à gravioribus valeas liberari.

Hic primò proba, quid possis

pati posteà.

Si nunc tam parùm vales sustinere , quomodo æterna tormenta poteris sufferre ?

Si modò modica passio tam impatientem efficit , quid gehenna tunc faciet ?

Ecce , verè non potes duo gaudia habere : delectari hic in mundo , & posteà regnare cum Christo .

7. Si usque in hodiernam diem semper in honoribus , & voluptatibus vixisses , quid totum tibi profuisset , si iam mori in instanti continget ?

Omnia ergo vanitas , præter amare Deum , & illi soli servire .

Qui enim Deum ex toto corde amat ; nec mortem , nec supplicium , nec Judicium , nec Infernum metuit : quia perfectus amor secundum ad Deum accessum facit .

Quem autem adhuc peccare de-



## DE IMITATIONE

lectat, non mirum, si mortem,  
& Judicium timeat.

Bonum tamen est, ut, si nec-  
dum amor à malo te revocat, sal-  
tem timor gehennalis coërceat.

Qui verò timorem Dei postpo-  
nit, diù stare in bono non valebit,  
sed Diaboli laqueos citius incurret.

## C A P U T   XXV.

**D**e ferventi emendatione totius vi-  
tae nostræ.

**A.** E Sto vigilans, & diligens in  
Dei servitio; & cogita fre-  
quenter: Ad quid venisti, & cur  
sæculum reliquisti?

Nónne, ut Deo viveres, & spi-  
ritualis homo fieres?

Igitur ad profectum ferreas; quia  
mercedem laborum tuorum in bre-  
vi recipies: nec erit tunc amplius  
timor, aut dolor, in finibus tuis.

Modicūm nunc laborabis, &  
magnam requiem, imò perpetu-

am latitiam invenies.

Si tu permanferis fidelis, & fervidus in agendo, Deus procul dubio erit fidelis, & locuples in retribuendo.

Spem bonam retinere debes, quod ad palmam pervenies: sed securitatem capere non oportet, ne torpeas, aut elatus fias.

2. Cum quidam anxius, intermetum, & spem frequenter fluctuaret, & quadam vice moerore confessus, in Ecclesia ante quoddam Altare se in oratione prostravisset, haec intra se revolvit, dicens: O, si icirem, quod adhuc perseveraturus essem! statimque audiuit divinum intus responsum: Quod si hoc scires, quid facere velles? Fae nunc, quod tunc facere velles, & bene securus eris.

Moxque consolatus, & confortatus, divina se commisit voluntati,

tati , & cessavit anxia fluctuatio.

Noluitque amplius curiosè inve-  
stigare, ut sciret, quæ sibi essent fu-  
tura: sed magis studuit inquirere,  
quæ esset voluntas Dei beneplacens,  
& perfecta , ad omne opus bonum  
inchoandum , & perficiendum.

3. *Spera in Domino, & fac boni-  
tatem ( ait Propheta ) & inbabita  
terram, & pascēris in divitiis ejus.*

Unum est , quod multos à profe-  
ctu , & ferventi emendatione re-  
trahit : horror difficultatis , seu  
labor certaminis.

Enimverò illi maximè præ cœ-  
teris in virtutibus proficiunt , qui  
ea , quæ sibi magis gravia , & con-  
traria sunt,viriliter vincere nituntur.

Nam ibi homo plùs proficit , &  
gratiam meretur ampliorem , ubi  
magis seipsum vincit , & in spiri-  
tu mortificat.

4. Sed non omnes habent æquè  
mul-

multum ad vincendum , & mori-  
endum.

Diligens tamen æmulator , va-  
lentior erit ad proficiendum , eti-  
amsi plures habeat passiones ,  
quam alius benè morigeratus , mi-  
nus tamen fervens ad virtutes .

Duo specialiter ad magnam e-  
mendationem juvant : videlicet ,  
subtrahere se violenter , ad quod  
natura vitiosè inclinatur ; & fer-  
venter instare pro bono , quo  
amplius quis indiget .

Illa etiam studeas magis cavere ,  
& vincere , quæ tibi frequentius  
in aliis displicant .

5. Ubique profectum tuum capi-  
as : ut , si bona exempla videas , vel  
audias , ad imitandum accendaris .

Si quid autem reprehensibile  
consideraveris , cave , ne idem  
facias : aut , si aliquando fecisti ,  
citius emendare te studeas .

Sicut oculus tuus alios considerat , sic iterum ab aliis notari.

Quām jucundum , & dulce est ,  
videre fervidos , & devotos fratres ,  
benē morigeratos , & disciplinatos !

Quām triste est , & grave , videre  
inordinatē ambulantes : qui ea , ad  
quæ vocati sunt , non exercent !

Quām nocivum est , negligere  
vocationis suæ propositum ; & ad  
non concessa sensum inclinare !

6. Memor esto arrepti propositi ,  
& imaginem tibi propone Crucifixi .

Benē verecundari potes , inspe-  
ctâ vitâ JESU Christi ; quia nec-  
dum magis illi te conformare stu-  
duisti , licet diù in via Dei fuisti .

Religiosus , qui se intentè , &  
devotè in sanctissima Vita , & Pas-  
sione Domini exercet , omnia uti-  
lia , & necessaria sibi , abundanter  
ibi inveniet : nec opūs est , ut ex-  
tra Iesum aliquid melius querat .

O, si Jesus Crucifixus in cor nostrum veniret, quam citò, & sufficienter docti essemus!

7. Religiosus fervidus omnia bene portat, & capit, quæ illi jubentur.

Religiosus negligens, & tepidus habet tribulationem super tribulationem, & ex omni parte patitur angustiam: quia interiori consolatione caret, & exteriorem quærcere prohibetur.

Religiosus extra disciplinam vivens, gravi patet ruinæ.

Qui laxiora quærit, & remissiora, semper in angustiis erit: quia aut unum, aut reliquum sibi displicebit.

8. Quomodo faciunt tam multi alii Religiosi, qui satis arctati sunt sub disciplina Claustralium.

Rarò exeunt, abstractè vivunt, pauperrimè comedunt, grossè vestiuntur, multùm laborant, pa-

rūm loquuntur, diū vigilant, maturè surgunt, orationes prolongant, frequenter legunt, & se in omni disciplina custodiunt.

Attende Carthusienses, Cistercienses, & diversæ Religionis Monachos, ac Moniales: qualiter omni nocte ad psallendum Domino assurgunt.

Et ideò turpe esset, ut tu debebas in tam sancto tempore pigritare, ubi tanta multitudo Religiosorum incipit Deo jubilare.

9. O, si ad nihil aliud faciendum incumberes, nisi Dominum Deum nostrum toto corde, & ore laudare!

O, si nunquam indigeres comedere, nec bibere, nec dormire; sed semper posses Deum laudare, & solummodo spiritualibus studiis vacare! tunc multò felicior es, quam modò, cùm carni ex qualunque necessitate servis.

Utinam non essent istae necessitates, sed solùm spirituales animæ refectiones, quas ( heu ) satis raro degustamus !

10. Quando homo ad hoc pervenit, ut de nulla creatura consolationem suam quærat, tunc ejus Deus primò perfectè sapere incipit : tunc etiam benè contentus de omni eventu rerum erit.

Tunc nec pro magno lætabitur, nec pro modico contristabitur : sed ponet se integrè, & fiducialiter in Deo, qui est ei omnia in omnibus: cui nihil utique perit, nec moritur, sed omnia ei vivunt, & ad nutum incunctanter deserviunt.

11. Memento semper finis; &, quia perditum non redit tempus. Sine solicitudine, & diligentia, nunquam acquires virtutes.

Si incipis temescere, incipies male habere.

Si autem dederis te ad fervorem, invenies magnam pacem, & senties leviorem laborem, propter Dei gratiam, & virtutis amorem.

Homo servidus, & diligens, ad omnia est paratus.

Major labor est resistere vitiis, & passionibus, quam corporalibus insudare laboribus.


Qui parvos non vitat defectus, paulatim labitur ad maiores.

Gaudebis semper vespere, si diem expendas fructuosè.

Vigila super te ipsum, excita te ipsum, admone te ipsum: &, quidquid de aliis sit, non negligas te ipsum.

Tantum proficies, quantam tibi ipsi vim intuleris. Amen.

*Finis Libri Primi.*



THO-

THOMÆ  
A KEMPIS,  
CANONICI REGULARIS  
Ordinis S. Augustini,  
DE IMITATIONE  
CHRISTI

*LIBER SECUNDUS.*

Admonitiones, ad interna trahentes.

CAPUT I.

*De interna conversatione.*

**R**egnum Dei intra vos est : dicit Dominus. Converte te ex toto corde ad Dominum, & relinque hunc miserum mundum ; & inveniet anima tua requiem.

Disce exteriora contemnere, & ad interiora te dare ; & videbis Regnum Dei in te venire.

Est enim Regnum Dei, pax,

*gaudium in Spiritu Sancto, quod non datur impiis.*

Veniet ad te Christus, ostendens tibi consolationem suam, si dignam illi ab intus paraveris mansionem.

Omnis gloria ejus, & decor, ab intrà est, & ibi complacet sibi.

Frequens illi visitatio cum homine interno, dulcis sermocinatio, grata consolatio, multa pax, familiaritas stupenda nimis.

2. Eja, anima fidelis! præpara huic sposo cor tuum; quatenus ad te venire, & in te habitare dignetur.

Sic enim dicit: *Si quis diligit me, sermonem meum servabit, & Pater meus diligit eum, & ad eū veniemus, & mansionem apud eum faciemus.*

Da ergo Christo locum, & cœteris omnibus nega introitum.

Cum Christum habueris, dives es, & sufficit tibi. Ipse erit provisor tuus, & fidelis procurator in omnibus,

bus, ut non sit opus tibi in hominibus sperare.

Homines enim citò mutantur ; & deficiunt velociter : Christus autem manet in æternum , & adstat usque in finem firmiter.

3. Non est magna fiducia ponenda in homine fragili , & mortali , etiamsi utilis sit , & dilectus : neque tristitia multa ex hoc capienda , si interdum aduersetur , & contradicat.

Qui hodie tecum sunt , cras contrariari possunt ; & è converso , sàpè , ut aura , vertuntur.

Pone totam fiduciam tuam in Deo , & sit ipse timor tuus , & amor tuus . Ipse pro te respondebit , & faciet bene , sicut melius fuerit.

Non habes hic manentem civitatem ; & ubicunque fueris , extraneus es , & peregrinus : nec requiem aliquando habebis , nisi Christo intimè fueris unitus.

4. Quid hic circumspicis , cùm  
iste non sit locus tuæ requietionis?

In Cœlestibus debet esse habita-  
tio tua , & , sicut in transitu , cun-  
cta terrena sunt aspicienda,

Transcunt omnia , & tu cum  
cis pariter.

Vide , ut non inhæreas ; ne ca-  
piaris , & pereas.

Apud Altissimum sit cogitatio  
tua , & deprecatione tua ad Christum  
sine intermissione dirigatur.

Si nescis speculari alta , & Cœ-  
lestia , requiesce in Passione Chri-  
sti , & in sacris Vulneribus ejus li-  
benter habita.

Si enim ad Vulnera , & pretiosa  
stigmata Jesu , devotè confugias,  
magnum in tribulatione confortati-  
onem senties: nec multum curabis  
hominum despectiones , facilitér-  
que verba detrahentia perferes.

5. Christus fuit etiam in mundo

ab hœ-

ab hominibus despectus ; & in maxima necessitate à notis , & amicis inter opprobria derelictus.

Christus pati voluit , & despici , & tu audes de aliquo conqueri ?

Christus habuit adversarios , & oblocutores ; & tu vis omnes habere amicos , & benedictores ?

Unde coronabitur patientia tua , si nihil adversitatis occurrerit ?

Si nihil contrarium vis pati , quomodo eris amicus Christi ?

Sustine cum Christo , & pro Christo , si vis regnare cum Christo.

6. Si semel perfectè introïsses in interiora Jesu , & modicūm de ardenti amore ejus sapuisses ; tunc de proprio commodo , vel incommodo nihil curares , sed magis de opprobrio illato gauderes : quia amor Jesu facit hominem seipsum contemnere.

Amator JESU , & verus inter-

ternus; & liber ab affectionibus inordinatis, potest se ad Deum liberè convertere, & levare supra seipsum in spiritu, ac fruitivè quietescere.

7. Cui sapiunt omnia, prout sunt, non ut dicuntur, aut aestimantur, hic verè sapiens est, & doctus magis à Deo, quam ab hominibus.

Qui ab intrà scit ambulare, & modicūm ab extrà res ponderare, non requirit loca, nec expectat tempora, ad habenda devota exercitia.

Homo internus, citò se recolligit: quia nunquam se totum ad exteriora effundit.

Non illi obest labor exterior, aut occupatio ad tempus necessaria: sed, sicut res eveniunt, sic se illis accommodat.

Qui intùs bene dispositus est, & ordinatus, non curat mirabiles, & per-

& perversos hominum gestus.

Tantum homo impeditur, & distrahitur, quantum sibi res attrahit.

8. Si recte tibi esset, & bene purgatus essem, omnia tibi in bonum cederent, & profectum.

Ideò multa tibi displicant, & sapè te conturbant; quia adhuc non es perfecte tibiipsi mortuus, nec segregatus ab omnibus terrenis.

Nil sic maculat, & implicat cor hominis, sicut impurus amor in creaturis.

Si renuis consolari exterius, poteris speculari Cœlestia, & frequenter jubilare interius.

## C A P U T II.

### *De humili submissione,*

1. **N**ON magni pendas, quis protege, vel contra te sit: sed hoc age, & cura, ut Deus tecum sit in omni re, quam facis.

Habecas conscientiam bonam;  
& De-

& Deus benè te defensabit.

Quem enim Deus adjuvare voluerit, huic nullius perversitas nocere poterit.

Si tu scis tacere, & pati, videbis procul dubio auxilium Domini.

Ipse novit tempus & modum liberandi te; & ideo te debes illi resignare.

Dei est adjuvare, & ab omni confusione liberare.

Sæpè valde prodest ad majorem humilitatem conservandam, quod defectus nostros alii sciunt, & redargiunt.

2. Quando homo pro defectibus suis se humiliat, tunc faciliter alios placat, & leviter satisfacit sibi irascientibus.

Humilem Deus protegit, & liberat: humilem diligit, & consolatur: humili homini se inclinat: humili largitur gratiam magnam; & post

& post ejus depressionem levat ad gloriam.

Humili sua secreta revelat, & ad se dulciter trahit, & invitat.

Humilis, accepta confusione, satis bene est in pace : quia stat in Deo, & non in mundo.

Non reputes te aliquid profecisse, nisi omnibus inferiorem te esse sentias.

### CAPUT III.

*De bono pacifico homine.*

i. **T**Ene te primò in pace; & tunc poteris alios pacificare.

Homo pacificus magis prodest, quam bene doctus.

Homo passionatus, etiam bonum in malum trahit, & faciliter malum credit.

Bonus pacificus homo omnia ad bonum convertit.

Qui bene in pace est, de nullo suspicatur. Qui autem male con-

tentus est, & commotus, variis suspitionibus agitatur: nec ipse quietus, nec alios quiescere permittit.

Dicit saepè, quod dicere non deberet: & omittit, quod sibi magis facere expediret.

Considerat, quod alii facere tenentur: & negligit, quod ipse tenetur.

Habe ergo primò zelum super te ipsum; & tunc justè zelare poteris etiam proximum tuum.

2. Tu benè scis facta tua excusare, & colorare; & aliorum excusationes non vis recipere.

Justius esset, ut te accusares, & fratrem tuum excusares.

Si portari vis, porta & alium.

Vide, quam longè es adhuc à vera charitate, & humilitate: quæ nulli novit irasci, vel indignari, nisi tantum sibiipsi.

Non est magnum, cum bonis, & mansuetis conversari; hoc enim omnime

omnibus naturaliter placet, & unusquisque libenter pacem habet, & secum sentientes magis diligit.

Sed cum duris, & perversis, aut indisciplinatis, aut nobis contrariantibus pacifice posse vivere, magna gratia est, & laudabile nimiris, virilique factum.

3. Sunt, qui seipso in pace tenent, & cum aliis etiam pacem habent.

Et sunt, qui nec pacem habent, nec alios in pace dimittunt: aliis sunt graves, sed sibi semper graviores.

Et sunt, qui seipso in pace retinent, & ad pacem alios reducere student.

Est tamen tota pax nostra, in hac misera vita, potius in humili patientia ponenda, quam in non sentiendo contraria.

Qui melius scit pati, majorem tenebit pacem. Iste est vicitor sui,

& dominus mundi ; amicus Christi,  
& hæres Cœli.

## CAPUT IV.

*De pura mente, & simplici intentione.*

i. **D**ubibus alis homo sublevatur  
a terrenis , simplicitate sci-  
licet , & puritate.

Simplicitas debet esse in inten-  
tione ; puritas in affectione.

Simplicitas intendit Deum ; pu-  
ritas apprehendit , & gustat.

Nulla bona actio te impediet , si  
liber intus ab omni inordinato affe-  
ctu fueris.

Si nihil aliud , quam Dei bene-  
placitum , & proximi utilitatem in-  
tendis , & quæris , interna liberta-  
te perfruēris.

Si rectum cor tuum esset , tune  
omnis tibi cœatura speculum vitæ ,  
& liber sanctæ doctrinæ esset.

Non est cœatura tam parva , &  
viliis ,

vilis, quæ Dei bonitatem non repræsentet.

2. Si tu esses intùs bonus, & purus, tunc omnia sine impedimento videres, & benè caperes.

Cor purum penetrat Cœlum, & infernum.

Qualis unusquisque intùs est, taliter judicat exterjùs.

Si est gaudium in mundo, hoc utique possidet puri cordis homo.

Et, si alicubi tribulatio, & angustia, hoc melius novit mala conscientia.

Sicut ferrum, missum in ignem, amittit rubiginem, & totum candens efficitur; sic homo, integrè ad Deum se convertens, à torpore exuitur, & in novum hominem transmutatur.

3. Quando homo incipit tepercere, tunc parvum metuit laborem, & libenter externam accipit

Sed, quando perfectè incipit se  
vincere, & viriliter in via Dei am-  
bulare, tunc minùs ea reputat, quæ  
sibi priùs gravia esse sentiebat.

## CAPUT V.

*De propria consideratione.*

1. **N**ON possumus nobis ipsis ni-  
mis credere ; quia sàpè  
gratia nobis deest, & sensus.

Modicum lumen est in nobis ;  
& hoc citò per negligentiam amit-  
timus.

Sàpè etiam non advertimus ,  
quòd tam cæci intùs sumus.

Sàpè malè agimus ; & pejùs  
excusamus.

Passione interdum movemur ;  
& zelum putamus.

Parva in alijs reprehendimus ; &  
nostra majora pertransimus.

Satis citò sentimus, & pondera-  
mus, quid ab aliis sustinemus : sed,  
quan-

quantum alii de nobis sustinent,  
non advertimus.

**Qui benè , & rectè sua ponde-**  
**raret, non esset, quòd de alio gra-**  
**viter judicaret.**

**2. Internus honio sui ipsius cu-**  
**ram omnibus curis anteponit : &**  
**qui sibi ipsi diligenter intendit , fa-**  
**ciliter de aliis tacet.**

**Nunquam eris internus , & de-**  
**votus , nisi de alienis silueris , & ad**  
**te ipsum specialiter respexeris.**

**Si tibi , & Deo totaliter intendis ,**  
**modicum te movebit , quod foris**  
**percipis.**

**Ubi es , quando tibi ipsi præsens**  
**non es ? Et quando omnia percur-**  
**rasti , quid ( te neglecto ) profecisti ?**

**Si debes habere pacem , & uni-**  
**onem veram , oportet , quòd to-**  
**tum mundum postponas , & te so-**  
**lum præ oculis habeas.**

**3. Multum proinde proficies , si**

te feriatum ab omni temporali; cu-  
ra conserves.

Valdè deficies, si aliquid tem-  
porale reputaveris.

Nil magnum, nil altum, nil gra-  
tum, nil acceptum tibi sit, nisi pu-  
rè Deus, aut de Deo sit.

Totum vanum existima, quid-  
quid consolationis occurrit de ali-  
qua creatura.

Amans Deum anima, sub Deo  
despicit universa.

Solus Deus æternus, & immen-  
sus, implens omnia, solatium est  
animæ, & vera cordis lætitia.

### C A P U T VI.

*De lætitia bonæ conscientiæ.*

I. **G**loria boni hominis, testimo-  
nium est bonæ conscientiæ.

Habe bonam conscientiam; &  
habebis semper lætitiam.

Bona conscientia valdè multa  
potest portare, & valdè læta est  
inter

inter adversa.

Mala conscientia semper timida  
est, & inquieta.

Suaviter requiesces, si cor tu-  
um te non reprehenderit.

Noli lætari, nisi cùm benè feceris.

Mali nunquam habent veram  
lætitiam, nec internam sentiunt  
pacem: quia *non est pax impiis*;  
*dicit Dominus.*

Et, si dixerint: in pace sumus;  
non venient super nos mala: &,  
quis nobis nocere audebit? ne cre-  
das eis; quoniam repente exurget  
ira Dei, & in nihilum redigentur  
actus eorum, & cogitationes eo-  
rum peribunt.

2. Gloriari in tribulatione, non  
est grave amanti: sic enim gloriari,  
est gloriari in Cruce Domini.

Brevis gloria, quæ ab homini-  
bus datur, & accipitur.

Mundi gloriam semper comita-

tur tristitia.

Bonorum gloria in conscientiis eorum ; & non in ore hominum.

Justorum lætitia de Deo , & in Deo est : & gaudium eorum , de veritate.

**Qui** veram , & æternam gloriam desiderat , temporalem non curat.

Et , qui temporalem requirit gloriam , aut non ex animo contemnit , minus amare cōvincitur Cœlestem .

Magnam habet cordis tranquillitatem , qui nec laudes curat , nec vituperia .

3. Facilè erit contentus , & pacatus , cuius conscientia munda est .

Non es sanctior , si laudaris ; nec vñlior , si vituperaris .

Quod es , hoc es ; nec major dici vales , quam Deo teste sis .

Si attendis , quid apud te sis in- tūs , non curabis , quid de te lo- quantur homines foris .

Homo

*Homo videt in facie; Deus autem in corde. Homo considerat actus; Deus verò penlat intentiones.*

*Benè semper agere, & modicum de se tenere, humilis animæ indicium est.*

*Nolle consolari ab aliqua creatura, magnæ puritatis, & internæ fiduciaæ signum est.*

*4. Qui nullum extrinsecùs pro se testimonium quærit, liquet, quod totaliter se Deo commisit.*

*Non enim, qui seipsum commendat, ille probatus est ( ait B. Paulus ) sed quem Deus commendat.*

*Ambulare cum Deo intùs, nec aliqua affectione teneri foris, status est interni hominis.*

### CAPUT VII.

*De amore Jesu super omnia.*

*1. B*eatius, qui intelligit, quid sit amare Jesum: & contemnere seipsum, propter Jesum.

Oportet dilectum pro dilecto relinquere; quia Jesus vult solus super omnia amari.

Dilectio creaturæ, fallax, & instabilis: dilectio Jesu, fidelis, & perseverabilis.

Qui adhæret creaturæ, cadet cum labili: qui amplectitur Jesum, firmabitur in ævum.

Illum dilige, & amicum tibi retine, qui, omnibus recedentibus, te non relinquet, nec patietur in fine perire.

Ab omnibus oportet te aliquando separari, sive velis, sive nolis.

2. Teneas te apud Jesum, vivens, ac moriens: & illius fidelitati te committe, qui, omnibus deficien-  
tibus, solus te potest juvare.

Dilectus tuus talis est naturæ, ut alienum non velit admittere: sed solus vult cor tuum habere, & tanquam Rex, in proprio throno

fede-

federe.

Si scires te benè ab omni crea-  
tura evanescere, Jesus deberet liben-  
ter tecum habitare.

Penitus perditum invenies, quid-  
quid extra Jesum in hominibus  
posueris.

Non confidas, nec innitaris su-  
per calatum ventosum: quia *omnis*  
*caro fænum*, & *omnis gloria ejus*,  
*ut flos fæni*, cadet.

3. Citò decipieris, si ad exter-  
nam hominum apparentiam tan-  
tum aspexeris.

Si enim tuum in aliis quæris so-  
latium, & lucrum, senties sàpiùs  
detrimentum.

Si quæris in omnibus Jesum,  
invenies utique Jesum.

Si autem quærres te ipsum, inve-  
nes etiam te ipsum, sed ad tuam per-  
niciem.

Plùs enim homo nocet sibi, si  
Jesum

Jesum non querit , quām totus  
mundus , & omnes sui adversarii.

## CAPUT VIII.

*De familiari amicitia Iesu.*

I. **Q**uando Jesus adest , totum  
bonum est , nec quidquam  
difficile videtur : quando verò Jesus  
non adest , totum durum est .

Quando Jesus intus non loqui-  
tur , consolatio vilis est : si autem  
Jesus unum tantum verbum loqui-  
tur , magna consolatio sentitur .

Nónne Maria Magdalena statim  
surrexit de loco , in quo flevit ,  
quando Martha illi dixit : *Magister  
adest , & vocat te ?*

Felix hora , quando Jesus vocat  
te à lacrymis ad gaudium spiritus .

Quam aridus , & durus es sine  
Iesu ! Quām insipiens , & vanus , si  
cupis aliquid extra Jesum !

Nónne hoc est majus damnum ,  
quām si totum perderes mundum ?

a. Quid

**2. Quid potest tibi mundus conferre , sine Jesu ?**

Esse sine Jesu, gravis est infernus:  
& esse cum Jesu , dulcis paradisus.

Si fuerit tecum Jesus , nullus poterit nocere inimicus.

**Qui invenit Jesum , invenit thesaurum bonum ; imò bonum super omne bonum.**

Et , qui perdit Jesum , perdit nimis multum , & plus , quàm totum mundum.

**Pauperrimus est , qui vivit sine Jesu : & ditissimus , cui benè est cum Jesu.**

**3. Magna ars est , scire cum Jesu conversari ; & scire Jesum tenere , magna prudentia.**

**Esto humilis , & pacificus ; & erit tecum Jesus.**

**Sis devotus , & quietus ; & manebit tecum Jesus.**

**Potes citò fugare Jesum' , & gratiam**

tiam ejus perdere , si volueris ad exteriora declinare.

Et , si illum effugaveris , & perdidерis , ad quem fugies , & quem tunc quærēs amicum ?

Sine amico , non potes benē vivere : & , si Jesus non fuerit tibi præ omnibus amicus , eris nimis tristis , & desolatus.

Fatuè igitur agis , si in aliquo altero confidis , aut lætaris.

Eligendum est magis , totum mundum habere contrarium , quā Jesum offensum.

Ex omnibus ergo charis , sit Jesus solus dilectus specialis.

4. Diligantur omnes propter Jesus ; Jesus autem propter scipsum.

Solus Jesus Christus singulariter est amandus ; qui solus bonus , & fidelis , præ omnibus invenitur amicis.

Propter ipsum , & in ipso , tam amici , quam inimici , tibi sint cha-

ri : & pro omnibus his exorandus est , ut omnes ipsum cognoscant , & diligent .

Nunquam cupias singulariter laudari , vel amari ; quia hoc solius Dei est , qui similem sibi non habet .

Nec velis , quod aliquis tecum in corde suo occupetur , neque tu cum alicujus occuperis amore : sed sit Jesus in te , & in omni bono homine .

5. Esto purus , & liber ab intus , fine alicujus creaturæ implicamento .

Oportet te esse nudum , & purum cor ad Deum gerere , si vis vacare , & videre , quam suavis sit Dominus .

Et revera ad hoc non pervenies , nisi gratiam ejus fueris preventus , & attractus : ut , omnibus evacuatis , & licentiatis , solus cum solo uniaris .

Quando enim gratia Dei venit ad hominem , tunc potens fit ad omnia : & quando recedit , tunc pauper ,

per, & infirmus erit, & quasi tantum ad flagella relictus.

In his non debes dejici, nec desperare: sed ad voluntatem Dei a- quanimitate stare, & cuncta, super- venientia sibi, ad laudem Jesu Christi perpeti: quia post hiemem se- quitur aestas; post noctem redit dies; & post tempestatem magna serenitas.

### CAPUT IX.

*De carentia omnis solatii.*

i. **N**ON est grave, humanum contemnere solatium, cum adest divinum.

Magnum est, & valde magnum, tam humano, quam divino posse carcere solatio; & pro honore Dei libenter exilium cordis velle sustinere; & in nullo scipsum querere, nec ad proprium meritum respicere.

Quid magni est, si hilaris sis, & devotus, adveniente gratia? optabilis

bilis cunctis est hæc hora.

Satis suaviter equitat, quem gratia Dei portat.

Et quid mirum, si onus non sentit, qui poratur ab Omnipotente, & ducitur à summo ductore?

2. Libenter habemus aliquid pro solatio; & difficulter homo exiuitur à seipso.

Vicit sanctus Martyr Laurentius sæculum, cum suo Sacerdote: quia omne, quod in mundo delectabile videbatur, despexit; & summum Dei Sacerdotem Sixtum, quem maximè diligebat, pro amore Christi etiam à se tolli æquanimiter ferebat.

Amore igitur Creatoris, amorem hominis superavit; & pro humano solatio, divinum beneplacitum magis elegit.

Ita & tu aliquem necessarium, & dilectum amicum, pro amore Dei disce relinquere.

Nec graviter feras , cùm ab amico derelictus fueris; sciens , quoniam oportet nos omnes tandem ab invicem separari.

3. Multùm , & diù oportet hominem in seipso certare , antequām discat seipsum plenè superare , & totum affectum suum in Deum trahere.

Quando homo stat super seipsum , facile labitur ad consolations humanas.

Sed verus amator Christi , & studiosus sectator virtutum , non cadit super illas consolationes , nec quaerit tales sensibiles dulcedines ; sed magis fortes exercitationes , & pro Christo duros sustinere labores.

4. Cùm igitur spiritualis à Deo consolatio datur , cum gratiarum actione accipe eam : sed Dei munus intellige esse , non tuum meritum.

Noli extolli , noli nimium gaude-re ,

re ; nec inaniter præsumere : sed  
esto humilior ex dono ; cauti-  
or quoque , & timoratior in cun-  
ctis actibus tuis : quoniam transi-  
bit hora illa , & sequetur tentatio.

Cùm ablata fuerit consolatio ,  
non statim desperes : sed cum hu-  
militate , & patientia , expecta Cœ-  
lestem visitationem ; quoniam po-  
tens est Deus ampliorem tibi redon-  
nare consolationem.

Istud non est novum , nec alienum , viam Dei expertis ; quia in  
magnis Sanctis , & in antiquis Pro-  
phetis , fuit sèpè talis alternationis  
modus.

5. Unde quidam , præsente jam  
gratia , dicebat : *Ego dixi in abun-  
dantia mea ; Non movebor in æter-  
num.*

Absente verò gratia , quid in se  
fuerit expertus , adjungit , dicens :  
*Avertisti faciem tuam à me ; Et fa-  
ctus*

*Eus sum conturbatus.*

Inter hæc tamen nequaquam desperat, sed instantius Dominum rogat, & dicit: *Ad te, Domine, clamabo, & ad Deum meum deprecabor.*

Denique orationis suæ fructum reportat, & se exauditum testatur, dicens: *Audivit Dominus, & misertus est mei: Dominus factus est adjutor meus.*

Sed in quo? *Convertisti, inquit, planctum meum in gaudium mibi, & circumdedisti me latitiâ.*

Si sic actum est cum magnis Sanctis, non est desperandum nobis infirmis, & pauperibus, si interdum in fervore, & interdum in frigiditate sumus: quoniam Spiritus venit, & recedit, secundum suæ beneplacitum voluntatis. Unde beatus Job ait: *Visitas eum diluculo, & subito probas illum.*

6. In quo igitur sperare possum

sum , aut in quo confidere debeo ,  
nisi in sola magna misericordia Dei ,  
& in sola ipse gratiæ Cœlestis ?

Sive enim adsint homines boni ,  
sive devoti fratres , vel amici fide-  
les ; sive libri sancti , vel tractatus  
pulchri ; sive dulcis cantus , & hy-  
mni ; omnia hæc modicūm juvant ,  
modicūm sapiunt , quando desertus  
sum à gratia , & in propria pau-  
pertate relictus .

Tunc non est melius remedium ,  
quam patientia , & abnegatio mei  
in voluntate Dei .

7. In veritate Dei , nunquam in-  
veni aliquem tam religiosum , &  
devotum , qui non habuerit inter-  
dum gratiæ subtractionem , aut  
non senserit fervoris diminutionem .

Nullus sanctus fuit unquam tam  
alte raptus , & illuminatus , qui pri-  
us , vel postea , non fuerit tentatus .

Non enim dignus est alta Dei

con-

contemplatione , qui pro Deo non  
est exercitatus aliqua tribulatione.

Solet enim sequentis consolatio-  
nis, tentatio præcedens esse signum.

Nam temptationibus probatis Cœ-  
lestis promittitur consolatio. *Qui*  
*vicerit , inquit , dabo ei edere de-*  
*ligno vitæ.*

8. Datur autem consolatio divi-  
na, ut homo fortior sit ad sustinen-  
dum adversa.

Sequitur etiam tentatio , ne se  
elevet de bono.

Non dormit diabolus , nec caro  
adhuc mortua est : ideo non cesses  
te præparare ad certamen ; quia à  
dextris , & à sinistris hostes sunt ,  
qui nunquam quiescunt.

#### C A P U T X.

*De gratitudine pro gratia Dei.*

1. **C**ur quæris quietem, cùm na-  
tus sis ad laborem ?

Pone te ad patientiam magis ;  
quām

quam ad consolationes: & ad cruce-  
cem portandam magis, quam ad  
lætitiam.

Quis enim Secularium non li-  
benter consolationem, & lætitiam  
spiritualem acciperet, si semper ob-  
tinere posset?

Excedunt enim spirituales con-  
solationes, omnes mundi delicias,  
& carnis voluptates.

Nam omnes deliciæ mundanæ,  
aut vanæ sunt, aut turpes: Spiritu-  
ales vero deliciæ, solæ jucundæ, &  
honestæ, ex virtutibus progenitæ,  
& à Deo puris mentibus infusæ.

Sed istis divinis consolationibus  
nemo semper pro suo affectu frui  
vallet; quia tempus temptationis non  
dju cessat.

2. Multum autem contrariatur  
supernæ visitationi falsa libertas a-  
nimi, & magna confidentia sui.

Deus bene facit consolationis

gratiam dando ; sed homo male agit, non totum Deo , cum gratiarum actione , retribuendo.

Et ideo non possunt in nobis dona gratiæ fluere : quia ingratiti sumus auctori ; nec totum refundimus fontali origini.

Semper enim debetur gratia dignè gratias referenti ; & auferetur ab elato , quod dari solet humili.

3. Nolo consolationem, quæ mihi aufert compunctionem ; nec affecto contemplationem , quæ ducit in elationem.

Non enim omne altum , sanctum ; nec omne dulce , bonum ; nec omne desiderium , purum ; nec omne charum , Deo gratum.

Libenter accepto gratiam , unde semper humilior , & timoratior inveniar , atque ad relinquendum me paratior siam.

Doctus dono gratiæ , & eruditus  
subtra-

subtractionis verbere , non sibi au-  
debit quidquam boni attribuere :  
sed potius se pauperem , & nudum  
confitebitur.

Da Deo , quod Dei est ; tibi ad-  
scribe , quod tuum est : hoc est ,  
Deo gratias pro gratia tribue ; tibi  
autem soli culpam , & dignam pœ-  
nam pro culpa deberi sentias.

4. Pone te semper ad infimum ;  
& dabitur tibi summum : nam sum-  
mum non stat sine infimo.

Summi Sancti apud Deum , mi-  
nimi sunt apud se ; & quantò glori-  
osiores , tantò in se humiliores.

Pleni veritate , & gloria Cœlesti ,  
non sunt vanæ gloriæ cupidi.

In Deo fundati , & confirmati ,  
nullo modo possunt esse elati.

Et , qui totum Deo adscribunt ,  
quidquid boni acceperunt , gloriam  
ab invicem non querunt : sed glo-  
riam , quæ à solo Deo est , volunt :

& Deum in se , & in omnibus Sanctis laudari super omnia cupiunt , & semper in id ipsum tendunt.


5. Esto igitur gratus pro minimo ; & eris dignus majora accipere.

Sit tibi minimum etiam pro maximo : & magis contemptibile pro speciali dono.

Si dignitas datoris inspicitur , nullum datum parvum, aut munus vile videbitur. Non enim parvum est , quod à summo Deo donatur.

Etiamsi poenas , & verbera dederit , gratum esse debet: quia semper pro salute nostra facit , quidquid nobis advenire permittit.

Qui gratiam Dei retinere desiderat , sit gratus pro gratia Dei data , patiens pro sublata. Oret , ut redeat : cautus sit , & humilis , ne amittat,



## CAPUT XI.

**D**e paucitate amatorum Crucis Jesu.

1. **H**abet Jesus nunc multos amatores Regni sui Cœlestis ; sed paucos bajulatores suæ Crucis.

Multos habet desideratores consolationis ; sed paucos tribulationis.

Plures invenit socios mensæ ; sed paucos abstinentiæ.

Omnes cupiunt cum Christo gaudere ; sed pauci volunt pro ipso aliquid sustinere.

Multi Jesum sequuntur usque ad fractionem panis : sed pauci usque ad bibendum calicem Passionis.

Multi miracula ejus venerantur ; pauci ignominiam Crucis sequuntur.

Multi Jesum diligunt , quamdiu adversa non contingunt.

Multi illum laudant , & benedicunt , quamdiu consolaciones ali-

quas ab ipso recipiunt.

Sj autem Jesus se absconderit , & modicūm eos reliquerit ; aut in querimoniam , aut in dejectionem nimiam cadunt.

2. Qui autem Jesum propter Jesus, & non propter suam propriam aliquam consolationem diligunt , ipsum in omni tribulatione , & angustia cordis , sicut in summa consolatione , benedicunt .

Etsi nunquam eis consolationem dare vellet , ipsum tamen semper laudarent , & semper gratias agere vellent.

3. O quantum potest amor Jesus purus , nullo proprio commodo , vel amore permixtus !

Nōnne omnes mercenarii sunt dicendi , qui consolationes semper querunt ?

Nōn amatores sui magis , quām Christi probantur , qui sua comoda ,  
vel ius-

vel lucra semper meditantur?

Ubi invenietur talis, qui velit  
Deo servire gratis?

4. Rarò invenitur tam spiritualis  
aliquis, qui omnibus sit nudatus.

Nam verum pauperem spiritu,  
& ab omni creatura nudum, quis  
inveniet? Procul, & de ultimis fi-  
nibus pretium ejus.

Si dederit homo omnem sub-  
stantiam suam, adhuc nihil est.

Et, si fecerit pœnitentiam ma-  
gnam, adhuc exiguum est.

Et, si apprehenderit omnem sci-  
entiam, adhuc longè est.

Et, si habuerit virtutem magnam,  
& devotionem nimis ardenter, ad-  
huc multum sibi deest: scilicet u-  
num, quod summè sibi necessari-  
um est.

Quid illud? Ut, omnibus relictis,  
se relinquat, & à se totaliter excat,  
nihilque de privato amore retineat.

Cùmque omnia fecerit , quæ facienda noverit , nîl se fecisse sentiat.

5. Non grande ponderet , quod grande æstimari possit : sed in veritate servum inutilem se pronuntiet , sicut Veritas ait : Cùm feceritis omnia , quæ præcepta sunt vobis , dicite : Servi inutiles sumus .

Tunc verè pauper , & nudus spiritu esse poterit , & cum Propheta dicere : Quia unicus , & pauper sum ego .

Nemo tamen isto ditior , nemo potentior , nemo liberior , qui se , & omnia relinquere scit , & ad infimum se ponere .

## CAPUT XII.

*De regia via sanctæ Crucis.*

1. **D**Urus multis videtur hic sermo : Abnega temetipsum , tolle crucem tuam , & sequere Jesum .

Sed multò durius erit , audire illud extremum verbum : discedite à me .

*N*ō me, maledicti, in ignem aeternum.

Qui enim modò libenter audiunt, & tequuntur verbum Crucis, tunc non timebunt ab auditione mala aeternæ damnationis.

Hoc signum Crucis erit in Cœlo, cùm Dominus ad judicandum venerit.

Tunc omnes servi Crucis, qui se Crucifixo conformaverunt in vita, accedent ad Christum Judicem cum magna fiducia.

2. Quid igitur times tollere Crucem, per quam itur ad Regnum?

In Cruce salus, in Cruce vita, in Cruce protectio ab hostibus, in Cruce infusio supernæ suavitatis, in Cruce robur mentis, in Cruce gaudium spiritus, in Cruce summa virtutis, in Cruce perfectio sanctitatis.

Non est salus animæ, nec spes aeternæ vitæ, nisi in Cruce.

Tolle ergo crucem tuam , & se-  
quere Jesum , & ibis in vitam æter-  
nam.

Præcessit ille bajulans sibi Cru-  
cem , & mortuus est pro te in Cru-  
ce : ut & tu tuam portes crucem ,  
& mori affectes in cruce.

Quia , si commortuus fueris , eti-  
am cum illo pariter vives . Et , si  
socius fueris pœnæ , eris & gloriæ.

3. Ecce in Cruce totum constat ,  
& in moriendo totum jacet : &  
non est alia via ad vitam , & ad ve-  
ram internam pacem , nisi via san-  
ctæ Crucis , & quotidianæ mortifi-  
cationis .

Ambula , quò vis , quære , ubi-  
cunque volueris ; & non invenies alti-  
orem viam suprà , nec securiorem  
viam infrà , nisi viam sanctæ Crucis .

Dispone , & ordina omnia secun-  
dum tuum velle , & videre : & non  
invenies , nisi semper aliquid pati  
debe-

debere , aut sponte , aut invitè ; &  
ita crucem semper invenies .

Aut enim in corpore dolorem  
senties , aut in anima spiritūs tribu-  
lationem sustinebis .

4. Interdum à Deo relinquēris ,  
interdum à proximo exercitaberis :  
& , quod amplius est , sæpè tibi-  
metipsi gravis eris .

Nec tamen aliquo remedio , vel  
solatio liberari , seu alleviari pote-  
ris : sed , donec Deus voluerit , o-  
portet , ut sustineas .

Vult enim Deus , ut tribulatio-  
nem sine consolatione pati discas ,  
& ut illi totaliter te subjicias , &  
humilior ex tribulatione fias .

Nemo ita cordialiter sentit Pa-  
sionem Christi , sicut is , cui con-  
tigerit similia pati .

Crux ergo semper parata est , &  
ubique te expectat .

Non potes effugere , quocunquè

cucurreris: quia, quocunquè ven-  
ris , te ipsum tecum portas, & sem-  
per te ipsum invenies.

Converte te suprà , converte te  
infrà : converte te extrà , converte  
te intrà : & in his omnibus inve-  
nies crucem.

Et necessè est, te ubique tenere  
patientiam, si internam vis habere  
pacem , & perpetuam promereri  
coronam.

5. Si libenter crucem portas ,  
portabit te, & deducet ad desidera-  
tum finem , ubi scilicet finis pati-  
endi erit; quamvis hic non erit.

Si invitè portas , onus tibi facis,  
& te ipsum magis gravas : & tamen  
oportet , ut sustineas.

Si abjicis unam crucem , aliam  
procùl dubio invenies , & forsitan  
graviorem.

6. Credis tu evadere , quod nul-  
lus mortalium potuit præterire ?

Quis Sanctorum in mundo sine cruce , & tribulatione fuit ?

Nec enim Jesus Christus, Dominus noster , unâ horâ sine dolore passionis fuit , quamdiù vixit. Oportebat ( ait ) Christum pati , & resurgere à mortuis : & ita intrare in gloriam suam .

Et quomodo tu aliam viam quaeris , quam hanc regiam viam , quae est via sanctæ Crucis ?

7. Tota vita Christi , crux fuit , & martyrii : & tu tibi quaeris requiem , & gaudium ?

Erras , erras , si aliud quaeris , quam pati tribulationes : quia tota ista vita mortalis , plena est miserijs , & circumscripta crucibus .

Et quanto altius quis in spiritu profecerit , tanto graviores sceptrae crucis inveniet : quia exilii sui pena magis ex amore crescit .

8. Sed tamen iste , sic multiplici-

ter afflictus, non est sine levamine consolationis: quia fructum maximum sibi sentit accrescere ex tolerantia suæ crucis.

Nam, dum sponte se illi subjicit, omne onus tribulationis in fiduciam divinæ consolationis convertitur.

Et quantò caro magis per afflictionem atteritur, tantò spiritus amplius per internam consolacionem roboratur.

Et nonnunquam in tantum confortatur ex affectu tribulationis, & adversitatis, ob amorem, & conformitatem Crucis Christi, ut se sine dolore, & tribulazione esse non vellet: quoniam tantò se acceptiorem Deo credit, quantò plura, & graviora pro eo perferre potuerit.

Non est istud hominis virtus, sed gratia Christi; quæ tanta potest, & agit in carne fragili, ut, quod naturaliter semper abhorret, & fugit,

hoc fervore spiritus aggrediatur,  
& perficiat.

9. Non est secundum hominem  
crucem portare , crucem amare ,  
corpus castigare , & servituti subjic-  
cere , honores fugere , contumelias  
libenter sustinere , seipsum despici-  
cere , & despici optare , adversa  
quæque cum damnis perpeti , & ni-  
hil prosperitatis in hoc mundo de-  
siderare.

Si ad te ipsum respicis , nihil hu-  
jusmodi ex te poteris.

Sed , si in Dño confidis , dabitur  
tibi fortitudo de Cœlo , & subjicien-  
tur ditioni tuæ mundus , & caro.

Sed nec inimicum diabolum ti-  
mebis , si fueris fide armatus , &  
Cruce Christi signatus.

10. Pone te ergo , sicut bonus , &  
fidelis servus Christi , ad portandam  
viriliter Crucem Domini tui , pro  
te ex amore crucifixi.

Præpara te ad toleranda multa  
adversa , & varia incommoda , in  
hac misera vita : quia sic tecum  
erit , ubicunque fueris : & sic  
reverà invenies , ubicunque latueris .

Oportet ita esse : & non est re-  
medium evadendi à tribulatione  
malorum , & dolore , quàm , ut  
patiaris .

Calicem Domini affectanter bi-  
be , si amicus ejus esse , & partem  
cum eo habere desideras .

Consolaciones Deo committe :  
faciat ipse cum talibus , sicut sibi  
magis placuerit .

Tu verò pone te ad sustinen-  
dum tribulatjones , & reputa eas ,  
maximas consolationes : quia non  
sunt condignæ passiones hujus tem-  
poris ad futuram gloriam prome-  
rendam , etiamsi solus omnes pos-  
ses sustinere .

ii. Quando ad hoc veneris ,  
quod

quòd tribulatio tibi dulcis est ; &  
sapit pro Christo , tunc benè tecum  
esse æstima ; quia invenisti paradi-  
sum in terra.

Qamdiù pati grave tibi est , &  
fugere queris , tamdiù malè habe-  
bis , & sequetur te ubique fuga tri-  
bulationis.

12. Si ponis te , ad quod esse de-  
bes , videlicet ad patiendum , &  
moriendum , fiet citò melius , &  
pacem invenies.

Etiamsi raptus fueris usque ad  
tertium Cœlum cum Paulo , non es  
propterea securatus de nullo con-  
trario patiendo. *Ego ( inquit Jesus )*  
*ostendam illi , quanta eporteat eam*  
*pro nomine meo pati.*

Pati ergo tibi remanet , si Jesum  
diligere , & perpetuò illi servire  
placet.

13. Utinam dignus essem aliquid  
pro nomine Jesu pati ! quam magna  
gle-

gloria remaneret tibi! quanta exultatio omnibus Sanctis Dei! quanta quoque ædificatio esset proximi!

Nam patientiam omnes recom mendant ; quamvis pauci tamen pati velint.

Meritò deberes libenter modicum pati pro Christo ; cùm multi graviora patiantur pro mundo.

I4. Scias pro certo : quia morientem te oportet ducere vitam. Et quantò quisque plus sibi moritur, tanto magis Deo vivere incipit.

Nemo aptus est ad comprehendendum Cœlestia, nisi se submiserit ad portandum pro Christo adversa.

Nihil Deo acceptius, nihil tibi salubrius in mundo isto, quàm libenter pati pro Christo.

Et, si eligendum tibi esset, magis optare deberes, pro Christo adversa pati, quàm multis consolationibus recreari : quia Christo similior es,

esses, & omnibus Sanctis conformior.

Non enim stat meritum nostrum, & profectus status nostri, in multis suavitatibus, & consolationibus; sed potius in magnis gravitatibus, & tribulationibus perferendis.

15. Si quidem aliquid melius, & utilius saluti hominum, quam pati, fuisse, Christus utique verbo, & exemplo ostendisset.

Nam & sequentes se discipulos, omnésque eum sequi cupientes, manifestè ad Crucem portandam hortatur, & dicit: *Si quis vult venire post me, abneget semet ipsum, & tollat crucem suam, & sequatur me.*

Omnibus ergo perlectis, & scrutatis, sit hæc conclusio finalis: *Quoniam per multas tribulationes oportet nos intrare in Regnum Dei.*

*Finis Libri Secundi.*

THO.

THOMÆ  
A KEMPIS,  
CANONICI REGULARIS  
Ordinis S. Augustini,  
DE IMITATIONE  
CHRISTI  
LIBER TERTIUS.  
De interna consolatione.  
AD LECTOREM.

Quia hic Liber magna fai parte per modum colloquii inter Deum, & Hominem, seu Dominum, & Servum, scriptus est, diligenter observandum Lectori, ubi vices loquendi mutentur: alias vis verborum, & scopus pii Scriptoris sœpè Lectorem fugiet. Itaque nos distinctionis gratiâ literas D. & S. id est, Dominus, & Servus, apposuimus.

## CAPUT I.

*De interna Christi locutione ad animam fidelem.*

I.



*Udiam, quid loquatur in me Dominus Deus. Beata anima, quæ Domini num in se loquentem audit: & de ore ejus consolationis verbum accipit.*

*Beatæ aures, quæ venas Divini susurri suscipiunt; & de mundi hujus susurrationibus nihil advertunt.*

*Beatæ planè aures, quæ non vocem foris sonantem, sed intus auscultant veritatem loquentem, & docentem.*

*Beati oculi, qui exterioribus clausi, interioribus autem sunt intenti.*

*Beati, qui interna penetrant, & ad capienda arcana Cœlestia magis, ac magis, per quotidiana exercitia se student præparare.*

*Beati,*

Beati, qui Deo vacare gestiunt,  
& ab omni impedimento Seculi se  
excutiunt.

Anima adverte hæc, ô anima mea,  
& clade sensualitatis tuæ ostia; ut  
possis audire, quid in te loquatur  
Dominus Deus tuus.

Hæc dicit dilectus tuus.

2. D. Salus tua ego sum, pax  
tua, & vita tua.

Serva te apud me, & pacem in-  
venies. Dimitte omnia transitoria,  
& quære æterna.

Quid sunt omnia temporalia, ni-  
si seductoria? Et quid juvant te o-  
mnes creaturæ, si fueris à Crea-  
tore deserta?

Omnibus ergo abdicatis, Crea-  
tori tuo te redde placitam, ac fi-  
delem, ut veram valeas apprehen-  
dere beatitudinem.



## CAPUT II.

*Quod veritas intus loquitur sine  
strepitu verborum.*

i. S. **L**oquere, Domine: quia audiit servus tuus. Servus tuus sum ego: da mibi intellectum, ut sciam testimonia tua.

Inclina cor meum in verba oris tui; fluat, ut ros, eloquium tuum. Dicebant olim filii Israël ad Moysen: *Loquere tu nobis, & audiemus; non loquatur nobis Dominus, ne forte moriamur.*

Non sic, Domine, non sic oro: sed magis cum Samuele Propheta humiliter, ac desideranter obsecro: *Loquere Domine; quia audit servus tuus.*

Non loquatur mihi Moyses, aut aliquis ex Prophetis: sed tu potius loquere, Domine Deus, inspirator, & illuminator omnium Prophatarum: quia tu solus sine cōsideratione me

me perfectè imbuere ; illi autem  
sine te nihil proficiunt.

2. Possunt quidem verba sonare ;  
sed spiritum non conferunt.

Pulcherrimè dicunt ; sed, te ta-  
cente , cor non accendunt.

Literas tradunt ; sed tu sensum  
aperis. Mysteria proferunt ; sed tu  
reseras intellectum signatorum.

Mandata edicunt ; sed tu juvas  
ad perficiendum.

Viam ostendunt ; sed tu confor-  
tas ad ambulandum.

Illi foris tantùm agunt ; sed tu  
corda instruis , & illuminas.

Illi exterius rigant ; sed tu sœ-  
cunditatem donas.

Illi clamant verbis ; sed tu audi-  
tui intelligentiam tribuis.

3. Non ergo loquatur mihi Moy-  
ses , sed tu , Domine Deus meus ,  
æterna veritas ; ne fortè moriar ,  
& sine fructu efficiar , si fuero tan-  
tum

tum foris admonitus , & intus non accensus.

Ne sit mihi ad judicium , verbum auditum , & non factum ; cognitum , nec amatum ; creditum , & non servatum .

*Loquere igitur , Domine ; quia audit servus tuus : verba enim vitae æternæ babes.*

Loquere mihi ad qualemque animæ meæ consolationem , & ad totius vitae meæ emendationem ; tibi autem ad laudem , & gloriam , & perpetuum honorem .

### CAPUT III.

*Quod verba Dei cum humilitate sunt audienda ; & quod multi ea non ponderant.*

I. D. **A**udi , fili , verba mea , verba suavissima , omnem Philosophorum , & Sapientum hujus mundi scientiam excedentia .

*Verba mea , spiritus , & vita sunt ,*

Non sunt ad vanam complacens-  
tiam trahenda, sed in silentio audi-  
enda, & cum omni humilitate, at-  
que magno affectu suscipienda.

S. Et dixi : *Beatus, quem tu eru-  
dieris, Domine, & de lege tua docu-  
eris eum; ut mitiges ei à diebus ma-  
lis, & non desoletur in terra.*

2. D. Ego, inquit Dominus, do-  
cui Prophetas ab initio, & usque  
nunc non cessò omnibus loqui;  
sed multi ad vocem meam surdi  
sunt, & duri.

Plures mundum libenter audi-  
unt, quam Deum; faciliter sequun-  
tur carnis suæ appetitum, quam  
Dei beneplacitum.

Promittit mundus temporalia,  
& parva; & servitur ei aviditate  
magna: ego promitto summa, &  
æterna; & torpescunt mortalium  
corda.

Quis tantâ curâ mihi in omnibus servit, & obedit , sicut mundo, & dominis ejus servitur ? Erubescet Sidon , ait mare. Et , si causam queris , audi , quare.

Pro modica præbenda, longa via curritur : pro æterna vita , à multis vix pes semel à terra levatur.

Vile pretium quæritur : pro uno numismate interdum turpiter litigatur : pro vana re , & , parva promissione , diu , noctuque fatigari non timetur.

3. Sed , proh pudor ! pro bono incommutabili , pro præmio inæstimabili , pro summo honore , & gloria interminabili , vel ad modicum , fatigari pigritatur.

Erubescet ergo , serve piger , & querulosus ; quod illi paratores inveniuntur ad perditionem , quam tu ad vitam.

Gaudent illi amplius ad vanitatem ,

tem , quam tu ad veritatem.

Evidem spe sua nonnunquam frustrantur ; sed promissio mea neminem fallit , nec confidentem mihi dimittit inanem.

Quod promisi , dabo ; quod dixi , implebo ; si tamen usque in finem fidelis in dilectione mea quis permanserit.

Ego remunerator sum omnium bonorum , & fortis probator omnium devotorum.

4. Scribe verba mea in corde tuo , & pertracta diligenter ; erunt enim in tempore temptationis valde necessaria.

Quod non intelligis , cum legis cognosces in die visitationis.

Dupliciter soleo electos meos visitare : temptatione scilicet , & consolatione.

Et duas lectiones eis quotidie lego : unam , increpando eorum vitia ,

vitia ; alteram , exhortando ad virtutum incrementa.

Qui habet verba mea , & spernit ea , habet , qui judicet eum in nonnissimo die.

### O R A T I O

*Ad implorandam devotionis gratiam.*

S.S. **D**omine Deus meus , omnia bona mea tu es . Et quis ego sum , ut audeam ad te loqui ?

Ego sum pauperrimus servulus tuus , & abjectus vermiculus ; multò pauperior , & contemptibilior , quam scio , & dicere audeo .

Memento tamen , Dñe , quia nihil sum , nihil habeo , nihilq; valeo .

Tu solus bonus , justus , & sanctus ; tu omnia potes , omnia praestas , omnia implex ; solum peccatores inanem relinquens .

Reminiscere miserationum tuorum , Domine , & imple cor meum gratiā tuā , qui non vjs esse vacua

opera tua.

6. Quomodo possum me tolerare  
in hac misera vita, nisi me confor-  
taverit misericordia, & gratia tua?

Noli avertere faciem tuam à me:  
noli visitationem tuam prolongare:  
noli consolationem tuam abstrahe-  
re, ne fiat anima mea, sicut terra,  
sine aqua tibi.

Domine, doce me facere volun-  
tatem tuam; doce me coram te  
dignè, & humiliter conversari;  
quia sapientia mea tu es, qui in  
veritate me cognoscis, & cognos-  
isti, antequām fieret mundus, &  
antequām natus essem in mundo.

#### CAPUT IV.

Quòd in veritate, & humilitate  
coram Deo conversandum est.

I. D. Fili, ambula coram me in  
veritate, & in simplicitate  
cordis tui quare me semper.

Qui ambulat coram me in veri-  
tate,

tate, tutabitur ab incursibus malis,  
& veritas liberabit eum à seductori-  
bus, & detractionibus iniquorum.

Si veritas te liberaverit, verè  
liber eris, & non curabis de vanis  
hominum verbis.

S. Domine, verum est : sicut di-  
cis, ita, quæso, mecum fiat. Ve-  
ritas tua me doceat ; ipsa me custo-  
diat, & usque ad salutarem finem  
conservet.

Ipsa me liberet ab omni affectio-  
ne mala, & inordinata dilectione;  
& ambulabo tecum in magna cor-  
dis libertate.

2. D. Ego te docebo ( ait Veri-  
tas ) quæ recta sunt, & placita co-  
ram me.

Cogita peccata tua, cum disipli-  
centia magna, & mœrorc; & nun-  
quam reputes, te aliquid esse pro-  
pter opera bona.

Reverà peccator es, & multis

passionibus obnoxius, & implicatus.

Ex te semper ad nihil tendis ; citò laberis , citò vinceris ; citò turbaris , citò dissolveris.

Non habes quidquam, unde possis gloriari , sed multa , unde te debeas vilificare ; quia multò infirmior es , quam vales comprehendere.

3. Nihil ergo magnum tibi videatur ex omnibus , quæ agis.

Nihil grande, nihil pretiosum , & admirabile , nihil reputatione apparent dignum , nihil altum , nihil vere laudabile , & desiderabile , nisi quod æternum est.

Placeat tibi super omnia æterna Veritas ; displiceat tibi semper tua maxima vilitas.

Nihil sic timeas , sic vituperes , & fugias , sicut vitia , & peccata tua : quæ magis displicere debent , quam quælibet rerum damna.

Quidam non sincere coram me ambu-

ambulant ; sed quadam curiositate ,  
& arrogantiâ duci , volunt secreta  
mea scire , & alta Dei intelligere ,  
se , & suam salutem negligentes .

Hi sœpè in magnas tentationes ,  
& peccata , propter suam superbi-  
am , & curiositatem , me eis adver-  
sante , labuntur .

4. Time judicia Dei , expavesce  
iram Omnipotentis . Noli autem  
discutere opera Altissimi , sed tuas  
iniquitates perscrutare , in quantis  
deliquisti , & quām multa bona ne-  
glexisti .

Quidam solūm portant suam de-  
votionem in libris , quidam in ima-  
ginibus ; quidam autem in signis  
exterioribus , & figuris .

Quidam habent me in ore ; sed  
modicūm in corde .

Sunt alii , qui intellectu illumi-  
nati , & affectu purgati , ad æterna  
semper anhelant : de terrenis gravi-

ter audiunt , necessitatibus naturæ dolenter inserviunt : & hi sentiunt, quid Spiritus veritatis loquitur in eis.

Quia docet eos terrena despicere, & amare Cœlestia ; mundum negligere, & Cœlum tota die, ac nocte desiderare.

### C A P U T V.

*De mirabili effectu Divini amoris.*

I. S. **B**ENEDICO te, Pater Cœlestis , Pater Domini mei Jesu Christi ; quia mei pauperis dignatus es recordari.

O Pater misericordiarum , & Deus totius consolationis ! gratias ago tibi , qui me , indignum omni consolatione , quandoquè tua recreas consolatione.

Benedico te semper , & glorifico, cum unigenito Filio tuo , & Spiritu sancto Paraclito in saecula saeculorum.

Eja, Domine Deus, amator sancte meus, cum tu veneris in cor meum, exultabunt omnia interiora mea.

*Tu es gloria mea, & exultatio cordis mei. Tu spes mea, & refugium meum, in die tribulationis meæ.*

2. Sed, quia adhuc debilis sum in amore, & imperfectus in virtute, ideo necesse habeo à te confortari, & consolari: propterea visita me sàpiùs, & instrue disciplinis sanctis.

Libera me à passionibus malis, & sana cor meum ab omnibus affectibus inordinatis; ut intùs sanatus, & benè purgatus, aptus efficiar ad amandum, fortis ad patiendum, stabilis ad perseverandum.

3. D. Magna res est amor, magnum omnino bonum: quod solum leve facit omne onerosum, & fert æqualiter omne inæquale.

Nam onus sine onere portat , & omne amarum , dulce , ac sapidum efficit.

Amor Jesu nobilis , ad magna operanda impellit , & ad desideranda semper perfectiora excitat.

Amor vult esse sursum , nec ullis infimis rebus retineri.

Amor vult esse liber , & ab omni mundana affectione alienus , ne internus ejus impediatur aspectus ; ne per aliquod commodum temporale implicationes sustineat , aut per incommodum succumbat.

Nihil dulcius est amore , nihil fortius , nihil altius , nihil laetius , nihil jucundius , nihil plenius , nihil melius in Cœlo , & in terra ; quia amor ex Deo natus est , nec potest , nisi in Deo , super omnia creata requiescere .

4. Amans volat , currit , & latetur ; liber est , & non tenetur .

Dat omnia pro omnibus , & habet omnia in omnibus ; quia in uno summo super omnia quiescit , ex quo omne bonum fluit , & procedit .

Non respicit ad dona , sed ad dominantem se convertit , super omnia bona .

Amor modum sàpè nescit , sed super omnem modum servescit .

Amor onus non sentit , labores non reputat ; plus affectat , quam valet : de impossibilitate non causatur ; quia , cuncta sibi posse , & libere , arbitratur .

Valet igitur ad omnia , & multa implet , & effectui mancipat , ubi non amans deficit , & jacet .

5. Amor vigilat , & dormiens non dormitat .

Fatigatus non lassatur , arctatus non coarctatur , territus non conturbatur : sed , sicut vivax flamma , & ardens facula , sursum erumpit ,

securéque pertransit.

Si quis amat, novit, quid hæc vox clamet.

Magnus clamor in auribus Dei est ipse ardens affectus animæ, quæ dicit: Deus meus, amor meus: tu totus meus, & ego totus tuus.

6. S. Dilata me in amore, ut discam interiori cordis ore degustare, quam suave sit amare, & in amore liquefieri, & natare.

Teneat amore, vadens supra me, præ nimio fervore, & stupore.

Cantem amoris canticum; sequar te dilectum meum in altum; deficiat in laude tua anima mea, jubilans ex amore.

Amem te, plusquam me; nec me, nisi propter te; & omnes in te, qui verè amant te; sicut jubet lex amoris, lucens ex te.

7. D. Est amor velox, sincerus, pius, jucundus, & amoënus: for-

tis.

tis, patiens, fidelis, prudens, longanimitatis, virilis, & seipsum nunquam quærens.

Ubi enim seipsum aliquis quærit, ibi ab amore cadit.

Est amor circumspectus, humilis, & rectus: non mollis, non levis, nec vanis intendens rebus: sobrius, castus, stabilis, quietus, & in cunctis sensibus custoditus.

Est amor subiectus, & obediens Prælatis, sibi vilis, & despectus, Deo devotus, & gratificus, confidens, & sperans semper in eo, etiam, cum sibi non sapit Deus; quia sine dolore non vivitur in amore.

8. Qui non est paratus omnia pati, & ad voluntatem stare dilecti, non est dignus amator appellari.

Oportet amantem, omnia dura, & amara, propter dilectum, libenter amplecti: nec ob contraria accidentia ab eo deflecti.

*De probatione veri amatoris.*

1. D. **F**ILI, non es adhuc fortis,  
& prudens amator.

S. Quare Domine?

D. Quia propter modicam con-  
trarietatem deficis à cœptis, & ni-  
mis avidè consolationem quæris.

Fortis amator stat in temptationi-  
bus, nec callidis credit persuasioni-  
bus inimici. Sicut ei in prosperis  
placeo, ita nec in adversis displico.

2. Prudens amator, non tam  
donum amantis considerat, quam  
dantis amorem.

Affectum potius attendit, quam  
censem; & infra dilectum omnia  
data ponit.

Nobilis amator non quietit in  
dono, sed in me super omne donum.

Non est ideò totum perditum,  
si quandoque, minus bene de me,  
vel de Sanctis meis sentis, quam  
velles.

velles.

Affectus ille bonus, & dulcis;  
quem interdum percipis, effectus  
gratiæ præsentis est, & quidam  
prægustus patriæ Cœlestis: super  
quo non nimirum innitendum; quia  
vadit, & venit.

Certare autem advesùs inciden-  
tes malos motus animi, suggestio-  
nemque spernere diaboli, insigne  
est virtutis, & magni meriti.

3. Non ergo te conturbent ali-  
enæ phantasie, de quacunque ma-  
teria ingestæ.

Forte serva propositum, & in-  
tentionem rectam ad Deum.

Nec est illusio, quòd aliquando  
in excessum subito raperis, & sta-  
tim ad solitas inceptias cordis re-  
verteris.

Illas enim invitè magis pateris,  
quam agis; &, quamdiù displicant,  
& reniteris, meritum est, & non  
perdi-

perditio.

4. Scito quod antiquus inimicus omnino nititur impedire desiderium tuum in bono, & ab omni deuento exercitio evacuare: à sanctorum scilicet cultu, à pia Passionis meæ memoria, à peccatorum utili recordatione, à proprii cordis custodia, & à firmo proposito proficiendi in virtute.

Multas malas cogitationes ingredit, ut tedium tibi faciat, & horrorem; ut ab oratione revocet, & sacra lectione.

Displacet sibi humilis Confessio, & ( si posset ) à Communione cefare faceret.

Non credas ei, neque curcs illum, licet saepius tibi deceptionis tetenderit laqueos.

Sibi imputa, cum mala insegit, & immunda. Dicito illi:

Vade, immunde spiritus! crube-

sec

sce miser ; valdè immundus es tu,  
qui talia infers auribus meis.

Discede à me, seductor pessime :  
non habebis in me partem ullam ;  
sed Jesus tecum erit, tanquam bel-  
lator fortis ; & tu stabis confusus.

Malo potius mori , & omnem  
pænam subire, quam tibi consentire.

Tace , & obmutesc : non audi-  
am te amplius , licet plures mihi  
moliaris molestias. Dominus illumi-  
natio mea , & salus mea ; quem ti-  
mebo ?

*Sic consistant adversum me castra ,  
non timebit cor meum. Dominus  
adjutor meus , & redemptor meus.*

5. Certa, tanquam miles bonus :  
& , si interdum ex fragilitate cor-  
ruis, resume vires fortiores priori-  
bus , confidens de ampliori gratia  
mea ; & multum præcave à vana  
complacentia , & superbia.

Propter hoc multi in errorem  
ducun-

ducuntur , & in cæcitatem penè incurabilem quandoque labuntur.

Sit tibi in cautelam , & perpetuam humilitatem , ruina hæc superborum , de se stultè præsumentium.

### CAPUT VII.

*De occultanda gratia sub humili-  
tatis custodia.*

i. D. **F**ILI, utilius est tibi , & secundius , devotionis gratiam abscondere , nec in altum te offerre , nec multum inde loqui , neq; multum ponderare ; sed magis temet ipsum despicer , & tanquam indigne datam timere .

Non est huic affectioni tenacius inhærendum , quæ citius potest mutari in contrarium.

Cogita in gratia , quām miser , & inops esse soles sine gratia.

Nec est in eo tantum spiritualis vitæ profectus , cùm consolationis habue-

habueris gratiam ; sed, cùm humili-  
liter, & abnegatè, patientérque tu-  
leris ejus subtractionem , ita, quòd  
tunc ab orationis studio non tor-  
peas , nec reliqua opera tua , ex usu  
facienda , omnino dilabi permittas.

Sed , sicut meliùs potueris , &  
intellexeris , libenter , quod in te  
est , facias : nec propter ariditatem ,  
seu anxietatem mentis , quam sen-  
tis , te totaliter negligas .

2. Multi enim sunt , qui , cùm  
non benè eis successerit , statim im-  
patientes fiunt , aut desides .

Non enim semper est in potesta-  
te hominis via ejus : sed Dei est  
dare , & consolari , quando vult , &  
quantum vult , & cui vult , sicut si-  
bi placuerit , & non ampliùs .

Quidam incauti , propter devo-  
tionis gratiam , seipso destruxe-  
runt : quia plus agere voluerunt ,  
quam potuerunt , non pensantes suæ  
parvi-

parvitatis mensuram , sed magis  
cordis affectum sequentes , quām  
rationis judicium.

Et , quia majora præsumpscrunt ,  
quām Deo placitum fuit , idcirco  
gratiam citò perdiderunt .

Facti sunt inopes , & viles relicti ,  
qui in Cœlum posuerunt nidum si-  
bi : ut humiliati , & depauperati ,  
discant non in alis suis volare , sed  
sub pennis meis sperare .

Qui adhuc novi sunt , & impe-  
rati in via Domini , nisi consilio di-  
scretorum se regant , faciliter deci-  
pi possunt , & deludi .

3. Quòd si suum sentire magis  
sequi , quām aliis exercitatis credere  
volunt , erit eis periculosus exitus ;  
si tamen retrahi à proprio conce-  
ptu noluerint .

Rarò sibi ipsis sapientes , ab aliis  
regi , humiliter patiuntur .

Melius est , sapere modicum cum  
humis ,

humilitate , & parva intelligentia ,  
quām magni scientiarum thesauri  
cum vana complacentia.

Melius est tibi minus habere ;  
quām multum , unde posses super-  
bire.

Non satis discretè agit , qui se  
totum lātitiæ tradit , obliviscens  
pristinæ inopiæ suæ , & casti timo-  
ris Dominj , qui timet gratiam ob-  
latam amittere.

Nec etiam satis virtuosè sapit ,  
qui tempore adversitatis , & cujus-  
quam gravitatis , nimis desperatè se  
gerit , & minus fidenter de me ,  
quām oportet , recogitat , ac sentit.

4. Qui tempore pacis nimis se-  
curus esse voluerit , sāpē tempore  
belli nimis dejectus , & formidolo-  
sus reperietur.

Si scires semper humilis , & mo-  
dicus in te permanere , nec non spi-  
ritum tuum bēne moderari , & re-  
gere ,

gere, non incideres tam citò in periculum, & offendam.

Consilium bonum est, ut, fervoris spiritu concepto, mediteris, quid futurum sit, abscedente lumine.

Quod dum contigerit, recogita, & denuò lucem posse reverti, quam ad cautelam tibi, mihi autem ad gloriam, ad tempus substraxi.

5. Utilior est sàpè talis probatio, quam si semper prospera pro tua haberet voluntate.

Nam merita non sunt ex hoc existimanda, si quis plures visiones, aut consolationes habeat; vel si peritus sit in Scripturis, aut in altiori ponatur gradu.

Sed, si vera fuerit humilitate fundatus, & divina charitate repletus; si Dei honorem pure, & integrè semper quærat; si seipsum nihil reputet, & in veritate despiciat, atq; ab aliis etiam despici, & humiliari magis

magis gaudeat , quām honorari.

## C A P U T . VIII.

*De vili aestimatione sui ipsius in oculis Dei.*

I. S. **L**OQUAR ad Dominum meum ; cūm sim pulvis , & cinis. Si me amplius reputavero , ecce , tu stas contra me : & dicunt testimonium verum iniquitates meæ ; nec possum contradicere.

Si autem me vilificavero , & ad nihilum redegero , & ab omni propria reputatione defecero , atque (sicut sum) pulverizavero , erit mihi propitia gratia tua , & vicina cordi meo lux tua : & omnis aestimatio , quantulacunque minima , in valle nihileitatis meæ submergeatur , & peribit in æternum.

Ibi ostendes me mihi , quid sum , quid fui , & quò deveni : quia nihil sum , & nescivi.

Si mihi ipsi relinquor , ecce nihil ,

hil, & tota infirmitas : si autem subitò me respexeris, statim fortis efficior, & novo repleor gaudio.

Et mirum valdè, quòd sic repente sublevor, & tam benignè à te complector, qui proprio pondere semper ad ima feror.

2. Facit hoc amor tuus, gratis præveniens me, & in tam multis subveniens necessitatibus, à gravibus quoque custodiens me periculis, & ab innumeris (ut verè dicam) eripiens malis.

Me siquidem, malè amando, perdidi ; & te solùm quærendo, & purè amando, me, & te pariter inveni, atque ex amore profundiùs ad nihilum me redigi.

Quia tu, ô dulcissime, facis mecum supra meritum omne, & supra id, quam audeo sperare, vel rogare.

3. Benedictus sis, Deus meus : quia, licet ego omnibus bonis sim  
indi-

indignus , tua tamen nobilitas , & infinita bonitas nunquam cessat benefacere etiam ingratis , & longè à te aversis.

Converte nos ad te , ut simus grati , humiles , & devoti : quia salus nostra tu es , virtus , & fortitudo nostra.

### C A P U T IX.

*Quod omnia ad Deum , sicut ad finem ultimum , sunt referenda.*

i. D. **F**illi , ego debeo esse finis tuus supremus , & ultimus , si verè desideras esse beatus.

Ex hac intentione purificabitur affectus tuus , səpiùs ad seipsum , & ad creaturas malè incurvatus.

Nam , si te ipsum in aliquo queris , statim in te deficis , & arescis.

Omnia ergo ad me principaliter referas ; quia ego sum , qui omnia dedi.

Sic singula considera , sicut ex

summo Bono manantia : & ideo ad me, tanquam suam originem, cuncta sunt reducenda.

2. Ex me pusillus , & magnus ; pauper , & dives, tanquam ex fonte vivo , aquam vivam hauriunt ; & qui mihi sponte , & liberè deser- viunt, gratiam pro gratia accipient.

Qui autem extra me voluerit gloriari , vel in aliquo privato bono delectari , non stabilietur in vero gaudio , neque in corde suo dilatabitur , sed multipliciter impedi- etur , & angustiabitur.

Nihil ergo tibi de bono adscri- bere debes , nec alicui homini vir- tutem attribuas ; sed totum da Deo , sine quo nihil habet homo.

Ego totum dedi , ego totum rehabere volo : & cum magna distri- ctione gratiarum actiones requiro.

Hæc est veritas , qua fugatur gloriæ vanitas.

Et , si intraverit Cœlestis gratia ,  
 & vera charitas , non erit aliqua  
 invidia , nec contractio cordis , ne-  
 que privatus amor occupabit .

Vincit enim omnia Divina cha-  
 ritas , & dilatat omnes animæ vires .

Si rectè sapis , in me solo gaudie-  
 bis , in me solo sperabis : quia *nemo*  
*bonus , nisi solus Deus* , qui est super  
 omnia laudandus , & in omnibus  
 benedicendus .

### C A P U T X.

*Quod , spredo mundo , dulce est servi-*  
*re Deo .*

I. S. **N**unc iterum loquar , Do-  
 mine , & non silebo ; di-  
 cam in auribus Dei mei , Domini  
 mei , & Regis mei , qui est in ex-  
 celso .

O quam magna multitudo dulce-  
 dinis tuæ , Dñe , quam abscondisti ti-  
 mentibus te ! Sed quid es amabitibus ?  
 quid toto corde tibi servientibus ?

Verè ineffabilis dulcedo contemplationis tuæ , quam largirjs amantibus te.

In hoc maximè ostendisti mihi dulcedinem charitatis tuæ ; quia , cùm non essem , fecisti me ; & , cùm errarem longè à te , reduxisti me , ut servirem tibi ; & præcepisti , ut diligam te ?

2. O fons anioris perpetui , quid dicam de te !

Quomodo potero tui oblivisci , qui mei dignatus es recordari , etiam , postquam contabui , & perii ?

Fecisti , ultra omnem spem , misericordiam cum servo tuo : & ultra omne meritum , gratiam , & amicitiam exhibuisti .

Quid retribuam tibi pro gratia ista ? Non enim omnibus datum est , ut , omnibus abdicatis , sæculo renuntient , & Monasticam vitam assumant .

Numquid magnum est , ut tibi serviam ; cui omnis creatura servire tenetur ?

Non magnum mihi videri debet , servire tibi : sed hoc potius magnum mihi , & mirandum apparet , quod tam pauperem , & indignum dignaris in servum recipere , & dilectis servis tuis adunare .

3. Ecce , omnia tua sunt , quae habeo , & unde tibi servio .

Verumtamen vice versa , tu magis mihi servis , quam ego tibi .

Ecce , Cœlum , & terra , quæ in ministerium hominis creasti , præstò sunt tibi , & faciunt quotidie , quæcunque mandâsti .

Et hoc parum est : quin etiam Angelos in ministerium hominis creasti , & ordinâsti .

Transcendit autem hæc omnia , quia tu ipse homini servire dignatus es , & teipsum daturum ei pro-

misisti.

4. Quid dabo tibi pro omnibus  
istis millibus bonis? Utinam possem  
tibi servire cunctis diebus vitæ meæ!

Utinam vel uno die dignum ser-  
vitium exhibere sufficerem!

Verè tu es dignus omni servi-  
tio, omni honore, & laude æterna.

Verè, Dominus meus es, & ego  
pauper servus tuus, qui totis viri-  
bus teneor tibi servire, nec unquam  
in laudibus tuis debeo fastidire.

Sic volo, sic desidero: &, quid-  
quid mihi deest, tu digneris sup-  
plere.

5. Magnus honor, magna gloria,  
tibi servire, & omnia propter te  
contemnere.

Habebunt enim gratiam magnam,  
qui sponte se subjecerint tuæ san-  
ctissimæ servituti.

Invenient suavissimam Spiritus  
sancti consolationem, qui pro amo-  
re tuo

re tuo omnem carnalem abjecerint  
delectationem.

Consequentur magnam mentis  
libertatem, qui arctam pro nomine  
tuo ingredientur viam, & omnem  
mundanam neglexerint curam.

6 O grata, & jucunda Dei ser-  
vitus, qua homo veraciter efficitur  
liber, & sanctus!

O sacer status Religiosi famu-  
latus, qui hominem Angelis reddit  
æqualem, Deo placabilem, dæmo-  
nibus terribilem, & cunctis fidelib-  
us commendabilem!

O amplectendum, & semper o-  
ptandum servitium, quo summum  
promeretur bonum, & gaudium  
acquiritur sine fine mansuum!

### CAPUT XI.

*Quod desideria cordis examinanda  
sunt, & moderanda.*

I. D. Fili, oportet te adhuc mul-  
ta addiscere, quæ ne-  
Hs dum

dum bene didicisti.

S. Quæ sunt hæc , Domine ?

D. Ut desiderium tuum ponas totaliter secundūm beneplacitum meum : & tui ipsius amator non sis , sed mēx voluntatis cupidus amator , & æmulator .

Desideria te sāpē accendunt , & vehementer impellunt ; sed considera , an propter honorem meum , an propter tuum commodum magis movearis .

Si ego sum in causa , bene contentus eris , quomodo cunque ordinavero : si autem de proprio quæfitu aliquid latet , ecce , hoc est , quod te impedit , & gravat .

2. Cave ergo , ne nimiū innitaris super desiderio præconcepto , me non consulto ; ne forte postea pœniteat , aut displiceat , quod primò placuit , & quasi pro meliore zelasti .

Non enim omnis affectio, quæ  
videtur bona, statim est sequenda;  
sed neque omnis contraria affectio  
ad primum fugienda.

Expedit interdum refrænatione  
uti, etiam in bonis studiis, & desi-  
deriis; ne per importunitatem,  
mentis distractionem incurras; ne  
aliis per indiscipline scanda-  
lum generes; vel etiam per resisten-  
tiam aliorum subito turberis, &  
corruas.

3. Interdum verò oportet violen-  
tiâ uti, & viriliter appetui sensitivo  
contraire, nec adverterere, quid velit  
caro, & quid non velit; sed hoc ma-  
gis satagere, ut subjecta sit etiam  
nolens spiritui.

Et tamdiu castigari debet, & cog i  
servituti subesse, donec parata sit ad  
omnia, paucisque contentari discat,  
& simplicibus delectari, nec contra  
aliquid inconveniens missitare.

*De informatione patientiae, & lu-  
ctamine adversus concupiscentias.*

1. S. **D**omine Deus, ut video,  
patientia est mihi valde  
necessaria; multa enim in hac vita  
accidunt contraria.

Nam, qualitercunque ordinave-  
ro de pace mea, non potest esse si-  
ne bello, & dolore vita mea.

**D.** Ita est, fili. Sed volo te non  
talem querere pacem, quae tentati-  
onibus careat, aut contraria non  
sentiatur.

Sed tunc etiam aestima te pa-  
cem invenisse, cum fueris variis tri-  
bulationibus exercitatus, & in mul-  
tis contrarietatis probatus.

2. Si dixeris, te non posse mul-  
ta pati, quomodo tunc sustinebis  
ignem purgatorii?

De duobus malis, minus est sem-  
per eligendum.

Ut ergo æterna futura supplicia possis evadere , mala præsentia studeas pro Deo æquanimiter tolerare .

An putas , quòd homines sæculi hujus nihil , vel parùm patientur ? Nec hoc invenies , etiamsi delicatissimos quæsieris .

S. Sed habent multas delectationes , & proprias sequuntur voluntates : idèoque parùm ponderant suas tribulationes .

3. D. Estò ita sit , ut habeant , quidquid voluerint : sed quamdiu , putas , durabit ?

Ecce , quemadmodum sumus , deficient abundantes in sæculo , & nulla erit recordatio præteriorum gaudiorum .

Sed & , cùm adhuc vivunt , non sine amaritudine , & tædio , ac timore in eis quiescunt .

Ex eadem namque re , unde si bi delectationem concipiunt , inde dol-

doloris pœnâ frequenter recipiunt.

Justè illis fit, ut, quia inordinatè delectationes quærunt, & sequuntur, non sine confusione, & amaritudine eas explant.

4. O quām breves, quām falsæ, quām inordinatae, & turpes omnes sunt!

Verumtamen præ ebrietate, & cæcitate non intelligunt; sed, velut muta animalia, propter modicum corruptibilis vitæ delectamentum mortem animæ incurunt.

Tu ergo, fili, post concupiscentias tuas non eas, & à voluntate tua avertere. (Eccli. 18.) Delectare in Domino, & dabit tibi petitio-nes cordis tui. (Psal. 36.)

5. Etenim, si veraciter vis dele-  
Etari, & abundantius à me conso-  
ri; ecce, in contemptu omnium  
mundanorum, & in abscissione o-  
mnium infimarum delectationum,

erit benedictio tua, & copiosa tibi  
reddetur consolatio.

Et, quantò te plūs ab omni crea-  
turarum solatio subtraxeris, tantò in  
me suaviores, & potentiores con-  
solationes invenies.

Sed primò, non sine quadam  
tristitia, & labore certaminis, ad  
has pertinges.

Obsistet inolita consuetudo; sed  
meliori consuetudine devincetur.

Remurmurabit caro; sed fervore  
spiritus frænabitur.

Instigabit, & exacerbabit te ser-  
pens antiquus; sed oratione fuga-  
bitur; insuper & labore utili aditus  
ei magnus obstructur.

### C A P U T XIII.

*De obedientia humilis subditi, ad  
exemplum JESU Christi.*

I. D. **F**illi, qui se subtrahere niti-  
tur ab obedientia, ipse se  
subtrahit à gratia: &, qui quærit  
habere

habere privata , amittit communia.

Qui non libenter , & sponte , suo Superiori se subdit , signum est , quod caro sua ne cum perfecte sibi obedit , sed saepè recalcitrat , & remuratur.

Disce ergo celeriter Superiori tuo te submittere , si carnem propriam optas subjugare.

Citius namque exterior vincitur inimicus , si interior homo non fuerit devastatus.

Non est molestior , & pejor animæ hostis , quam tu ipse tibi , non bene concordans spiritui.

Oportet omnino verum te assumere tui ipsius contemptum , si vis prævalere adversus carnem , & sanguinem.

Quia adhuc nimis inordinate te diligis , ideo plenè te resignare aliorum voluntati trepidas.

2. Sed , quid magnum , si tu , qui pulvis

pulvis es , & nihil , propter Deum te  
homini subdis ; quando ego Omnipotens , & Altissimus , qui cuncta  
creavi ex nihilo , me homini pro-  
pter te humiliter subjeci ?

Factus sum omnium humili-  
mus , & infimus , ut tuam superbi-  
iam mea humilitate vincerem.

Disce obtemperare , pulvis ! Di-  
isce te humiliare , terra , & limus !  
& sub omnium pedibus incurvare.

Disce voluntates tuas frangere,  
& ad omnem subjectionem te dare.

Exardeste contra te , nec patiaris  
tumorem in te vivere ; sed ita sub-  
jectum , & parvulum te exhibe , ut  
omnes super te ambulare possint ,  
& , sicut lutum platearum , concul-  
care.

Quid habes , homo inanis , conque-  
ri ? Quid , sordide peccator , potes  
contradicere exprobantibus tibi ,  
qui toties Deum offendisti , & In-  
fernū

fernū multoties meruisti?

Sed pepercit tibi oculus meus,  
quia pretiosa fuit anima tua in con-  
spectu meo: ut cognosceres dilecti-  
onem meam, & gratus semper be-  
neficiis meis existeres.

Et ut ad veram subjectionem, &  
humilitatem te jugiter dares, pati-  
entérque proprium contemptum  
ferres.

#### CAPUT XIV.

*De occultis Dei Judiciis consideran-  
dis, ne extollamur in bonis.*

I. S. **I**Ntonas super me iudicia  
tua', Domine, & timore,  
ac tremore cōcutis omnia ossa mea,  
& expavescit anima mea valdē.

Sto attonitus, & considero; quia  
Cæli non sunt mundi in conspectu  
tuo.

Si in Angelis reperisti pravita-  
tem, nec tamen pepercisti, quid fieri  
de me?

Ceciderunt stellæ de Cœlo , &  
ego pulvis quid præsumo ?

Quorum opera videbantur laudabilia, ceciderunt ad infima : & qui comedebant panem Angelorum , vidi siliquis delectari porcorum .

2. Nulla est ergo sanctitas , si manum tuam , Domine , subtrahas .

Nulla prodest sapientia , si gubernare desistas .

Nulla juvat fortitudo , si conservare desinas .

Nulla secura castitas , si cam non protegas .

Nulla propria prodest custodia , si non adsit tua sacra vigilantia .

Nam relieti , mergimur , & perimus ; visitati verò , erigimur , & vivimus .

Instabiles quippe sumus ; sed per te confirmamur : tepescimus ; sed à te accendimur .

3. O quām humiliter , & abjecte  
mihī

mihi de me ipso sentiendum est !  
quàm nihili pendendum , si quid  
boni videar habere !

O quàm profundè submittere  
me debeo sub abyssalibus judiciis  
tuis , Domine : ubi nihil aliud me  
esse invenio , quàm nihil , & nihil !

O pondus immensum ! ô pelagus  
intransnatabile : ubi nihil aliud de  
me reperio , quàm in toto nihil !

Ubi est ergo latebra gloriæ ? ubi  
confidentia de virtute concepta ?

Absorpta est omnis gloriatio va  
na in profunditate judiciorum tu  
orum super me.

4. Quid est omnis caro in con  
spectu tuo ?

*Numquid gloriabitur lutum con  
tra formantem se ? ( Isa. 29.)*

Quomodo potest erigi vanilo  
quio , cuius cor in veritate subje  
ctum est Deo ?

Non cum totus mundus eriget ,  
quem

quem veritas sibi subjecit ; nec omnium laudantium ore movebitur, qui totam spem suam in Deo firmavit.

Nam & ipsi, qui loquuntur, ecce, omnes nihil ; deficient enim cum sonitu verborum : *Veritas autem Domini manet in æternum.* ( Ps. 116. )

### CAPUT XV.

*Qualiter standum sit, ac dicendum  
in omni re desiderabili.*

I. D. **F**illi, sic dicas in omni re :  
Domine, si tibi placitum fuerit, fiat hoc ita.

Domine, si fuerit honor tuus,  
fiat hoc in nomine tuo.

Domine, si mihi videris expedire, & utile esse probaveris, tunc da mihi hoc uti ad honorem tuum.

Sed, si mihi nocivum fore, cognoveris, nec animæ meæ saluti prodesse, aufer à me tale desiderium.

Non

Non enim omne desiderium est à Spiritu sancto , etiamsi homini videatur rectum , & bonum.

Difficile est , pro vero judicare , utrū spiritus bonus , an alienus te impellat ad desiderandum hoc , vel illud ; an etiam ex proprio movearis spiritu .

Multi in fine sunt decepti , qui primò bono spiritu videbantur inducti .

2. Igitur semper cum timore Dei , & cordis humilitate desiderandum est , & petendum , quidquid desiderabile menti occurrit : maximèque cum propria resignatione mihi totum committendum est , atque dicendum :

Domine , tu scis , qualiter melius est : fiat hoc , vel illud , sicut volueris .

Da , quod vis , & quantum vis , & quando vis .

Fac mecum , sicut scis , & sicut  
tibi

tibi magis placuerit, & major honor tuus fuerit.

Pone me, ubi vis, & liberè age mecum in omnibus.

In manu tua ego sum: gyra, & reversa me per circuitum.

En, servus tuus ego, paratus ad omnia: quoniam non desidero mihi vivere, sed tibi; utinam dignè, & perfectè!

### O R A T I O

*Pro Beneplacito Dei perficiendo.*

3. S. **C**Oncede mihi, benignissime Jesu, gratiam tuam, ut mecum sit, & mecum labore, mecumque usque in finem perseveret.

Da mihi hoc semper desiderare, & velle, quod tibi magis acceptum est, & charius placet.

Tua voluntas, mea sit: & mea voluntas tuam semper sequatur, & optimè ei concordet.

Sit mihi unum velle, & nolle tecum;

tecum : nec aliud posse velle , aut nolle , nisi , quod tu vis , & nolis.

4. Da mihi omnibus mori , quæ in mundo sunt : & propter te amare contemni , & nesciri in hoc sæculo.

Da mihi super omnia desiderata in te requiescere , & cor meum in te pacificare.

Tu vera pax cordis , tu sola requies : extra te dura sunt omnia , & inquieta. *In hac pace in id ipsum* , hoc est , in te uno suño : & æterno bono , *dormiam , & requiescam*. Am.

### CAPUT XVI.

*Quod verum solatium in solo Deo est  
quærendum.*

1, Quidquid desiderare possum , vel cogitare ad solarium meum , non hic exspecto , sed in posterum.

*Quod si omnia solatia mundi solus haberem , & omnibus deliciis frui possem , certum est , quod diu duræ-*

durare non possent.

Unde non poteris , anima mea,  
plene consolari , nec perfectè recre-  
ari , nisi in Deo , consolatore pau-  
perum , ac susceptore humilium.

Expecta modicūm , anima mea ;  
expecta divinum promissum ; & ha-  
bebis abundantiam omnium bono-  
rum in Cœlo.

Si nimis inordinate ista appetis  
præsentia , perdes æterna , & Cœle-  
stia.

Sint temporalia in usu ; æterna  
in desiderio.

Non potes aliquo bono tempo-  
rali satiari ; quia ad hæc fruenda  
non es creata.

2. Etiamsi omnia creata bona  
haberes , non posses esse felix , &  
beata : sed in Deo , qui cuncta cre-  
avit , tota beatitudo tua , & felicitas  
consistit.

Non , qualis videtur , & laudatur

à stultis mundi amatoribus , sed , qualem expectant boni Christi fideles , & prægustant interdum spirituales , ac mundi corde , quorum conversatio est in Cœlis .

Vanum est , & breve , omne humanum solatium .


Beatum , & verum solatium , quod intùs à veritate percipitur .

Devotus homo ubique secum fert consolatorem suum Jesum , & dicit ad eum : Adesto mihi , Domine Jesu , in omni loco , & tempore .

Hæc mihi sit consolatio , libenter velle carere omni humano solatio .

Etsi tua defuerit consolatio , si mihi tua voluntas , & justa probatio pro summo solatio .

*Non enim in perpetuum irascē-  
ris , neque in æternum commi-  
naberis .*



## CAPUT XVII.

*Quod omnis solicitude in Deo statuta sit.*

1. D. **F**illi, sine me tecum agere;  
quod volo: ego scio, quid  
expediat tibi.

Tu cogitas, sicut homo: tu sen-  
tis in multis, sicut tibi humanus  
suadet affectus.

S. Domine, verum est, quod di-  
cis. Major est solicitude tua pro  
me, quam omnis cura, quam ego  
gerere possum pro me.

Nimis enim casualiter stat, qui  
non projicit omnem solicitudinem  
suam in te.

Domine, dummodo voluntas  
mea recta, & firma ad te permane-  
at, fac de me, quidquid tibi placuerit.

Non enim potest esse, nisi bo-  
num, quidquid de me feceris.

2. Si me vis esse in tenebris, sis  
benedictus: &, si me vis esse in lu-

ce, sis iterum benedictus. Si me dignaris consolari, sis benedictus; & si me vis tribulari, sis æquè semper benedictus.

D. Fili, sic oportet te stare, si tecum desideras ambulare.

Ita promptus esse debes ad patiendum, sicut ad gaudendum.

Ita libenter debes esse inops, & pauper, sicut plenus, & dives.

3. S. Domine, libenter patiar pro te, quidquid volueris venire super me.

Indifferenter volo de manu tua bonum, & malum, dulce, & amarum, lætum, & triste, suscipere, & pro omnibus mihi contingentibus gratias agere.

Custodi me ab omni peccato, & non timebo mortem, nec Infernum.

Dummodo in æternum me non projicias, nec delcas de libro vita;

non mihi nocebit , quidquid venient  
merit tribulationis super me.

## CAPUT XVIII.

*Quod temporales miseriae , exemplo  
Christi , æquanimiter sunt  
ferendæ.*

I. D. **F**illi, ego descendi de Cœlo  
pro tua salute : suscepi  
tuas miserias , non necessitate , sed  
charitate trahente : ut patientiam  
disceres , & temporales miseriae  
non indignanter ferres.

Nam ab hora ortus mei , usque  
ad exitum in Cruce , non defuit  
mihi tolerantia doloris.

Defectum rerum temporalium  
magnum habui ; multas querimo-  
nias de me frequenter audivi : con-  
fusiones , & opprobria benignè sus-  
tinui : pro beneficjis ingratitudi-  
nem recepi , pro miraculis blasphe-  
mias , pro doctrina reprehensio-  
nes.

2. S. Domine , quia tu patiens fuisti in vita tua , in hoc maximè implendo præceptum Patris tui , dignum est , ut ego , misellus peccator , secundùm voluntatem tuam patienter me sustineam : & , donec ipse volueris , onus corruptibilis vita pro salute mea portem .

Nam , etsi onerosa sentitur præsens vita , facta est tamen jam per gratiam tuam valdè meritoria ; atque , exemplò tuō & sanctorum tuorum vestigiis , infirmis tolerabilior , & clarior .

Sed & multò magis consolatoria , quam olim in Lege veteri fuerat , cùm porta cæli clausa perfisteret ; & obscurior etiam via ad Cælum videbatur , quando tam pauci Regnum Cælorum querere curabant .

Sed neque , qui tunc justi erant , & salvandi , ante Passionem tuam , & sacræ mortis debitum , Cœlestē Regnum

Regnum poterant introire.

3. O quantas tibi gratias teneor referre, quod viam rectam, & bonam dignatus es mihi, & cunctis fidelibus ad aeternum Regnum tuum ostendere!

Nam vita tua, via nostra: & per sanctam patientiam ambulamus ad te, qui es corona nostra.

Nisi tu nos pracesses, & docuisses, quis sequi curaret?

Heu, quot longe, retrisque manerent, nisi tua praeclara exempla inspicerent!

Ecce, adhuc tepeleimus, auditis tot signis tuis, & doctrinis: quid fieret, si tantum lumen ad secundum te non haberemus?

### CAPUT XIX.

*De tolerantia injuriarum, & quis verus patiens probetur.*

I D.. Quid est, quod loqueris, fili? cessa conqueri, consider-

sideratâ meâ , & aliorum Sanctorum Passione.

Nondum usque ad sanguinem restitisti.

Parùm est , quod tu pateris , in comparatione eorum , qui tam multa passi sunt , tam fortiter tentati , tam graviter tribulati , tam multipliciter probati , & exercitati.

Oportet te igitur aliorum graviora ad mentem reducere , ut leviùs feras tua minima.

Et , si tibi minima non videntur , vide , ne & hoc tua faciat impatien-  
tia.

Sive tamen parva , sive magna  
sint , stude cuncta patienter sufferre .

2. Quantò melius ad patiendum te disponis , tantò sapientius agis , & amplius promereris : feres quoque levius , animo , & usu ad hoc non segniter paratus .

Nec dicas : Non valeo hæc ab homi-

homine tali pati, nec hujuscemodi  
mihi patienda sunt: grave enim in-  
tulit damnum, & improperat mihi,  
quæ nunquam cogitaveram: sed  
ab alio libenter patiar, & sicut  
pacienda videro.

Insipiens est talis cogitatio, quæ  
virtutem patientiæ non considerat,  
nec à quo coronanda erit; sed ma-  
gis personas, & offensas sibi illa-  
tas perpendit.

3. Non est verus patiens, qui pati  
non vult, nisi quantum sibi visum  
fuerit, & à quo sibi placuerit.

Verus autem patiens nō attendit,  
à quo homine, utrūm à Prælato  
suo, an ab aliquo æquali, aut infe-  
riori: utrūm à bono, & sancto vi-  
ro, vel à perverso, & indigno exer-  
ceatur.

Sed indifferenter ab omni creatu-  
ra, quantumcunque, & quotiescun-  
que ei aliquid adversi acciderit, to-

tum hoc de manu Dei gratanter  
accipit , & ingens lucrum reputat.

Quia nihil apud Deum, quantum-  
libet parvum , pro Deo tamen pa-  
sum, poterit sine merito transire.

4. Esto itaque expeditus ad pu-  
gnam , si vis habere victoriam.

Sine certamine , non potes ve-  
nire ad patientiae coronam.

Si pati non vis, recusas coronari.

Si autem coronari desideras ,  
certa viriliter , sustine patienter.

Sine labore non tenditur ad re-  
quiem : nec sine pugna peruenitur  
ad victoriam.

S. Fiat , Domine , mihi possibile  
per gratiam , quod mihi impossibi-  
le videtur per naturam.

Tu scis, quòd modicum possum  
pati , & , quòd citò dejicio , levi  
exurgente aduersitate.

Efficiatur mihi quælibet exercita-  
tio tribulationis pro nomine tuo a-  
mabi-

mabilis , & optabilis ; nam pati , &  
vexari pro te , valdè salubre est a-  
nimæ meæ.

## CAPUT XX.

*De Confessione propriæ infirmitatis,  
& bujus vitæ miseriis.*

1. S. **C**Onfitebor adversum me  
injustitiam meam ; con-  
fitebor tibi, Domine, infirmitatem  
meam.

Srpè parva res est , quæ me de-  
jicit , & contristat.

Propono , me fortiter aëteturum:  
sed , cùm modica tentatio venerit ,  
magna mihi angustia fit.

Valdè vilis quandoque res est ,  
unde gravis tentatio provenit.

Et , dum puto me aliquantulum  
tutum , cùm non sentio ; invenio  
me nonnunquam pænè devictum  
**ex** levi flatu.

2. Vide ergo , Domine , humili-  
tatem meam , & fragilitatem tibi

undique notam.

Miserere , & eripe me de luto ,  
ut non infigar , ne permaneam de-  
victus usque quaque.

Hoc est , quod me frequenter re-  
verberat , & coram te confundit ;  
quod tam labilis sum , & infirmus  
ad resistendum passionibus.

Etsi non omnino ad consensio-  
nem , tamen mihi etiam molesta ,  
& gravis est earum insectatio , &  
rædet valde sic quotidie vivere in  
lite.

Et hinc nota mihi fit infirmitas  
mea ; quia multò faciliùs irruunt  
abominandæ semper phantasie ,  
quam discedunt.

3. Utinam , fortissime Deus Isra-  
el , zelator animarum fidelium , re-  
spicias servi tui laborem , & dolo-  
rem , assistasque illi in omnibus , ad  
quæcunque perrexerit !

Robora me Cœlesti fortitudine ,  
me vetus

ne vetus homo, misera caro, spiritui neccum plenè subacta, prævaleat dominari; adversùs quam certare oportebit, quamdiù spiratur in hac vita miserrima.

Heu, qualis est hæc vita, ubi non desunt tribulationes, & miseriae; ubi plena laqueis, & hostibus sunt omnia.

Nam, una tribulatione, seu tentatione recedente, alia succedit; sed &, priore adhuc durante conflictu, alii plures superveniunt, & insperatè.

4. Et quomodo potest amari vita, tantas habens amaritudines, tot subjecta calamitatibus, & miseriis?

Quomodo etiam dicitur vita, tot generans mortes, & pestes?

Et tamen amatur, & delectari in ea à multis quæritur.

Reprehenditur frequenter mundus, quòd fallax sit, & vanus; nec

tamen facile relinquitur; quia concupiscentia carnis nimis dominantur.

Sed alia trahunt ad amandum, alia ad contemnendum.

Trahunt ad amorem mundi desiderium carnis, desiderium oculorum, & superbia vitae: sed poenae, ac miseriae, justè sequentes ea, odium mundi pariunt, & tedium.

5. Sed vincit (proh dolor!) delectatio prava mentem mundo deditam, & esse sub sensibus delicias reputat: quia Dei suavitatem, & internam virtutis amoenitatem, nec vidit, nec gustavit.

Qui autem mundum perfectè contemnunt, & Deo vivere sub sancta disciplina student, isti divinam dulcedinem, veris abrenuntiatoribus promissam, non ignorant; &, quam graviter mundus errat, & variè fallitur, clarius vident.

## CAPUT XXI.

*Quòd in Deo super omnia bona, &  
dona requiescendum est.*

I.S. **S**uper omnia, & in omnibus, requiesces, anima mea, in Domino semper; quia ipse est Sanctorum æterni requies.

Da mihi, dulcissime, & amantissime Jesu, in te super omnem creaturam requiescere; super omnem salutem, & pulchritudinem; super omnem gloriam, & honorem; super omnem potentiam, & dignitatem; super omnem scientiam, & subtilitatem; super divitias, & artes; super omnem lætitiam, & exultationem; super omnem famam, & laudem; super omnem suavitatem, & consolationem; super omnem spem, & promissionem; super omne meritum, & desiderium.

Super omnia dona, & munera, quæ potes dare, & infundere; super omne

omne gaudium , & jubilationem ;  
quam potest mens capere, & sentire.

Denique super Angelos , & Ar-  
changelos , & super omnem exer-  
citum Cæli ; super omnia visibilia ,  
& invisibilia ; & super omne , quod  
tu , Deus meus , non es.

2. Quia tu , Domine Deus meus ,  
super omnia optimus es : tu solus  
altissimus : tu solus potentissimus :  
tu solus sufficientissimus , & plenissi-  
mus : tu solus suavissimus , & sola-  
tiosissimus .

Tu solus pulcherrimus , & aman-  
tissimus : tu solus nobilissimus , &  
gloriosissimus super omnia : in quo  
cuncta bona simul , & perfectè sunt ,  
& semper fuerunt , & erunt .

Atque ideo minus est , & insuffi-  
ciens , quidquid præter te ipsum mi-  
hi donas , aut de te ipso revelas ,  
vel promittis , te non viso , nec ple-  
nè adepto .

Quoniam quidem non potest  
cor meum veraciter requiescere ,  
nec totaliter contentari , nisi in te  
requiescat, & omnia dona, omnem-  
que creaturam transcendat.

3. O mi dilectissime sponsे, Jesu  
Christe, amator purissime , domi-  
nator universæ creaturæ ; quis mihi  
det pennas verae libertatis , ad vo-  
landum , & pausandum in te ?

O quando ad plenum dabitur mi-  
hi vacare , & videre , quam suavis  
es, Domine, Deus meus !

Quando ad plenum me recolligam  
in te , ut præ amore tuo non senti-  
am me , sed te solum , supra omnem  
sensem , & modum , in modo non  
omnibus noto ?

Nunc autem frequenter gemo ,  
& infelicitatem meam cum dolore  
porto.

Quia multa mala in hac valle  
miseriarum occurrunt , quæ me  
sæpius

sæpiùs conturbant, contristant, & obnubilant: sæpiùs impediunt, & distrahunt, alliciunt, & implicant, ne liberum habeam accessum ad te, & ne jucundis fruar amplexibus, qui præstò es semper beatis Spiritibus.

Moveat te suspirium meum, & desolatio multiplex in terra.

4. O Jesu, splendor æternæ gloriæ, solamen peregrinantis animæ! apud te est os meum sine voce, & silentium meum loquitur tibi.

Usquequò tardat venire Dominus meus?

Veniat ad me pauperculum suum, & lætum faciat. Mittat manus suam, & miserum eripiat de omni angustia.

Veni, veni: quia sine te nulla erit læta dies, aut hora; quia tu lætitia mea: & sine te vacua est mensa mea.

Miser sum, & quodammodo in-

earce-

circeratus, & compedibus gravatus;  
donec luce præsentiaæ tuæ me refi-  
cias, ac libertate dones, vultumque  
amicabilem demonstres.

5. Quærant alii à te aliud, quod-  
cunque libuerit : mihi aliud in-  
terim nîl placet, nec placebit, nisi  
tu, Deus meus, spes mea, salus æ-  
terna.

Non reticebo, nec deprecari ces-  
sabo ; donec gratia tua revertatur,  
mihique tu intùs loquaris.

D. Ecce adsum. Ecce ego ad te ;  
quia invocâsti me. Lacrymæ tuæ,  
& desiderium animæ tuæ, humiliati-  
o tua, & contritio cordis, incli-  
naverunt me, & adduxerunt ad te.

6. S. Et dixi: Domine, invocavi te,  
& desideravi frui te, paratus omnia  
respuere propter te.

Tu enim prior excitâsti me, ut  
quærerem te.

Sis ergo benedictus, Domine,  
qui

qui fecisti hanc bonitatem cum ser-  
vo tuo , secundum multitudinem  
misericordiae tuæ.

Quid habet ultrà dicere servus  
tuus coram te , nisi ut humiljet  
se valdè ante te , memor semper  
propriæ iniquitatis , & vilitatis ?

Non enim est similis tui in cun-  
ctis mirabilibus Cæli , & terræ.

Sunt opera tua bona valdè , ju-  
dicia vera , & providentiâ tuâ re-  
guntur universa.

Lauds ergo tibi , & gloria , ô Patris  
Sapientia ! te laudet , & benedicat  
os meum , anima mea , & cuncta  
creata simui .

## C A P U T   XXII.

*De recordatione multiplicium bene-  
ficiorum Dei.*

I. S. **A**peri , Domine , cor meum  
in lege tua , & in præ-  
ceptis tuis doce me ambulare .

Da mihi intelligere voluntatem  
tuam ,

tuam , & cum magna reverentia ,  
ac diligenti consideratione , bene-  
ficia tua , tam in generali , quām  
in speciali memorare : ut dignè  
tibi ex hinc valeam gratias referre.

Verūm scio , & confiteor , nec  
pro minimo puncto me posse debi-  
tas gratiarum laudes persolvere.

Minor ego sum omnibus bonis  
mihi præstitis , & , cùm tuam no-  
bilitatem attendo , deficit præ ma-  
gnitudine spiritus meus.

2. Omnia , quæ in anima habe-  
mus , & corpore , & quæcunque  
exteriùs , vel interiùs , naturaliter ,  
vel supernaturaliter possidemus , tua  
sunt beneficia , & te beneficium ,  
pium , ac bonum commendant , à  
quo bona cuncta accepimus.

Etsi alius plura , alius pauciora  
accepit , omnia tamen tua sunt : &  
sine te nec minimum potest haberi.

Ille , qui majora accepit , non  
potest

potest merito suo gloriari ; neque super alios extolli , nec minori insultare : quia ille major , & melior , qui sibi minùs adscribit , & in regatiando humilior est , atque devotior .

Et , qui omnibus viliorem se estimat , & indignorem se judicat , aptior est ad percipienda majora .

3. Qui autem pauciora accepit , contrastari non debet ; nec indignantem ferre , neque ditiori invidere : sed te potius attendere , & tuam bonitatem maximè laudare ; quòd tam affluenter , tam gratis , & libenter , sine personarum acceptione , tua munera largiris .

Omnia ex te ; & ideo in omnibus es laudandus .

Tu scis , quid unicuique donari expediat : & , cur iste minus , & ille amplius habeat : non nostrum , sed tuum est hoc discernere , apud quem

quem singulorum definita sunt merita.

4. Unde, Domine Deus, pro magnō etiam reproto beneficio, non multa habere, unde exterius, & secundum homines, laus, & gloria apparet: ita, ut, consideratā quis paupertate, & vilitate personæ suæ, non modò gravitatem, aut tristitiam, vel dejectionem indè concipiat, sed potius consolationem, & hilaritatem magnam.

Quia tu, Deus, pauperes, & humiles, atque huic mundo despectos, tibi elegisti in familiares, & domesticos.

Testes sunt ipsi Apostoli tui, quos principes super omnem terram constituiſti.

Fuerunt tamen sine querela conversati in mundo, tam humiles, & simplices, sine omni malitia, & dolo, ut etiam pati contumelias

*gauderent pro nomine tuo; & quæ mundus abhorret, ipsi amplecterentur affectu magno.*

5. Nihil ergo amatorem tuum, & cognitorem beneficiorum tuorum, ita lætificare debet, sicut voluntas tua in eo, & beneplacitum æternæ dispositionis tuæ.

De qua tandem contentari debet, & consolari, ut ita libenter velit esse minimus, sicut aliquis optaret esse maximus.

Et ita pacificus, & contentus in novissimo, sicut in loco primo: atque ita libenter despicibilis, & abjectus, nullius quoque nominis, & famæ, sicut cæteris honorabilior, & major in mundo.

Nam voluntas tua, & amor honoris tui, omnia excedere debet: & plū cum consolari, magisque placere, quam omnia beneficia sibi data, vel danda.

De quatuor magnam importantibus  
pacem.

1. D. Fili, nunc docebo te viam  
pacis, & veræ libertatis.

2. S. Fac, Domine, quod dicas;  
quia hoc mihi gratum est audire.

3. D. Stude, fili, alterius potius  
facere voluntatem, quam tuam.

Elege semper minùs, quam plūs  
habere.

Quærc semper inferiorem locum,  
& omnibus subesse.

Opta semper, & ora, ut voluntas  
Dei integrè in te fiat.

Ecce talis homo ingreditur fines  
pacis, & quietis.

4. S. Domine, sermo tuus iste  
brevis, multum in se continet per-  
fectionis.

Parvus est dictu, sed plenus sen-  
su, & uber in fructu.

Nam, si posset à me fideliter cu-  
  
X stodiū

stodiri, non deberet tam facilis in  
me turbatio oriri.

Nam, quoties me impacatum sen-  
tio, & gravatum, ab hac doctri-  
na me recessisse invenio.

Sed tu, qui omnia potes, & ani-  
mæ profectum semper diligis, ad-  
auge majorem gratiam; ut possim  
tuum complere sermonem, & me-  
am perficere salutem.

### O R A T I O

*Contra malas cogitationes.*

5. S. **D**omine, Deus meus, ne e-  
longeris à me; Deus me-  
us, in auxilium meum respice; quo-  
niā insurrexerunt in me variæ co-  
gitationes, & timores magni, affli-  
gentes animam meam.

Quomodo pertransibo illæsus?  
quomodo perfringam eas?

6. D. Ego, inquit, ante te ibo, &  
gloriosos terræ humiliabo? Aperi-  
am januas carceris, & arcana secre-  
torum

torum revelabo tibi.

7. S. Fac, Domine, ut loqueris: & fugiant à facie tua omnes iniuste cogitationes.

Hæc spes, & unica consolatio mea, ad te in omni tribulatione confugere, tibi confidere, te ex intimo invocare, & patienter consolationem tuam exspectare.

### O R A T I O

*Pro Illuminatione mentis.*

8. S. Clarifica me, Jesu bone, claritate interni luminis: & educ de habitaculo cordis mei tenebras universas.

Cohibe evagationes multas, & vim facientes elide tentationes.

Pugna fortiter pro me, & expugna malas bestias, concupiscentias dico illecebrosas: ut fiat pax in virtute tua, & abundantia laudis tuæ resonet in aula sancta, hoc est, in conscientia pura.

Impera ventis, & tempestatibus:  
dic mari; Quiesce: & Aquiloni; Ne  
flaveris: & erit tranquillitas magna.

9. Emitte lucem tuam, & verita-  
tem tuam, ut luceant super terram:  
quia terra sum inanis, & vacua,  
donec illumines me.

Effunde gratiam desuper: perfun-  
de cor meum rore Cælesti: ministra  
devotionis aquas, ad irrigandam  
faciem terræ, ad producendum fru-  
ctum bonum, & optimum.

Eleva mentem pressam mole pec-  
catorum, & ad Cælestia totum desi-  
derium meum suspende: ut, gusta-  
ta suavitate supernæ felicitatis, pi-  
geat de terrenis cogitare.

10. Rape me, & eripe ab omni  
creaturarum indurabili consolatio-  
ne: quia nulla res creata appetitum  
meum valet plenariè quietare, &  
consolari.

Junge me tibi inseparabili dile-  
ctio-

ctionis vinculo : quoniam tu solus sufficis amanti , & absque te frivola sunt universa.

## C A P U T XXIV.

*De evitazione curiosæ inquisitionis  
super alterius vita.*

I. D. **F**illi, noli esse curiosus, nec vacuas gerere solicitudines. Quid hoc , vel illud ad te ? tu me sequere.

Quid enim ad te , utrum ille sit talis, vel talis ; aut iste sic , & sic agat, vel loquatur ?

Tu non indiges respondere pro aliis; sed pro te ipso rationem redes. Quid ergo te implicas ?

Ecce , ego omnes cognosco: & cuncta, quæ sub sole fiunt, video: & scio , qualiter cum unoquoque sit , quid cogitet, quid velit, & ad quem finem tendat ejus intentio.

Mihi igitur omnia committenda sunt : tu vero serva te in bona pa-

ec , & dimitte agitantem agitare , quantum voluerit.

Veniet super eum, quidquid fecerit, vel dixerit ; quia me fallere non potest.

2. Non sit tibi cura de magni nominis umbra , non de multorum familiaritate , nec de privata hominum dilectione.

Ista enim generant distractiones , & magnas in corde obscuritates.

Libenter loquerer tibi verbum meum , & abscondita revelarem , si adventum meum diligenter observares , & ostium cordis mthi aperires.

Esto providus , & vigila in orationibus , & humilia te in omnibus.

#### C A P U T   XXV.

In quibus firma pax cordis , & verus profectus consistit.

1. D. Flli, ego locutus sum : Pacem relinquo vobis , pacem meam do vobis: non, quomodo mundus

*mundus dat , ego do vobis.*

Pacem omnes desiderant ; sed , quæ ad veram pacem pertinent , non omnes curant .

Pax mea , cum humilibus , & mansuetis corde . Pax tua , erit in multa patientia .

Si me audieris , & vocem meam secutus fueris , poteris multa pace frui .

2. S. Quid igitur faciam ?

3. D. In omni re attende tibi , quid facias , & quid dicas : & omnem intentionem tuam ad hoc dirige , ut mihi soli placeas , & extra me nihil cupias , vel quæras .

Sed & de aliorum dictis , vel factis nihil temerè judices ; nec cum rebus , tibi non commissis , te implices : & poterit fieri , ut parùm , vel raro turberis .

Nunquam autem sentire aliquam turbationem , nec aliquam

pati cordis, vel corporis molestiam,  
non est præsentis temporis, sed sta-  
tus æternæ quietis.

Non ergo æstimes, te veram pa-  
cem invenisse, si nullam senseris  
gravitatem; nec tune totum esse bo-  
num, si neminem pateris adversari-  
um: nec hoc esse perfectum, si cun-  
cta fiant secundùm tuum affectum.

Neque tunc aliquid magni te re-  
putes, aut specialiter dilectum exi-  
stimes, si in magna fueris devotio-  
ne, atq; dulcedine; quia in istis non  
cognoscitur verus amator virtutis;  
nec in istis consistit profectus, &  
perfectio hominis.

4. S. In quo ergo, Domine?

5. D. In offerendo te ex toto corde  
tuo voluntati Divinæ, non quæren-  
do, quæ tua sunt, nec in parvo,  
nec in magno, nec in tempore, nec  
in æternitate.

Ita, ut una, & æquali facie in gra-  
tiarum

tiarum actione permaneas, inter  
prospera, & contraria, omnia æ-  
qua lance pensando.

Si fueris tam fortis, & longani-  
mis in spe, ut, subtracta interiori  
consolatione, etiam ad ampliora  
sustinenda cor tuum præparaveris:  
nec te justificaveris, quasi hæc, tātāq;  
pati non deberes; sed me in omni-  
bus dispositionibus justificaveris, &  
sanctum laudaveris: tunc in vera,  
& recta via pacis ambulabis, & spes  
indubitata erit, quod rursus in ju-  
bilo faciem meam sis visurus.

Quod si ad plenum tui ipsius con-  
temptum perveneris, scito, quod  
tunc abundantia pacis perfueris se-  
cundum possibilitatem tui incolatus.

### CAPUT XXVI.

*De eminentia liberæ mentis, quam  
supplex Oratio magis meretur,  
quam lectio.*

I. S. DOMINE, hoc opus est per-

fecti viri, nunquam ab intentione  
Cœlestium animum relaxare; & in-  
ter multas curas, quasi sine cura,  
transire: non more torpentis, sed  
prærogativâ quâdam liberæ mentis,  
nulli creaturæ inordinata affectione  
adhærendo.

2. Obsecro te, piissime Deus  
meus, præserva me à curis hujus  
vitæ, ne nimis implieer; à multis  
necessitatibus corporis, ne volupta-  
te capiar; ab universis animæ obsta-  
culis, ne molestiis fractus dejiciar.

Non dico, ab his rebus, quas to-  
to affectu ambit vanitas mundana;  
sed ab his miseriis, quæ animam  
servi tui, communi maledicto mor-  
talitatis, pænaliter gravant, & re-  
tardant, ne in libertatem spiritûs,  
quoties libuerit, valeat introire.

3. O Deus meus, dulcedo inef-  
fabilis, verte mihi in amaritudinem,  
omnem consolationem carnalem,  
ab æter-

ab æternorum amore me abstrahentem, & ad se, intuitu cuiusdam boni delectabilis præsentis, male alliciēntem.

Non me vincat, Deus meus, non vincat caro, & sanguis; non me decipiat mundus, & brevis gloria eius; non me supplantet diabolus, & astutia illius.

Da mihi fortitudinem resistendi, patientiam tolerandi, constantiam perseverandi.

Da pro omnibus mundi consolationibus suavissimam spiritus tui unctionem; & pro carnali amore, tui nominis infunde amorem.

4. Ecce, cibus, potus, vestis, ac cætera utensilia, ad corporis sustentaculum pertinentia, ferventi spiritui sunt onerosa.

Tribue talibus fomentis temperatè uti, non desiderio nimio implicari.

Abficere omnia non licet ; quia natura fūlentanda est : [requirere autem superflua , & quæ magis delectant , lex sancta prohibet ; nam aliàs caro adversùs spiritum inflesceret.

Inter hæc , quæſo , manus tua me regat , & doceat , ne quid nimium fiat.

### CAPUT XXVII.

*Quod privatus amor à summo bono maximè retardat.*

i. D. Fili, oportet, te dare totum pro toto , & nihil tui ipsius esse.

Scito, quod amor tui ipsius magis nocet tibi , quam aliqua res mundi.

Secundum amorem , & affectum , quem geris , quælibet res plus , vel minus adhæret.

Si fuerit amor tuus purus , simplex , & benè ordinatus , eris sine captivitate rerum.

Noli

Noli concupiscere, quod non licet habere.

Noli habere, quod te potest impedire, & libertate interiori privare.

Mirum, quod non ex toto fundo cordis te ipsum mihi committis, cum omnibus, quæ desiderare potes, vel habere.

2. Quare vano mœrore consumiris? Cur superfluis curis fatigaris?

Sta ad beneplacitum meum, & nullum patieris detrimentum.

Si quæris hoc, vel illud, & volueris esse ibi, vel ibi, propter tuum commodum, & proprium beneplacitum magis habendum, nunquam eris in quietudine, nec liber à solicitudine; quia in omni re reperiatur aliquis defectus, & in omni loco erit, qui aduersetur.

3. Juvat igitur non qualibet res adepta, vel multiplicata exterius, sed potius contempta, & evulsa ex

corde radicitus.

Quod non tantum de censu æris,  
& divitiarum intelligas, sed de ho-  
noris etiam ambitu, ac vanæ lau-  
dationis desiderio, quæ omnia tran-  
seunt cum mundo.

Munit parùm locus, si deest spiri-  
tus fervoris: nec diu stabit pax illa  
quæsita forinsecus, si vacat à vero  
fundamento status cordis; hoc est,  
nisi steteris in me: permutare te  
potes, sed non meliorare.

Nam, occasione ortâ, & acceptâ,  
invenies, quod fugisti, & amplius.

### ORATIO

*Pro purgatione cordis, & Cœlesti sa-  
pientia.*

4. S. **C**onferma me, Deus, per  
gratiam sancti Spiritus.

Da virtutem corroborari in inte-  
riori homine, & cor meum ab omni  
inutili solicitudine, & angore, evacu-  
re, nec varijs desideriis trahi cujus-

cun-

cunq; rei, vilis, aut pretiosæ; sed omnia inspicere, sicut transeuntia, & me pariter cum illis transiturum.

**Quia** nihil permanens sub sole, ubi omnia vanitas, & afflictio spiritus.  
**O** quām sapiens, qui ita considerat!

5. Da mihi, Domine, Cœlestem sapientiam, ut discam te super omnia quærere, & invenire, super omnia sapere, & diligere; & cætera, secundūm ordinem sapientiæ tuæ, prout sunt, intelligere.

Da prudenter declinare blandientem, & patienter ferre adversātem.

**Quia** hæc magna sapientia, non moveri omni vento verborum, nec aurem malè blandienti præbere Sireni: sic enim inceptâ pergitur viâ securè.

### CAPUT XXVIII.

*Contra linguas obtrectatorum.*

1. D. **F**illi, non ægrè feras, si quidam de te malè senserint; & di-

332 DE IMITATIONE  
& dixerint, quod non libenter au-  
dis.

Tu deteriora de teipso sentire  
debes, & neminem infirmorem te  
credere.

Si ambulas ab intrâ, non mul-  
tum ponderabis volantia verba.

Est non parva prudentia, silere  
in tempore malo, & introrsus ad  
me converti, nec humano judicio  
disturbari.

2. Non sit pax tua in ore homi-  
num: sive enim benè, sive male  
interpretati fuerint, non es ideo  
alter homo. Ubi est vera pax, &  
vera gloria? Nónne in me?

Et qui non appetit hominibus  
placere, nec timet disPLICERE, mul-  
ta perfruetur pace.

Ex inordinato amore, & vano ti-  
more, oritur omnis inquietudo  
cordis, & distractio sen-  
suum.

## CAPUT XXIX.

*Qualiter, instante tribulatione, Deus  
us invocandus est, & benedi-  
cendus.*

i. S.; **S**it nomen tuum, Domine,  
benedictum in sæcula: quia  
voluisti hanc tentationem, & tribu-  
lationem venire super me.

Non possum eam effugere, sed  
necessè habeo ad te confugere, ut  
me adjuves, & in bonum mihi con-  
vertas.

Domine, modò sum in tribulati-  
one, & non est cordi meo benè; sed  
multùm vexor à præsenti passione.

Et nunc, Pater dilecte, quid di-  
cam? Deprehensus sum inter angu-  
stias: salvifica me ex hora hac.

Sed propterea veni in hanc ho-  
ram, ut tu clarificeris, cùm fuero  
valdè humiliatus, & per te liberatus.

Complaceat tibi, Domine, ut e-  
ruas me: nam ego pauper quid  
agere

agere possum, & quò ibo sine te?

Da patientiam, Domine, etiam  
hac vice. Aduva me, Deus meus,  
& non timebo, quantumcunque  
gravatus fuero.

2. Et nunc inter hæc quid di-  
cam? Domine, fiat voluntas tua. E-  
go benè merui tribulari, & gravari.

Oportet utique, ut sustineam:  
& utinam patienter, donec transeat  
tempestas, & melius fiat!

Potens est autem omnipotens  
manus tua, etiam hanc tentatio-  
nem à me auferre, & ejus impe-  
rum mitigare, ne penitus succum-  
bam; quemadmodum & priùs sæ-  
piùs egisti mecum, Deus meus,  
misericordia mea.

Et quantò mihi difficilius, tantò  
tibi facilior est hæc mutatio dexte-  
ræ Excelsi.



## CAPUT XXX.

*De Divino petendo auxilio, & confidentia recuperanda gratiae.*

i. D. **F**illi, ego Dominus confortans in die tribulationis.

Venias ad me, cum tibi non fuerit bene.

Hoc est, quod maximè consolationem impedit Cælestem; quia tardius te convertis ad Orationem.

Nam, antequam me intentè roges, multa interim solatia quæris, & recreas te in externis.

Ideoque fit, ut parùm omnia prosint, donec advertas, quia ego sum, qui eruo sperantes in me: nec est extra me valens auxilium, neque utile consilium; sed neque durabile remedium.

Sed jam, resumpto spiritu post tempestatem, reconvalesce in luce miserationum mearum: quia propè sum (dicit Dominus) ut restau-

rem universa , non solum integrè ,  
sed & abundanter , ac cumulatè.

2. Numquid mibi quidquam est  
difficile? aut ero similis dicenti , &  
non facienti ?

Ubi est fides tua ? Sta firmiter ;  
& perseveranter.

Es̄to longanimis , & vir fortis :  
veniet tibi consolatio in tempore  
suo.

Expecta me , expecta : veniam , &  
curabo te.

Tentatio est , quæ te vexat ; &  
formido vana , quæ te exterret.

Quid importat solicitude de fu-  
turi contingentibus , nisi , ut tristis-  
tiam super tristitiam habeas ? Suf-  
ficit diei malitia sua.

Vanum est , & inutile , de futuris  
conturbari , vel gratulari , quæ forte  
nunquam evenient.

3. Sed humanum est , hujusmodi  
imaginationibus iludi : & parvi ad-  
huc

huc animi signum , tam leviter trahi à suggestione inimici.

Ipse enim non curat , utrùm veris , an falsis illudat , & decipiat ; utrùm præsentium amore , aut futurorum formidine , prosternat .

Non ergo turbetur cor tuum , neque formidet .

Crede in me , & in misericordia mea habeto fiduciam .

Quando tu putas , te elongatum à me , sàpè sum propinquior .

Quando tu æstimas , pàné totum perditum , tunc sàpè majus merendi instat lucrum .

Non est totum perditum , quando res accidit in contrarjum .

Non debes judicare secundùm præsens sentire : nec sic gravitati aliqui , undecunq; venienti , inhærcere , & accedere , tanquam omnis spes sit ablata emergendi .

¶ Noli putare , te relictum ex to-

to ,

to , quamvis ad tempus tibi 'miserum aliquam tribulationem , vel etiam optatam subtraxerim consolationem : sic enim transitur ad Regnum Cœlorum .

Et hoc sine dubio magis expedit tibi , & cæteris servis meis , ut exercitemini adversis , quām , si cuncta ad libitum haberetis .

Ego novi cogitationes absconditas ; quia multūm expedit pro salute tua , ut interdum sine sapore relinquareis ; ne fortè eleveris in bono successu , & tibi ipsi placere velis in eo , quod non es .

Quod dedi , auferre possum : & restituere , cùm mihi placuerit .

5. Cùm dedero , meum est : cùm retraxero , tuum non tuli : quia meum est omne datum bonum , & omne donum perfectum .

Si tibi immisero gravitatem , aut quamlibet contrarietatem , ne indigneris ,

gneris , neque concidat cor tuum :  
ego citò sublevare possum , & omne  
onus in gaudium transmutare .

Verumtamen justus sum , &  
commendabilis multùm , cùm sic  
facio tecum .

6. Si rectè sapis , & in veritate  
aspicias , nunquam debes propter ad-  
versa tam dejectè contristari , sed  
magis gaudere , & gratias agere .

Imò hoc unicum reputare gau-  
dium , quòd affligens te doloribus ,  
non parco tibi .

*Sicut dilexit me Pater , & ego  
vos diligo , dixi dilectis discipulis  
meis : quos utique non misi ad gau-  
dia temporalia , sed ad magna cer-  
tamina ; non ad honores , sed ad  
despectiones ; non ad otium , sed  
ad labores ; non ad requiem , sed  
ad afferendum fructum multum in  
patientia . Horum memento , fili  
mi , verborum .*

**D**e neglectu omnis creaturæ, ut  
Creator possit inveniri.

r. S. **D**omine, benè indigeo ad-  
huc majori gratia, si de-  
beam illuc pervenire, ubi me nemo  
poterit, nec ulla creatura impedire.

Nam, quamdiù res aliqua me reti-  
nent, non possum liberè ad te volare.

Cupiebat liberè volare, qui dice-  
bat : *Quis dabit mibi pennas, sicut  
columbæ? & volabo, & requiescam.*

Quid simplici oculo quietius? Et  
quid liberius nihil desiderante in  
terrīs?

Oportet igitur omnem super-  
transire creaturā, & seipsum perfectè  
deserere, ac in excessu mentis stare,  
& videre, te omnium Conditorem  
cum creaturis nūl simile habere.

Et nisi quis ab omnibus crea-  
turis fuerit expeditus ; non poterit  
liberè intendere Divinis.

Ideo enim pauci inveniuntur contemplativi; quia pauci sciunt se à perituris, & creaturis, ad plenum sequestrare.

2. Ad hoc magna requiritur gratia, quæ animam levet, & supra semetipsam rapiat.

Et, nisi homo sit in spiritu elevatus, & ab omnibus creaturis liberatus, ac Deo totus unitus, quidquid scit, quidquid etiam habet, non est magni ponderis.

Diù parvus erit, & infrà jacebit, qui aliquid magnum aestimat, nisi solum unum, immensum, æternum Bonum.

Et, quidquid Deus non est, nihil est, & pro nihilo computari debet.

Est magna differentia, sapientiâ illuminati, & devoti viri, & scientiâ literati, atque studiosi Clerici.

Multò nobilior est illa doctrina, quæ de sursum ex Divina influentia

manat; quam, quæ laboriosè humano acquiritur ingenio.

3. Plures reperiuntur contemplationem desiderare; sed, quæ ad eam requiruntur, non student exercere.

Est magnum impedimentum, quia in signis, & sensilibus rebus statur, & parùm de perfecta mortificatione habetur.

Nescio, quid est, & quo spiritu ducimur, & quid prætendimus, qui spirituales dici videmur, quod tantum laborem, & ampliorem solitudinem, pro transitoriis, & vilibus rebus agimus; & de interioribus nostris vix raro, plenè recollectis sensibus, cogitamus.

4. Proh dolor! statim post modicam recollectionem foras crumpimus; nec opera nostra, districta examinatione trutinamus.

Ubi jaceant affectus nostri, non attendimus; &, quoniam impura sint

omnia, non deploramus.

Omnis quippe caro corruperat viam suam; & ideo sequebatur diluvium magnum.

Cum ergo interior affectus noster multum corruptus sit, necesse est, ut actio sequens, index carentiae interioris vigoris, corrumpatur.

Ex puro corde procedit fructus bonae vitae.

5. Quantum quis fecerit, queritur; sed, ex quanta virtute agit, non tam studiosè pensatur.

Si fuerit fortis, dives, pulcher, habilis, vel bonus scriptor, bonus cantor, bonus laborator, investigatur: quam pauper sit spiritu, quam patiens, & mitis, quam devotus, & internus, à multis tacetur.

Natura exteriora hominis respicit; gratia ad interiora se convertit.

Illa frequenter fallitur; ista in Deo sperat, ut non decipiatur.

*De abnegatione sui, & abdicatione  
omnis cupiditatis.*

1. D. **F**illi, non potes perfectam possidere libertatem, nisi totaliter abneges temetipsum.

Compediti sunt omnes proprietarii, & suipsius amatores, cupidi, curiosi, gyrovagi, quærentes semper mollia, non quæ sunt Jesu Christi ; sed hoc sæpè fingentes, & componentes, quod non stabit.

Peribit enim totum, quod non est ex Deo ortum.

Tene breve, & consummatum verbum : Dimitte omnia ; & invenies omnia : relinque cupiditatem ; & reperies requiem.

Hoc mente pertracta : &, cùm impleveris, intelliges omnia.

2. S. Domine, hoc non est opus unius dici, nec ludus parvulorum: immò in hoc brevi includitur omnis perse-

## perfectio Religiosorum.

3. D. Fili, non debes averti, nec statim dejici, auditâ viâ perfectorum; sed magis ad sublimiora provocari, & ad minùs ad hæc ex desiderio suspirare.

Utinam sic tecum esset, & ad hoc pervenisses, ut tui ipsius amator non esses, sed ad nutum meum pure stares, & ejus, quem tibi præposui, Patris: tunc mihi valdè placeres, & tota vita tua in gaudio, & pace transiret.

Adhuc multa habes ad relinquendum: quæ nisi mihi ex integro resignaveris, non acquires, quod postulas.

Suadeo tibi emere à me aurum ignitum, ut locuples fias; id est, cælestem sapientiam, omnia infima conculcantem.

Postpone terrenam sapientiam, omnem humanam, & propriam.

complacentiam.

4. Dixi, viliora tibi emenda pro pretiosis, & altis, in rebus humanis.

Nam valde vilis, & parva, ac pene oblivioni tradita videtur vera Cœlestis sapientia, non sapiens alta de se, nec magnificari quærens in terra: quam multi ore-tenus prædicant, sed vitâ longè dissentunt; ipsa tamen est pretiosa margarita, à multis abscondita.

### CAPUT XXXIII.

*De instabilitate cordis, & de intentione finali ad Deum habenda.*

1. D. **F**illi, noli credere affectui tuo: qui nunc est, citè mutabitur in aliud.

Quamdiù enim vixeris, mutabilitati subjectus eris, etiam nolens; ut modò latus, modò tristis; modò pacatus, modò turbatus; nunc devotus, nunc indevotus; nunc studiosus, nunc accediosus; nunc

gravis, nunc levis inveniaris.

Sed stat super hæc mutabilia sapiens, & bene doctus in spiritu, non attendens, quid in se sentiat, vel qua parte flet ventus instabilitatis, sed, ut tota intentio mentis ejus ad debitum, & optimum proficiat finem.

Nam sic poterit unus, & idem, inconcususque permanere, simplici intentionis oculo, per tot varios eventus, ad me imprætermissem directo.

2. Quantò autem purior fuerit intentionis oculus, tantò constanterius inter diversas itur procellas.

Sed in multis caligat oculus puræ intentionis: respicitur enim citò in aliquod delectabile, quod occurrit.

Nam & raro totus liber quis inventitur à nævo propriæ exquisitionis

Sic Judæi olim venerant in Bethaniam ad Martham, & Mariam;

non propter Jesum tantum, sed & ut Lazarum viderent.

Mundandus est ergo intentionis oculus, ut sit simplex, & rectus, atque ultra omnia varia media ad me dirigendus.

### C A P U T    XXXIV.

*Quod amanti sapit Deus super omnia, & in omnibus.*

I. S. Ecce, Deus meus, & omnia! Quid volo amplius, & quid felicius desiderare possum?

O sapidum, & dulce verbum! sed amanti Verbum; non mundum, nec ea, quæ in mundo sunt.

Deus meus, & omnia! Intelligenti satis dictum est: & sæpè repetere, jucundum est amanti.

Te siquidem præsente, jucunda sunt omnia: te autem absente, fastidiunt cuncta.

Tu facis cor tranquillum, & pacem magnam, lætitiamque festivam.

Tu fa-

Tu facis benè sentire de omnibus, & in omnibus te laudare: nec potest aliquid sine te diù placere; sed, si debet gratum esse, & benè sapere, oportet gratiam tuam adesse, & condimento tuæ sapientiæ condiri.

2. Cui tu sapis, quid ei rectè non sapiet?

Et cui tu non sapis, quid ei ad jucunditatem esse poterit?

Sed deficiunt in sapientia sua mundi sapientes, & qui carnem sapiunt; quia ibi plurima vanitas, & hic mors invenitur.

Qui autem te per contemptum mundanorum, & carnis mortificationem sequuntur, verè sapientes esse cognoscuntur; quia de vanitate ad veritatem, de carne ad spiritum transferuntur.

Istis sapit Deus; & quidquid boni invenitur in cœraturis, totum ad

laudem referunt sui Conditoris.

Dissimilis tamen, & multum dissimilis sapor Creatoris, & creaturæ est, æternitatis, & temporis, lucis increatae, & lucis illuminatae.

3. O lux perpetua, cuncta creata transcendens lumina ! fulgura coruscationem de sublimi, penetrantem omnia cordis mei intima.

Purifica, lætifica, clarifica, & vivifica spiritum meum, cum suis potentiis, ad inhærendum tibi jubilosis excessibus.

O, quando veniet hæc beata, & desiderabilis hora, ut tua me satiet præsentia, & sis mihi omnia in omnibus !

Quamdiu hoc datum non fuerit,  
nec plenum gaudium erit.

Adhuc ( proh dolor ! ) vivit in me vetus homo ; non est totus crucifixus, non est perfectè mortuus.

Adhuc concupiscit fortiter contra spi-

tra spiritum, bella movet intestina,  
nec regnum animæ patitur esse qui-  
etum.

4. Sed tu, qui dominaris potesta-  
ti maris, & motum fluetuum ejus  
mitigas, exurge, adjuva me.

Dissipa gentes, quæ bella ve-  
lunt: contere eas in virtute tua.

Ostende, quæso, magnalia tua;  
& glorificetur dextera tua: quia non  
est spes alia, nec refugium mihi,  
nisi in te, Domine Deus meus.

### C A P U T    XXXV.

*Quod non est securitas à tentatione,  
in hac vita.*

1. D. **F**illi, nunquam securus es in  
hac vita, sed, quoad vixe-  
ris, semper arma spiritualia tibi  
sunt necessaria.

Inter hostes versaris; à dextris,  
& à sinistris impugnaris.

Si ergo non uteris undiq; scuto  
patientia, non eris diù sine vulnere.

Insuper si non ponis cor tuum fixè in me, cum vera voluntate cuncta patiendi propter me, non poteris ardorem istum sustinere, nec ad palmam pertingere beatorum.

Oportet te ergo viriliter omnia pertransire, & potenti manu uti adversus objecta.

Nam vincenti datur Manna, & torpenti relinquitur multa miseria.

2. Si quæris in hac vita requiem, quomodo tunc pervenies ad æternam requiem?

Non ponas te ad multam requiem, sed ad magnam patientiam.

Quare veram pacem, non in terris, sed in Cælis; non in hominibus, nec in cæteris creaturis, sed in Deo solo.

Pro amore Dei debes omnia libenter subire, labores scilicet, & dolores, tentationes, vexationes, anxietates, necessitates, infirmitates, inju-

injurias, oblocutiones, reprehensi-  
ones, humiliationes, confusiones,  
correctiones, & despectiones.

Hæc juvant ad virtutem ; hæc  
probant Christi tironem ; hæc fa-  
bricant Cœlestem coronam.

Ego reddam mercedem æternam  
pro brevi labore, & infinitam glo-  
riam pro transitoria confusione.

3. Putas tu , quòd semper habe-  
bis pro tua voluntate consolatjones  
spirituales ?

Sancti mei non semper habue-  
runt tales, sed multas gravitates, &  
tentationes varias, magnasque de-  
solationes.

Sed patienter sustinuerunt se in  
omnibus, & magis confisi sunt  
Deo, quam sibi scientes, quia *non*  
*sunt condigne passiones bujus tem-*  
*poris, ad futuram gloriam prome-*  
*rendam.* (Rom. 8.)

Vis tu statim habere, quod mul-

ti post multas lacrymas, & magnos labores vix obtinuerunt?

Expecta Dominum: Viriliter age, & confortare: noli deficere; noli discedere: sed corpus, & animam expone constanter pro gloria Dei.

Ego reddam plenissimè: ego tecum ero in omni tribulatione.

### CAPUT XXXVI.

*Contra vana hominum iudicia.*

I. D. **F**illi, jacta cor tuum firmiter in Domino, & humanum ne metuas judicium, ubi te conscientia pium reddit, & infontem.

Bonum est, & beatum, taliter pati: nec hoc crit grave humili cordi, & Deo magis, quam sibiipsi confidenti.

Multi multa loquuntur, & ideo parva fides est adhibenda.

Sed & omnibus satis esse, non est possibile.

Esi Paulus omnibus studuit in Domini

Domino placere, & omnibus omnia factus est , tamen etiam pro minimo duxit, quod ab humano die judicatus fuerit.

2. Egit satis pro aliorum ædificatione, & salute, quantum in se erat, & poterat ; sed ne ab aliis aliquando judicaretur , vel non despiceretur, cohibere non potuit.

Ideò totum Deo commisit, qui totum noverat : & patientiâ, ac humilitate , contra ora loquentium iniqua, aut etiam vana, ac mendoza cogitantium, atque pro libitu suo quæque jactantium, se defendit.

Respondit tamen interdum , ne infirmis ex sua taciturnitate generaretur scandalum.

3. Quid tu times à mortali homine judicari? Hodie est, & cras non comparet.

Deum time , & hominum terrores non expavesces.

Quid

Quid potest aliquis in te verbis,  
aut injuriis? Sibi potius nocet,  
quam tibi: nec poterit Judicium Dei  
effugere , quicunque est ille.

Tu habe Deum præ oculis , &  
noli contendere verbis querulosis.

Quòd si ad præsens vidēris suc-  
cumbere , & confusionem pati ,  
quam non meruisti ; ne indigneris  
ex hoc , neque per impatientiam  
minuas coronam tuam.

Sed ad me potius respice in Cæ-  
lum , qui potens sum eripere ab o-  
mni confusione , & injuria , & uni-  
cuiq; reddere secundùm opera sua.

### C A P U T   XXXVII.

*De pura, & integra resignatione sui,  
ad obtainendam cordis libertatem.*

I. D. F **I**lli , relinque te , & inve-  
nies me.

Sta sine electione , & omni pro-  
prietate ; & lucraberis semper.

Nam & adjicitur tibi amplior  
*gratia,*

gratia , statim , ut te resignaveris ,  
nec resumpseris ?

2. S. Domine , quoties me resignabo , & in quibus me relinquam ?

3. D. Semper , & in omni hora ; si-  
cut in parvo , sic & in magno . Ni-  
hil excipio , sed in omnibus te nuda-  
tum inveniri volo .

Alioquin , quomodo poteris es-  
se meus , & ego tuus , nisi fueris ab  
omni propria voluntate intus , &  
foris spoliatus ?

Quantò celerius hoc agis , tantò  
meliùs habebis : & quantò pleniùs ,  
& sinceriùs , tantò mihi plus place-  
bis , & amplius lucraberis .

4. Quidam se resignant , sed cum  
aliqua exceptione : non enim ple-  
nè Deo confidunt ; ideo sibi provi-  
dere satagunt .

Quidam etiam primò totum offe-  
runt ; sed posteà tentatione pulsati ,  
ad propria redeunt : ideo minime

in virtute proficiunt.

Hi ad veram puri cordis libertatem , & jucundæ familiaritatis meæ gratiam non pertingent ; nisi integra resignatione , & quotidiana sui immolatione priùs factâ : sine qua non stat , nec stabit unio fruitiva.

5. Dixi tibi s̄epissimè , & nunc iterum dico : Relinque te , resignate , & fruēris magna interna pace.

Da totum pro toto : nihil exquirere , nihil repete : sta purè , & inhæsitanter in me ; & habebis me.

Eris liber in corde , & tenebræ non concubabunt te.

Ad hoc conare , hoc ora , hoc desiderare stude , ut ab omni proprietate possis expoliari , & nudus nudum Jesum sequi ; tibi mori , & mihi æternaliter vivere.

Tunc deficient omnes vanæ phantasie , conturbationes iniquæ , & curæ superflue.

Tunc

Tunc etiam recedet immoderatus timor, & inordinatus amor morietur.

### CAPUT XXXVII.

*De bono regimine in externis, & recursu ad Deum in periculis.*

I. D. **F**illi, ad istud diligenter tendere debes, ut in omni loco, affectione, & occupatione externa, sis interius liber, & tui ipsius potens, & sint omnia sub te, & tu non sub eis.

Ut sis dominus actionum tuarum, & rector; non servus, nec emptitius.

Sed magis exemptus, verusque Hebreus, in sortem, ac libertatem transiens filiorum Dei.

Qui stant super praesentia, & speculantur aeterna.

Qui transitoria sinistro intuentur oculo, & dextro Cælestia.

Quos temporalia non trahunt ad  
ishæ.

inhærendum, sed trahunt ipsi magis  
ea ad benè seryendum; prout or-  
dinata sunt à Deo, & instituta à  
summo Opifice, qui nihil inordi-  
natum in sua reliquit creatura.

2. Si etiam in omni eventu stas;  
non in apparentia externa, nec  
oculo carnali lustras visa, vel au-  
dita, sed mox in qualibet causa in-  
tras cum Moysē in tabernaculum,  
ad consulendum Dominum; audies  
nonnunquam divinum responsum,  
& redibis instructus de multis præ-  
sentibus, & futuris.

Semper enim Moyses recursum  
habuit ad tabernaculum pro dubiis,  
& quæstionibus solvendis; confu-  
gitque ad Orationis adjutorium,  
pro periculis, & improbitatibus ho-  
minum sublevandis.

Sic & tu confugere debes in cor-  
dis tui secretarium, Divinum inten-  
tius implorando suffragium.

Propterea namque Josue, & filii Israël à Gabaonitis leguntur decepti; quia os Domini prius non interrogaverunt, sed nimium creduli dulcibus sermonibus, falsa pietate delusi sunt.

## CAPUT XXXIX.

*Quod homo non sit importunus in negotiis.*

1. D. **F**ili, committe mihi semper causam tuam; & ego bene disponam in tempore suo.

Expecta ordinationem meam; & senties inde profectum.

2. S. Domine, satis libenter tibi omnes res committo; quia parum potest cogitatio mea proficere.

Utinam non multum adhærerem futuris eventibus, sed ad beneplacitū tuum incunctanter me offerrem!

2. D. Fili, sāpē homo rem aliquam vehementer agitat, quam desiderat; sed, cūm ad eam perverterit

nerit, aliter sentire incipit; quia affectiones circa idem non sunt durabiles, sed magis de uno in aliud impellunt.

Non est ergo minimum, etiam in minimis seipsum relinquere.

3. Verus profectus hominis, est abnegatio sui ipsius: & homo abnegatus, valde liber est, & securus.

Sed antiquus hostis omnibus bonis adversans, à tentatione non cessat: sed diù, noctuque graves molitur insidias, si forte in laqueum deceptionis possit præcipitare incautum.

*Vigilate ergo, & orate, dicit Dominus, ut non intretis in temptationem.*

#### C A P U T   X L .

*Quod homo nihil boni ex se habet;*  
*& de nullo gloriari potest.*

1. S. **D**omine, quid est homo, quod membra ejus; aut filius hominis; quia visitas eum?

Quid

Quid promeruit homo , ut dares  
illi gratiam tuam ?

Domine , quid possum conqueri ,  
si me deseris ? aut quid justè obten-  
dere possum , si quod peto , non  
feceris ?

Certè hoc in veritate cogitare  
possum , & dicere : Domine , nihil  
sum , nihil possum , nihil boni ex me  
habeo ; sed in omnibus deficio , &  
ad nihil semper tendo .

Et , nisi à te fuero adjutus , & in-  
teriorius informatus , totus efficior te-  
pidus , & dissolutus .

2. Tu autem , Domine , semper  
idem ipse es , & permanes in ater-  
num ; semper bonus , justus , & san-  
ctus ; benè , justè , ac sanctè agens  
omnia , & disponens in sapientia .

Sed ego , qui ad defectum sum  
magis pronus , quam ad profectum ,  
non sum semper in uno statu per-  
durans : quia septem tempora mu-  
tantur

tantur super me.

Verumtamen citò melius , fit ;  
 cùm tibi placuerit , & manum por-  
 rexeris adjutricem ; quia tu solus si-  
 ne humano suffragio poteris auxi-  
 liari , & in tantum confirmare , ut  
 vultus meus amplius in diversa non  
 mutetur , sed in te uno cor meum  
 convertatur , & quiescat .

3. Unde , si benè scirem omnem  
 humanam consolationem abjicere ,  
 sive propter devotionem adipiscen-  
 dam , sive propter necessitatem , quâ  
 compellor te quærere ; quia non  
 est homo , qui me consoletur : tunc  
 possem meritò de gratia tua spe-  
 rare , & de dono novæ consolatio-  
 nis exultare .

4. Gratias tibi ago , unde totum  
 venit , quotiescumque mihi benè  
 succedit .

Ego autem vanitas , & nihilum ante  
 te , inconstans homo , & infirmus .

Unde

Unde ergo possum gloriari, aut  
cur appeto reputari?

Numquid de nihilo? & hoc va-  
nissimum est.

Verè inanis gloria, mala pestis,  
vanitas maxima: quia à vera trahit  
gloria, & Cælesti spoliat grat à.

Dum enim homo complacet sibi,  
displacet tibi: dum inhiat laudibus  
humanis, privatur veris virtutibus.

5. Est autem vera gloria, & exulta-  
tio sancta, gloriari in te, & non  
in se; gaudere in nomine tuo, non  
in propria virtute, nec in aliqua  
creatura delectari, nisi propter te.

Laudetur nomen tuum, non me-  
um. magnificetur opus tuum, non  
meum: benedicatur nomen san-  
ctum tuum, nihil autem attribua-  
tur mihi de laudibus hominum.

Tu gloria mea, tu exultatio cor-  
dis mei.

In te gloriabor, & exultabo tota

die ; pro me autem nihil , nisi in infirmitatibus meis.

6. Quærant Judæi gloriam , quæ ab invicem est : ego hanc requiram , quæ à solo Deo est .

Omnis quidem gloria humana , omnis honor temporalis , omnis altitudo mundana , æternæ gloriæ tuae comparata , vanitas est , & stultitia .

O veritas mea , & misericordia mea , Deus meus , Trinitas beata ! tibi soli laus , honor , virtus , & gloria , per infinita sæculorum sæcula .

### CAPUT XLI.

#### *De contemptu omnis temporalis honoris.*

1. D. Filli , noli tibi attrahere , si videas alios honorari , & elevari ; te autē despici , & humiliari .

Erige cor tuum ad me in Cœlum ; & non contristabit te contemptus hominum in terris .

2. S. Domine , in cæcitate sumus :

& va-

& vanitate citò seducimur.

Si rectè me inspicio , nunquam mihi facta est injuria ab aliqua creatura ; unde nec justè habeo conqueri adversum te.

3. Quia autem frequenter , & graviter peccavi tibi , meritò armatur contra me omnis creatura.

Mihi igitur justè debetur confusio , & contemptus ; tibi autem laus , honor , & gloria .

Et , nisi me ad hoc præparavero , quod velim libenter ab omni creatura despici , & relinquī , atque penitus nihil videri , non possum interiorius pacificari , & stabiliri , nec spiritualiter illuminari , neque plenè tibi uniri .

### CAPUT XLII.

*Quod pacem non est ponenda in hominibus.*

2. D. Filli , si ponis pacem tuam cum aliqua persona pro-

per tuum sentire, & convivere, instabilis eris, & impacatus.

Sed si recursum habes ad semper viventem, & manentem veritatem, non contristabit te amicus recedens, aut moriens.

In me debet amici dilectio stare: & propter me diligendus est, quisquis tibi bonus visus est, & multum chris in hac vita.

Sine me non valet, nec durabit amicitia: nec est vera, & munda dilectio, quam ego non copulo.

Ita mortuus debes esse talibus affectionibus dilectorum hominum, ut (quantum ad te pertinet) sine omni humano optares esse consortio.

Tantò homo Deo magis approximat, quanto ab omnij solatio terreno longius recedit.

Tantò etiam altius ad Deum ascendit, quanto profundius in se descendit, & plus sibiipsi vilescit.

s. Qui

2. Qui autem sibi aliquid boni attribuit, gratiam Dei in se venire impedit; quia gratia Spiritus sancti cor humile semper querit.

Si scires te perfectè annihilans, atque ab omni creato amore evacuare, tunc deberem in te cum magna gratia manere.

Sed quando tu respicias ad creaturas, subtrahitur tibi aspectus Creatoris.

Disce te in omnibus propter Creatorem vincere, tunc ad divinam valebis cognitionē pertingere.

Quantumcunque modicum sit, si inordinate diligitur, & respicitur, retardat à summo bono, & viciat.

### CAPUT XLIII.

*Contra vanam, & seculararem scientiam.*

1. D. Flli, non te moveant pulchra, & subtilia hominum dilecta. Non enim est Regnum Dei in

370 DE IMITATIONE  
sermone, sed in virtute.

Attende verba mea , quæ corda  
accendunt , & mentes illuminant ;  
inducunt compunctionem , & ve-  
ram ingerunt consolationem.

Nunquam ad hoc legas verbum ,  
ut doctior , aut sapientior possis vi-  
deri.

Stude mortificationi vitiorum ;  
quia hoc amplius tibi proderit ,  
quam notitia multarum difficultum  
questiōnum.

2. Cūm multa legeris , & cognō-  
veris , ad unum tamen oportet ve-  
nire principium.

Ego sum , qui doceo hominem  
scientiam : & clariorem intelligen-  
tiam parvulis tribuo , quam ab ho-  
mine possit doceri .

Cui ego loquor , citò sapiens eris  
& multum in spiritu proficiet .

Vx eis , qui multa curiosa ab  
hominibus inquirunt , & de via  
mihi

mihi serviendi parum curant.

Veniet tempus, quando apparet  
bit Magister magistrorum Christus,  
Dominus Angelorum, cunctorum  
auditurus lectiones, hoc est, singu-  
lorum examinaturus conscientia.

Et tunc scrutabitur Jerusalem n  
lucernis; & manifesta erunt abscon-  
dita tenebrarum; tacebuntque ar-  
gumenta linguarum.

3. Ego sum, qui humilem in  
puncto elevo mentem; ut plures  
æternæ veritatis capiat rationes,  
quam, si quis decem annis studuis-  
set in scholis.

Ego doceo sine strepitu verbo-  
rum, sine confusione opinionum,  
sine fastu honoris, sine pugnacione  
argumentorum.

Ego sum, qui doceo, terrena de-  
spicere, præsentia fastidire, æterna  
quarerere, æterna sapere, honores  
fugere; scandala sufferre, omnem

spem in me ponere , extra me nihil  
cupere , & super omnia me arden-  
ter amare.

4. Nam quidam , amando me in-  
timè , didicit divina , & loquebatur  
mirabilia.

Plùs profecit in relinquendo o-  
mnia , quàm in studendo subtilia.

Sed aliis loquor communia , aliis  
specialia : aliquibus in signis , & figu-  
ris dulciter appareo , quibusdam ve-  
rò in multo lumine revelo mysteria.

Una vox librorum , sed non o-  
mnes æquè informat ; quia intùs  
sum doctor veritatis , scrutator cor-  
dis , cogitationum intellector , acti-  
onum promotor , distribuens sin-  
gulis , sicut dignum judicavero .

#### CAPUT XLIV.

*De non attrabendo sibi res exete-  
riores.*

¶. D. **F**illi , in multis oportet te  
esse inscius , & æstimare  
te ,

te tanquam mortuum super terram,  
& cui totus mundus crucifixus sit.

Multa etiam oportet surda aure  
pertransire , & quæ tuæ pacis sunt,  
magis cogitare.

Utilius est oculos à rebus dispi-  
centibus avertere , & unicuique su-  
um sentire relinquere , quàm con-  
tentiosis sermonibus deservire.

Si benè steteris cum Deo , & ejus  
judicium aspiceris , faciliùs te vi-  
ctum portabis.

2. S. O Domine , quousque ve-  
nimus ! Ecce damnum deflectur tem-  
porale : pro modico quæstu labo-  
ratur , & curritur ; & spirituale de-  
trimentum in oblivionem transit ,  
& vix serò recogitatur.

Quod parùm , vel nihil prodest ,  
attenditur ; & , quod summè ne-  
cessarium est , negligenter præteri-  
tur ; quia totus homo ad externa  
defluit ; & nisi citò resipiscat , libens

in exterioribus jacet.

## CAPUT XLV.

*Quod omnibus non est credendum:  
& de facili laſu verborum.*

1. S. **D**a mihi auxilium, Domine, de tribulatione; quia  
vana salus hominis.

Quam ſæpè ibi non inveni ſi-  
dem, ubi me habere putavi?

Quoties etiam ibi reperi, ubi mi-  
nus præsumpsi?

Vana ergo ſpes in hominibus;  
Salus autem iuſtorum in te Deus.

Benedictus ſis, Dñe Deus meus,  
in omnibus, quæ accidunt nobis.

Infirmi ſumus, & instabiles, ci-  
tò fallimur, & permutamur.

2. *Quis est homo, qui ita cautè  
& circumſpectè in omnibus ſe cu-  
ſtodiſ valet, ut aliquando in ali-  
quam deceptiōnem, vel perplexi-  
tatem non veniat?*

Sed qui in te, Domine, confidit,

ac simplici te corde querit, non tam facile labitur.

Etsi inciderit in aliquam tribulationem, quocunq; modo fuerit etiam implicatus, citius per te eruetur, aut a te consolabitur; quia tu non deseres in te sperantem usque in finem.

Rarus fidus amicus, in cunctis amici perseverans pressuris.

Tu, Domine, tu solus es fidelissimus in omnibus; & praeter te non est alter talis.

3. O quam bene sapuit sancta illa anima, quae dixit: Mens mea solidata est, & in Christo fundata.

Si ita mecum foret, non tam facilè timor humanus me solicitaret; nec verborum jacula moverent.

Quis omnia prævidere, quis præcavere futura mala sufficit?

Si prævisa sœpè etiam lèdunt, quid improvisa, nisi graviter seriunt?

Sed , quare mihi misero non  
meliūs providi ? Cur etiam tam fa-  
cile aliis credidi ?

Sed homines sumus ; nec aliud,  
quām fragiles homines sumus, eti-  
amsi Angeli à multis æstimamur,  
& dicimur.

Cui credam, Domine ? cui, nisi  
tibi ? Veritas es, quæ non fallis.  
nec falli potes.

*Omnis homo mendax, infirmus, in-  
stabilis, & labilis, maximè in verbis,  
ita, ut statim vix credi debeat, quod  
rectum in facie sonare videtur.*

4 Quām prudenter præmonuisti,  
cavendum ab hominibus ; & quia  
*inimici hominis, domestici ejus;* nec  
credendum , si quis dixerit ; *Ecce  
hic, aut ecce illie.*

Doctus sum damno meo , & uti-  
nam ad cautelam majorem, & non  
ad insipientiam mihi !

Cautus esto ( ait quidam ) cau-

tus esto; serva apud te, quod dico.  
Et , dum ego non sileo , & abscon-  
ditum credo , nec ille silere potest,  
quod silendum petiit , sed statim  
prodit me , & se ; & abiit.

Ab hujusmodi fabulis , & incau-  
tis hominibus protege me , Domi-  
ne ; ne in manus eorum incidam ,  
nec unquam talia committam.

Verbum verum , & stabile da in  
os meum ; & linguam callidam lon-  
gè fac à me.

Quod pati nolo , omnimodè ca-  
vere debeo.

5. O quam bonum , & pacificum  
de aliis silere , nec indifferenter o-  
mnia credere , neque de facili ulte-  
riùs effari !

Paucis scipsum revelare , te sem-  
per inspectorem cordis querere !

Nec omni vento verborum cir-  
cumferri ; sed omnia intima , & ex-  
terna , secundum beneplacitum tuæ

Quām tutum pro conservatione  
Cœlestis gratiæ, humanam fugere  
apparentiam, nec appetere, quæ fo-  
ris admirationem videntur præbe-  
re; sed ea totâ sedulitate sectari,  
quæ vitæ emendationem dant, &  
fervorem!

Quām multis nocuit virtus scita,  
ac præproperè laudata!

Quām sanè profuit gratia, silen-  
tio servata in hac fragili vita, quæ  
tota tentatio fertur, & militia!

#### CAPUT XLVI.

*De confidentia in Deo habenda,*  
*quando insurgunt verborum ja-*  
*cula.*

i. D. Fili, sta firmiter, & spera  
in me. Quid enim sunt  
verba, nisi verba?

Per aërem volant; sed lapidem  
non lœdunt.

Si reus es; cogita, quod libenter  
amen-

emendarē te velis : si nihil tibi conscientius es ; pensa , quod velis libenter pro Deo hoc sustinere.

Parūm satis est , ut vel verba interdum sustineas , qui necdum fortia verbera tolerare vales.

Et quare tam parva tibi ad cor transeunt , nisi , quia adhuc carnalis es , & homines magis , quam oportet , attendis ?

Nam , quia despici metuis , reprehendi pro excessibus non vis , & excusationum umbracula queris .

2. Sed inspice te melius : & agnoscet ; quia vivit adhuc in te mundus , & vanus amor placendi hominibus .

Cum enim quassari refugis , & confundi pro defectibus , constat utique , quod nec vere humili sis , nec vere mundo mortuus , nec mundus tibi crucifixus .

Sed audi verbum meum ; & non  
cura-

curabis decem millia verba hominum.

Ecce, si cuncta contra te dicarentur, quæ singi malitiosissime possent; quid tibi noceret, si omnino transire permetteres, nec plus quam festucam perpenderes? Numquid vel unum capillum tibi extrahere possent?

3. Sed, qui cor intus non habet, nec Deum præ oculis, faciliter verbo movetur vituperationis.

Qui autem in me confidit, nec proprio judicio stare appetit, absq; humano terrore erit.

Ego enim sum Iudex, & cognitor omnium secretorum: ego scio, qualiter res acta est; ego injuriantem novi, & sustinentem.

A me exiit verbum istud: me permittente, hoc accidit; ut relevantur ex multis cordibus cogitationes.

Ego

Ego reum , & innocentem judi-  
cabo ; sed occulto judicio utrum-  
que antè probare volui.

4. Testimonium hominum sàpè  
fallit : meum judicium verum est;  
stabit , & non subvertetur.

Latet plerumque , & paucis ad sin-  
gula patet : nunquam tamen errat,  
nec errare potest , etiamsi oculis in-  
sipientium non rectum videatur.

Ad me ergo recurrendum est in  
omni judicio , nec proprio inniten-  
dum arbitrio.

*Justus enim non conturbabitur,*  
*quidquid à Dño ei acciderit. Etiam si*  
*injustè aliquid contra eum prola-  
tum fuerit , non multum curabit.*

Sed nec vanè exultabit , si per a-  
lios rationabiliter excusetur.

Pensat namque ; quia ego sum  
scrutans corda , & renes , qui non  
judico secundùm faciem , & huma-  
nam apparentiam.

Nam sàpè in oculis meis reperi-  
tur culpabile, quod hominum ju-  
dicio creditur laudabile.

S. Domine Deus, Judex juste,  
fortis, & patiens, qui hominum  
nôsti fragilitatem, & pravitatem!  
csto robur meum, & tota fiducia  
mea: non enim mihi sufficit con-  
scientia mea.

Tu nôsti, quod ego non novi:  
& ideo in omni reprehensione hu-  
miliare me debeo, & mansuetè su-  
stinere.

Ignosce quoque mihi propitius,  
quories sic non egı: & dona ite-  
rum gratiam amplioris sufferentia.

Melior est enim mihi tua copi-  
osa misericordia, ad consecutionem  
indulgentiæ, quàm mea opinata ju-  
stitia, pro defensione latentis con-  
scientiæ.

Etsi nihil mihi conscientius sum, tamē  
in hoc justificare me non possum:  
quia

quia remotâ misericordiâ tuâ , non  
justificabitur in conspectu tuo e-  
nnis vivens.

## CAPUT XLVII.

*Quod omnia gravia pro aeterna vita  
sunt toleranda.*

1. D. **F**illi , non te frangant labo-  
res , quos assumpsisti pro-  
pter me ; nec tribulationes te dejis-  
ciant usquequaque ; sed mea pro-  
missio in omni eventu te roboret ,  
& consoletur .

Ego sufficiens sum ad reddendum  
supra omnem modum . & mensuram .

Non diù hic laborabis ; nec  
semper gravaberis doloribus .

Expecta paulisper ; & videbis ce-  
lerem finem malorum .

Veniet una hora , quando cessabit  
omnis labor , & tumultus .

Modicum est , & breve , omne ,  
quod transit cum tempore .

2. Age , ergo quod agis : fideliter  
labora

labora in vinea mea; ego ero merces tua.

Scribe, lege, canta, gemitu, tace, ora; sustine viriliter contraria: digna est his omnibus, & majoribus præliis vita æterna.

Veniet pax in die una, quæ nota est Domino: & erit non dies, neque nox, hujus scilicet temporis; sed lux perpetua, claritas infinita, pax firma, & requies secura.

Non dices tunc: *Quis me liberabit de corpore mortis hujus?* Neque clamabis: *Heu mibi, quia incolatus meus prolongatus est!* quoniam præcipitabitur mors, & salus erit indeficiens; anxietas nulla, jucunditas beata, societas dulcis, & delectora.

3. O si vidisses Sanctorum in Cælo coronas perpetuas, quantâ quoque nunc exultant gloriâ, qui huic mundo olim contemptibiles, & qua-

& quasi vitâ ipsâ indigni putabantur ; profectò te statim humiliares usque ad terram , & affectares potius omnibus subesse , quâm uni præesse .

Nec hujus vitæ lætos dies concupisceres , sed magis pro Deo tribulari gauderes : & ipro nihilo inter homines computari , maximum lucrum duceres .

4. O, si tibi hæc saperent , & profundè ad cor transirent ; quomodo auderes vel semel conqueri ?

Nónne pro vita æterna , cuncta laboriosa sunt toleranda ?

Non est parvum quid , perdere , aut lucrari Regnum Dei .

Leva igitur faciem tuam in Cælum . Ecce ego , & omnes Sancti mei mecum , qui in hoc sæculo magnum habuere certamen , modò gaudent , modò consolantur , modò securi sunt , modò requiescent ,

&amp; fine

& sine fine mecum in Regno Patris  
mei permanebunt.

## CAPUT XLVIII.

*De die aeternitatis, & bujus vitæ  
angustiis.*

1. S. **O** Supernæ civitatis mansio  
beatissima ! O dies ater-  
nitatis clarissima ! quam nox non  
obscurat, sed summa veritas sem-  
per irradiat ; dies semper lœta, sem-  
per secura, & nunquam statum  
mutans in contraria !

O utinam dies illa illuxisset, &  
euncta hæc temporalia finem acce-  
pissent !

Lucet quidem Sanctis, perpetua  
claritate splendida ; sed non nisi à  
longè, & per speculum peregrin-  
antibus in terra.

2. Nōrunt Cæli cives, quām  
gaudiosa sit illa : gemunt exules fi-  
lii Evæ, quòd amara, & tædiosa  
sit ista.

Dies hujus temporis pauci, & mali, pleni doloribus, & angustiis.

Ubi homo multis peccatis inquinatur, multis passionibus irritetur, multis timoribus stringitur, multis curis distenditur, multis curiositatibus distrahitur, multis vanitatibus implicatur, multis erroribus circumfunditur, multis laboribus atterritur, temptationibus gravatur, deliciis enervatur, egestate cruciatur.

3. O, quando finis horum malorum! quando liberabor à misera servitute vitiorum! quando memorabor, Domine, tui solius! quando ad plenum lætabor in te!

Quando ero sine omni impedimentoo in vera libertate, sine omni gravamine mentis, & corporis!

Quando erit pax solida, pax imperturbabilis, & secura, pax intus, & foris, pax ab omni parte firma!

Jesu bone, quando stabo ad vindendum

dendum te ! quando contemplabo  
gloriam Regni tui ! quando eris  
mihi omnia in omnibus !

O quando ero tecum in Regno  
tuo , quod præparasti dilectis tuis  
ab æterno ?

Relictus sum pauper , & exul in  
terra hostili , ubi bella quotidiana ,  
& infortunia maxima.

4. Consolare exilium meum, mi-  
tiga dolorem meum ; quia ad te  
suspirat omne desiderium meum.

Nam onus mihi totum est, quid-  
quid hic mundus offert ad solatium.

Desidero te intimè frui ; sed ne-  
queo apprehendere.

Opto , inhærere Cælestibus ; sed  
deprimunt res temporales , & im-  
mortificatæ passiones.

Mente omnibus rebus superesse  
volo ; carne autem invitè subesse  
cogor.

Sic ego homo infelix mecum pu-  
gno ,

gnō , & factus sum mihi metip̄si gravis , dum spiritus sursum , & caro quærit esse deorsum .

5. O , quid int̄us patior , dum mente Cælestia tracto , & mox carnarium turba occurrit oranti ! Deus meus , ne elongeris à me , neque declines in ira à servo tuo .

Fulgura coruscationem tuam , & dissipa eas : emitte sagittas tuas , & conturbentur omnes phantasie inimici .

Recollige sensus meos ad te : fac me oblivious omnium mundanorum : da citò abjicere , & contemnere phantasmata vitiorum .

Succurre mihi , æterna Veritas , ut nulla me moveat vanitas .

Adveni . Cælestis suavitas ; & fugiat à facie tua omnis impuritas .

Ignosce quoque mihi , & misericorditer indulge , quoties præter te aliud in Oratione revolvo .

Consiteor etenim verè; quia valdè distractè me habere consuevi.

Nam ibi multoties non sum, ubi corporaliter sto, aut sedeo; sed ibi magis sum, quò cogitationibus feror.

Ibi sum, ubi cogitatio mea est. Ibi est frequenter cogitatio mea, ubi est, quod amo.

Hoc mihi citò occurrit, quod naturaliter delectat, aut ex usu placet.

6. Unde tu, Veritas, apertè dixisti: *Ubi enim est thesaurus tuus, ibi est & cor tuum.*

Si Cælum diligo; libenter de Cælestibus penso.

Si mundum amo; mundi felicitatibus congaudeo, & de adversitatibus ejus tristor.

Si carnem diligo; quæ carnis sunt, sàpè imaginor.

Si spiritum amo; de spiritualibus cogitare delector.

Quaecumque enim diligo, de his  
libenter loquor, & audio, atque  
taliū imagines mecum ad domum  
reporto.

Sed beatus ille homo, qui pro-  
pter te, Domine, omnibus creatu-  
ris licentiam abeundi tribuit; qui  
naturæ vim facit, & concupisces-  
tias carnis fervore spiritus crucifi-  
git; ut, serenatâ conscientiâ, puram  
tibi Orationem offerat, dignusque  
sit Angelicis interesse Choris, omni-  
bus terrenis foris, & intus exclusis.

### C A P U T    XLIX.

**D**e desiderio æternæ vitæ: & quan-  
ta sint certantibus bona promissa.

**I. D.** Flli, cùm tibi desiderium  
æternæ beatitudinis desu-  
per infundi sentis, & de tabernacu-  
lo corporis exire concupiscis, ut  
claritatem meam sine vicissitudinis  
umbra contemplari possis, dilata  
tor tuum, & omni desiderio hanc

Redde amplissimas supernæ bonitati gratias, quæ tecum sic dignanter agit, clementer visitat, ardenter excitat, potenter sublevat, ne proprio pondere ad terrena labaris.

Neque enim hoc cogitatu tuo, aut conatu accipis, sed sola dignatione supernæ gratiæ, & divini respectus; quatenus in virtutibus, & majori humilitate proficias, & ad futura certamina te præpares, mihiique toto cordis affectu adhædere, ac ferventi voluntate studeas deservire.

2. Fili, sæpè ignis ardet; sed sine fumo flamma non ascendit.

Sic & aliquorum desideria ad Cælestia flagrant; & tamen à tentatione carnalis affectus liberi non sunt.

Idcirco nec omnino purè pro honore

honore Dei agunt, quod tam desideranter ab eo petunt.

Tale est & tuum sèpè desiderium, quod insinuasti esse tam importunum.

Non enim est hoc purum, & perfectum, quod propria commoditate est infectum.

3. Pete, non quod tibi est delectabile, & comodum, sed quod mihi est acceptabile, atq; honorificum: quia, si rectè judicas, meam ordinacionem tuo desiderio, & omnij desiderato præferre debes, ac sequi.

Novi desiderium tuum, & frequentes gemitus audivi.

Jam velles esse in libertate gloriæ filiorum Dei; jam te delectat domus æterna, & Cælestis patria, gaudio plena: sed nondum venit hora ista: sed est adhuc aliud tempus, scilicet tempus belli, tempus laboris, & probacionis.

Optas summo repleri bono ; sed non potes hoc assequi modò.

Ego sum : expecta me (dicit Dominus) donec veniat Regnum Dei.

4. Probandus es adhuc in terris , & in multis exercitandus.

Consolatio tibi interdum dabitur ; sed copiosa satietas non concedetur.

Confortare igitur , & esto robustus , tam in agendo , quam in patiendo naturæ contraria.

Oportet te novum induere hominem , & in alterum virum mutari.

Oportet te sèpè agere , quod non vis ; & quod vis , oportet relinquere.

Quod aliis placet , processum habebit : quod tibi placet , ultrà non proficiet.

Quod alii dicunt , audiatur ; quod tu dicis , pro nihilo computabitur. Petent alii , & accipient ; tu petes , nec impetrabis.

5. Erunt alii magni in ore hominum ; de te autem tacebitur.

Aliis hoc , vel illud co[n]mittetur ; tu autem ad nihil utilis judicaberis.

Propter hoc natura quandoque contristabitur; & magnum certamen sustinebit : sed magnum bonum inde consequeris , si silens portaveris.

In his , & similibus multis , probari solet fidelis Domini servus ; qui se abnegare , & in omnibus frangere quærit.

Vix est aliquid tale , in quo tantum mori indiges , sicut in non videri , & pati , quæ voluntati tuae adversa sunt : maximè autem , cùm disconvenientia , & quæ minus utilia tibi apparent , fieri jubentur.

Et , quia non audes resistere alteri potestati , sub dominio constitutus ; ideo durum tibi videtur , ad nutum alterius ambulare , & omne proprium sentire omittere.

. 6. Sed pensa, fili, horum fructum laborum, celerem finem, atque præmium nimis magnum; & non habebis inde gravamen, sed fortissimum patientiæ tuæ solamen.

Nam & pro modica hac voluntate, quam nunc sponte deseris, habebis semper voluntatem tuam in Cælis.

Ibi quippe iaveneris omne, quod volueris; omne, quod desiderare potes.

Ibi aderit tibi totius facultas boni, sine timore amittendi.

Ibi voluntas tua, una semper mecum, nihil cupiet extraneum, vel privatum.

Ibi nullus resistet tibi, nemo de te conqueretur, nemo impediet, nihil obviabit: sed cuncta desiderata simul erunt præsentia, totumque affectum tuum reficient, & adimplent usque ad summum.

Ibi reddam gloriam, pro contumelia perpesla; pallium laudis, pro mœrore; pro loco novissimo, semper Regni in sæcula.

Ibi apparebit fructus obedientiæ, gaudebit labor pénitentiæ, & humiliis subjectio coronabitur gloriose.

7. Nunc ergo inclina te humiliter sub omnium manibus: nec sit tibi curæ, quis hoc dixerit, vel jussérit.

Sed hoc magnoperè curato, ut, sive Prælatus, seu minor, aut æqualis, aliquid à te poposcerit, vel innuerit, pro bono totum accipias, & sincera voluntate studeas adimplere.

Quærat aliis hoc, aliis illud; gloriatur ille in illo, & iste in isto, laudeturque millies mille: tu autem nec in isto, nec in illo, sed in tuiipsius gaude contemptu, & in mei solius beneplacito, ac honore.

Hoc optandum est tibi, ut, sive per vitam, sive per mortem, Deus

## CAPUT L.

*Qualiter homo desolatus se debet in  
manus Dei offerre.*

I. D. **D**omine Deus, sancte Pa-  
ter, sis nunc, & in ater-  
num benedictus: quia, sicut vis, sic  
factum est: &, quod facis, bo-  
num est.

Lætetur in te servus tuus, non  
in se, nec in aliquo alio: quia tu  
solus lætitia vera, tu spes mea, &  
corona mea, tu gaudium meum,  
& honor meus, Domine.

Quid habet servus tuus, nisi quod  
a te accepit, etiam sine merito suo?

Tua sunt omnia, quæ dedisti,  
& quæ fecisti.

*Pauper sum, & in laboribus à  
juventute mea: & contristatur a-  
nima mea nonnunquam usque ad  
lacrymas; quandoque etiam con-  
turbatur a se propriæ imminentes  
passiones.*

passiones.

2. Desidero pacis gaudium: pacem filiorum tuorum flagito, qui in lumine consolationis à te pascuntur.

Si das pacem, si gaudium sanctum infundis, erit anima servi tui plena modulatione, & devota in laude tua.

Sed, si te substraxeris, sicut sāpisimè soles, non poterit currere viam mandatorum tuorum; sed magis ad tundendum pectus genua ejus incurvantur: quia non est illi, sicut heri, & nudiustertius, quando splendebat lucerna tua super caput ejus, & sub umbra alarum tuarum protegebatur à temptationibus irruentibus.

3. Pater juste, & semper lantande! venit hora, ut probetur servus tuus.

Pater amande! dignum est, ut hac hora patiatur pro te aliquid

se. vus tuus.

Pater perpetuè venerande! venit  
hora , quam ab æteruo præsciebas  
affutatam ; ut ad modicum tempus  
succumbat foris servus tuus ; vivat  
verò semper apud te intùs.

Paululùm vilipendatur , humili-  
tur , & deficiat coram hominibus ,  
passionibus conteratur , & languo-  
ribus ; ut iterum tecum in aurora  
novæ lucis resurgat , & in Cælesti-  
bus clarifietur.

Pater sancte ! tu sic ordinâsti , &  
sic voluisti : & hoc factum est ,  
quod ipse præcepisti.

4. Hæc est enim gratia ad ami-  
cum tuum, pati , & tribulari in mun-  
do pro amore tuo, quotiescumque,  
& à quocunque , & quomodocun-  
que id permiseris fieri.

Sine consilio , & providentia tua,  
& sine causa , nihil fit in terra.

*Bonum mihi , Domine , quod hu-  
mili-*

6. Ecce, Pater dilecte, in manibus tuis sum ego: sub virga correctionis tuæ me inclino.

Percute dorsum meum, & collum meum, ut incurvem ad voluntatem tuam, tortuositatem meam.

Fac me pium, & humilem discipulum, sicut bene facere consuevi-  
sti, ut ambulem ad omnem nutum tuum.

Tibi me, & omnia mea, ad corrigendum commendo: melius est hic corripi, quam in futuro.

Tu scis omnia, & singula, & nihil te latet in humana conscientia.

Antequam fiant, nosti ventura;  
& non opus est tibi, ut quis te doceat, aut admoneat de his, quæ geruntur in terra.

Tu scis, quid expedit ad profectum meum, & quantum deservit tribulatio ad rubiginem vitiorum purgandam.

miliasti me; ut discam justificatio-  
nes tuas, & omnes elationes cordis,  
atque presumptiones abjeciam.

Utile mihi, quod confusio coo-  
peruit faciem meam; ut te potius,  
quam homines, ad consolandum  
requiram.

Didici etiam ex hoc, inscrutabi-  
le judicium tuum expavescere: qui  
affligis justum cum impio, sed non  
sine æquitate, & justitia.

5. Gratias tibi ago; quia non pe-  
percisti malis meis, sed attrivisti  
me verberibus amaris, infligens  
dolores, & immittens angustias fo-  
ris, & intus.

Non est, qui me consoletur, ex  
omnibus, qua sub Cælo sunt, nisi tu,  
Domine Deus meus, Cælestis medi-  
cus animarum: qui percutis, & sa-  
nas, deducis ad inferos, & reducis.

Disciplina tua super me, & virga  
tua, ipsa me docebit. Tob. 13. Ps. 14.

Fac mecum desideratum beneplacitum tuum , & ne despicias peccaminosam vitam meam, nulli melius, nec clarius , quam tibi soli notam.

7. Da mihi , Domine , hoc scire quod sciendum est ; hoc amare , quod amandum est ; hoc laudare , quod tibi summè placet ; hoc reputare , quod tibi pretiosum apparet ; hoc vituperare , quod oculis tuis profordescit.

Non me sinas secundùm visionem oculorum exteriorum judicare , neque secundùm auditum aurium hominum imperitorum sententiare ; sed in judicio vero de invisibilibus , & spiritualibus discerne re , atque super omnia voluntatem beneplaciti tui semper inquirere.

8. Falluntur sàpè hominum sensus in judicando : falluntur & amatores facili , visibilia tantummodo amando.

Quid

**Quid est homo inde melior, quia  
reputatur ab homine major?**

Fallax fallacem, vanus vanum,  
cæcus cæcum, infirmus infirmum  
decipit, dum exaltat; & veraciter  
magis confundit, dum inaniter  
laudat.

Nam, quantum unusquisque est  
in oculis tuis, tantum est, & non  
amplius, ait humilis sanctus Fran-  
ciscus.

### CAPUT LI.

*Quod hamilibus insistendum est ope-  
ribus, cum deficitur à summis.*

I. D. **F**illi, non vales semper in  
ferventiori desiderio vir-  
tutum stare, nec in altiori gradu  
contemplationis consistere: sed ne-  
cessé habes interdum, ob origina-  
lem corruptelam, ad inferiora de-  
scendere; & onus corrupibilis vi-  
ta, etiam invitus, & cum tædio  
portare.

Quam

Quamdiù mortale corpus geris,  
tædium senties, & gravamen cordis.

Oportet ergo sæpè in carne de  
carnis onere gemere ; etò, quòd  
non vales spiritualibus studiis , &  
Divinæ contemplationi indefinen-  
ter inhærere.

2. Tunc expedit tibi, ad humilia,  
& exteriora opera configere , & in  
bonis actibus te recreare ; adven-  
tum meum , & supernam visitatio-  
nem firmâ confidentiâ expectare ;  
exilium tuum , & ariditatem men-  
tis patienter sufferre , donec iterum  
à me visiteris , & ab omnibus anx-  
ietatibus libereris.

Nam faciam , te laborum obli-  
isci , & interna quiete perfici.

Expandam coram te prata Scri-  
pturarum; ut dilatato corde, currere  
incipias viam mādatorum meorum.

Et dicas: Non sunt condignæ paſ-  
fiones bujus temporis ad futuram

*gloriam, quæ revelabitur in nobis.*

## CAPUT LI.

*Quod homo non reputet se consolati-  
one dignum, sed magis verbe-  
ribus.*

I. S. **D**omine, non sum dignus  
consolatione tua, nec a-  
liqua spirituali visitatione: & ideo  
justè mecum agis, quando me in-  
opem, & desolatum relinquis.

Si enim ad instar maris lacrymas  
fundere possem, adhuc consolatio-  
ne tua dignus non essem.

Unde nihil magis dignus sum,  
quam flagellari, & puniri; quia gra-  
viter, & sàpè te offendì, & in multis  
valdè deliqui.

Ergo, vera pensata ratione, nec  
minima sum dignus consolatione.

Sed tu, clemens, & misericors  
Deus, qui non vis perire opera tua,  
ad ostendendum divitias bonitatis  
tuæ in vasa misericordiæ, etiam  
præ-

præter omne proprium meritum  
dignaris consolari servum tuum su-  
pra humanum modum.

Tuæ enim consolationes non  
sunt, sicut humanæ confabulationes.

2. Quid egi, Domine, ut mihi  
conferres aliquam Cælestem conso-  
lationem?

Ego nihil boni me egisse recolo;  
sed semper ad vitia pronum, & ad  
emendationem pigrum fuisse.

Verum est, & negare non possum.  
Si aliter dicerem, tu stares contra  
me, & non esset, qui defenderet.

Quid merui pro peccatis meis,  
nisi Infernum, & ignem æternum?

In veritate confiteor; quoniam  
dignus sum omni ludibrio, & con-  
temptu; nec decet me inter tuos  
devotos commorari.

Et, licet hoc ægrè audiam, ta-  
men adversùm me, pro veritate,  
peccata mea arguam, ut facilius  
mife-

misericordiam tuam merear impre-  
trare.

3. Quid dicam recus, & omni  
confusione plenus?

Non habeo os loquendi, nisi hoc  
tantum verbum: Peccavi, Domine,  
peccavi: miserere mei; ignosce mihi.

Sine me paululum, ut plangam  
dolorem meum; antequam vadam ad  
terram tenebrosum, & opertam  
mortis caligine.

Quid tam maximè à reo, & mi-  
sero peccatore requiris, nisi, ut  
conteratur, & humiliet se pro de-  
lictis suis?

In vera contritione, & cordis  
humiliatione, nascitur spes veniae,  
reconciliatur perturbata conscienc-  
tia, reparatur gratia perdita, tutus  
fit homo à futura ira; & occur-  
runt sibi mutuò, in osculo sancto,  
Deus, & paenitens anima.

4. Humilis peccatorum contritio,

acce-

acceptabile tibi est, Domine, sa-  
crificium; longè suaviùs odorans  
in conspectu tuo, quam thuris in-  
censum.

Hoc est gratum etiam unguen-  
tum, quod sacris pedibus tuis infun-  
di voluisti: quia cor contritum,  
& humiliatum nunquam despexit.

Ibi est locus refugii à facie iræ  
inimici. Ibi emundatur, & ablui-  
tur, quidquid aliunde contractum  
est, & inquinatum.

### CAPUT LIII.

*Quod gratia Dei non miscetur  
terrena sapientibus.*

I. D. **F**illi, pretiosa est gratia mea;  
non patitur se misceri ex-  
traneis rebus, nec consolationibus  
terrenis.

Abjicere ergo oportet omnia im-  
pedimenta gratiæ, si optas ejus in-  
fusionem suscipere.

Pete secretum tibi; ama solus  
habio.

habitare tecum; nullius require  
confabulationem: sed magis ad  
Deum devoutam effunde precem, ut  
compunctam teneas mentem, &  
puram conscientiam.

Totum mundum nihil aestima:  
Deo vacare omnibus exterioribus  
antepone.

Non enim poteris mihi vacare,  
& in transitoriis pariter delectari.

A notis, & à charis amicis opor-  
tet elongari, & ab omni temporali  
solatio mentem tenere privatam.

Sic obsecrat B. Apostolus Petrus,  
ut *tamquam advenas, & peregrinos*  
in hoc mundo se contineant Christi  
fideles. (Pet. 2.)

2. O quanta fiducia erit moritu-  
ro, quem nullius rei affectus deti-  
net in mundo!

Sed sic segregatum cor habere ab  
omnibus, æger necedum capit ani-  
mus; nec animalis homo novit in-  
ter*ter*

terni hominis libertatem.

Attamen , si verè velit esse spiritualis , oportet eum renuntiare tam remotis , quām propinquis ; & à nemine magis cavere , quām à seipso .

Si temetipsum perfectè viceris , cetera facilius subjugabis .

Perfecti namq; victoria est , de semetipso triumphare .

Qui enim semetipsum subiectum tenet , ut sensualitas rationi , & ratio in cunctis obediat mihi , hic verè victor est sui , & dominus mundi .

3. Si ad hunc apicem scandere gliscis , oportet viriliter incipere , & securim ad radicem ponere , ut evellas , & destruas occultam inordinatam inclinationem ad te ipsum , & ad omne privatum , & materiale bonum .

Ex hoc vitio , quòd homo semetipsum nimis inordinatè diligit , pàtè totum pendet , quidquid radicabiles

liter vincendum est: quo devicto,  
& subacto malo, pax magna, &  
tranquillitas erit continuò.

Sed, quia pauci sibiipsis perfectè  
mori laborant, nec plenè extra se  
tendunt, propterea in se implicati  
remanent, nec supra se in spiritu  
elevari possunt.

Qui autem liberè mecum am-  
bulare desiderat, necesse est, ut o-  
mnes pravas, & inordinatas affe-  
ctiones suas mortificet, atque nulli  
creatüræ, privato amore, concu-  
pitcenter inhæret.

## CAPUT LIV.

De diversis motibus Naturæ, &  
Gratiæ.

I. D. Flli, diligenter adverte mo-  
tus Naturæ, & Gratiæ;  
quia valdè contrariè, & subtiliter  
moventur: & vix, nisi à spirituali,  
& intimè illuminato homine, dis-  
cernuntur.

Omnis quidem bonum appetunt,  
& aliquid boni in suis dictis, vel fa-  
ctis prætendunt ; ideo sub specie  
boni multi fallantur.

2. Natura callida est, & multos tra-  
hit, illaqueat, & decipit, & se sem-  
per pro fine habet.

Sed Gratia simpliciter ambulat,  
ab omni specie mali declinat, fal-  
lacias non prætendit, & omnia pu-  
rè propter Deum agit, in quo &  
finaliter requiescit.

3. Natura enim non vult mori,  
nec premi, nec superari, nec sub-  
esse, nec sponte subjugari.

Gratia verò studet mortificationi  
propriæ, resistit sensualitati : querit  
subjici, appetit vinci, nec propria  
vult libertate fungi : sub disciplina  
amat teneri, nec alicui cupit domi-  
nari ; sed sub Deo semper vivere,  
stare, & esse ; atque propter Deum  
omni, humanæ creaturæ humiliter

parata est inclinari.

4. Natura pro suo commodo laborat; & quid lucri ex alio sibi proveniat, attendit.

Gratia autem, non quid sibi utile, & commodum sit, sed, quod multis proficiat, magis considerat.

5. Natura libenter honorem, & reverentiam accipit.

Gratia verò omnem honorem, & gloriam Deo fideliter attribuit.

6. Natura confusionem timet, & contemptum.

Gratia autem gaudet pro nomine Jesu pati contumeliam.

7. Natura otium amat, & quietem corporalem.

Gratia verò vacua esse non potest, sed libenter amplectitur laborem.

8. Natura querit habere curiosa, & pulchra; & abhorret vilia, & grossa.

Gratia verò simplicibus delectatur,

tur, & humilibus; aspera non aspernatur, nec vetustis refugit indui pannis.

9. Natura respicit temporalia, gaudet ad lucra terrena, tristatur de damno, irritatur levi injuria verbo.

Sed gratia attendit æterna, non inhæret temporalibus, nec perditio- ne rerum turbatur, neque verbis durioribus exacerbatur; quia thesaurum suum, & gaudium in Cælo, ubi nihil perit, constituit.

10. Natura cupida est, & libentiū accipit, quam donat; amat propria, & privata.

Gratia autem pia est, & communis, vitæ singularia, contentatur paucis; *beatius dare* judicat, quam accipere.

11. Natura inclinat ad creaturas, ad carnem propriam, ad vanitates, & discursus.

Sed gratia trahit ad Deum!, &

ad virtutes , renunciat creaturis ;  
fugit mundum , odit carnis deside-  
ria , restringit evagationes , erub-  
scit in publico apparere.

12. Natura libenter aliquod solati-  
um habet externum , in quo dele-  
ctetur ad sensum.

Sed Gratia in solo Deo quærit  
consolari , & in summo bono super  
omnia visibilia delectari.

13. Natura totum agit propter lu-  
crum , & commodum proprium ,  
nihil gratis facere potest , sed aut  
æquale , aut melius , aut laudem ,  
vel favorem pro benefactis conse-  
qui sperat ; & multum ponderat  
sua gesta , & dona concupiscit.

Gratia verò nihil temporale qua-  
rit ; nec aliud præmium , quam De-  
um solum , pro mercede postulat ;  
nec amplius de temporalibus neces-  
sariis desiderat , nisi quantum hæc  
sibi ad assecutionem æternorum va-  
leant.

leant deservire.

14. Natura gaudet de amicis multis, & propinquis, gloriatur de nobili loco, & ortu generis ; arridet potentibus, blanditur divitibus, applaudit sibi similibus.

Gratia autem & inimicos diligit, nec de amicorum turba extollitur ; nec locum, nec ortum natalium reputat, nisi virtus major ibi fuerit.

Favet magis pauperi, quam diviti ; compatitur plus innocentis, quam potenti ; congaudet veraci, non fallaci.

Exhortatur semper bonos meliora charismata æmulari, & Filio Dei per virtutes assimilari.

15. Natura de defectu, & molestia citò conqueritur.

Gratia constanter fert inopiam.

16. Natura omnia ad se reflectit, pro se certat, & arguit.

Gratia autem ad Deum cuncta

reducit, unde originaliter emanant; nihil boni sibi adscribit, nec arroganter præsumit; non contendit, nec suam sententiam aliis præfert; sed in omni sensu, & intellectu, æternæ sapientiæ, ac Divino examini se submittit.

Natura appetit scire secreta, & nova audire; vult exterius apparet, & multa per sensus experiri; desiderat agnoscere, & agere, unde laus, & admiratio procedit.

Sed Gratia non curat nova, nec curiosa percipere; quia totum hoc de vetustate corruptionis est ortum; cum nihil novum, & durabile sit super terram.

Docet itaque sensus restringere, vanam complacentiam, & ostentationem devitare, laudanda, & dignè miranda humiliter abscondere, & de omni re, & in omni scientia, utilitatis fructum, atque Dei laudem,

dem, & honorem querere.

Non vult se, nec sua prædicari,  
sed Deum in donis suis optat bene-  
dici; quia cuncta ex mera charitate  
largitur.

17. Hæc gratia supernaturale lu-  
men, & quoddam Dei speciale do-  
num est, & propriè electorum si-  
gnaculum, & pignus salutis æter-  
næ; quæ hominem de terrenis ad  
Cælestia amanda sustollit, & de car-  
nali spiritualem efficit.

Quantò igitur Natura amplius  
premitur, & vincitur, tanto major  
Gratia infunditur: & quotidie no-  
vis visitationibus interior homo,  
secundùm imaginem Dei, refor-  
matur.

### CAPUT LV.

*De corruptione Naturæ, & efficacia  
Gratiæ Divinæ.*

I. S. **D**omine Deus meus, qui  
me creâsti ad imaginem,  
O 4 & simi-

& similitudinem tuam, concede mihi hanc gratiam, quam ostendisti mihi tam magnam, & necessariam ad salutem: ut vincam pessimam naturam meam, trahentem ad peccata, & in perditionem.

Sentio enim in carne mea legem peccati, contradicentem legi mentis meæ, & captivum me ducentem ad obediendum sensualitati in multis: nec possum resistere passionibus ejus, nisi assistat tua sanctissima gratia, cordi meo ardenter infusa.

2. Opus est gratiâ tuâ, & magnâ gratiâ, ut vincatur natura, ad maiorem semper prona ab adolescentia sua.

Nam per primum hominem Adam lapsa, & vitiata per peccatum, in omnes homines pœna hujus maculæ descendit: ut ipsa natura, quæ bene, & recta à te condita fuit, pro vitio jam, & infirmitate corru-

ptat naturæ ponatur; cò, quòd motus ejus sibi relictus, ad malum, & inferiora trahit.

Nam modica vis, quæ remansit, est tanquam scintilla quædam latens in cinere.

Hæc est ipsa ratio naturalis, circumfusa magna caligine, adhuc iudicium habens boni, & mali, veri, falsique distantiam; licet impotens sit adimplere omne, quod approbat, nec pleno jām lumine veritatis, nec sanitate affectionum suarum potiatur.

3. Hinc est, Deus meus, quòd condelector legi tuæ secundùm interiorem hominem, sciens, mandatum tuum esse bonum, justum, & sanctum, arguens etiam omne malum, & peccatum fugiendum.

Carne autem servio legi peccati, dum magis sensualitati obedio, quam rationi.

Hinc est , quod velle bonum mihi adjacet ; perficere autem non invenio.

Hinc s̄pē multi bona propono ; sed , quia gratia deest ad adjuvandum infirmitatem meam , ex levitatem resistentia resilio , & , deficio.

Hinc accidit , quod viam perfectionis agnosco , & qualiter agere debeam , clarè satis video.

Sed propriæ corruptionis pondere pressus , ad perfectiora non asturgo.

4. O quād maximè est mihi necessaria , Domine , tua gratia , ad inchoandum bonum , ad proficiendum , & ad perficiendum !

Nam sine ea nihil possum facere : omnia autem possum in te , confortante me gratiâ .

O verè Cælestis gratia , sine qua nulla sunt propria merita , nulla quoque dona naturæ ponderanda !

Nihil artes , nihil divitiæ , nihil pulchritudine

pulchritudo , vel fortitudo , nihil  
ingenium , vel eloquentia , valent  
apud te , Domine , sine gratia .

Nam dona naturæ , bonis , & ma-  
lis sunt communia : electorum au-  
tem proprium donum est gratia , si-  
ve dilectio ; quâ insigniti , digni  
habentur vitâ æternâ .

Tantum eminet hæc gratia , ut  
nec donum prophetiæ , nec signo-  
rum operatio , nec quantal bet alta  
speculatio aliquid æstimetur sine  
ea .

Sed neque fides , neque spes , ne-  
que aliæ virtutes , tibi acceptæ sunt  
sine charitate , & gratia . ( I. Cor. 13 )

5. O beatissima gratia , quæ pau-  
perem spiritu , virtutibus divitem  
facis ; & divitem multis bonis , hu-  
milem corde reddis !

Veni , descende ad me , reple me  
manè consolatione tua , ne deficiat  
præ lassitudine , & ariditate mentis

anima mea.

Obsecro , Domine, ut inveniam  
gratiam in oculis tuis: sufficit enim  
mihi gratia tua . cæteris non obten-  
tis , quæ desiderat natura.

Si fuero tentatus , & vexatus tri-  
bulationibus multis , non timebo  
mala, dum tecum fucrit gratia tua.

Ipsa fortitudo mea , ipsa consili-  
um confert , & auxilium.

Cunctis hostibus potentior est , &  
sapientior universis sapientibus.

6. Magistra est veritatis , doctrix  
disciplinæ , lumen cordis , solamen  
pressuræ , fugatrix tristitiae , ablatrix  
timoris , nutrix devotionis , produ-  
etrix lacrymarum.

Quid sum sine ea , nisi aridum  
ignum , & stipes inutilis ad ejici-  
endum ?

Tua ergo me , Domine , gratia  
semper & præveniat , & sequatur ,  
ac bonis operibus jugiter præstet  
esse

esse intentum, per Jesum Christum filium tuum. Amen.

## CAPUT LVI.

*Quod nos ipsos abnegare, & Christum imitari debemus per Crucem.*

I. D. **F**illi, quanum à te vales exire, tantum in me posteris transire.

Sicut, nihil foris concupiscere, internam pacem facit; sic se interius relinquere, Deo conjungit.

Volo te addiscere perfectam abnegationem tui in voluntate mea, sine contradictione, & querela.

*Sequere me; Ego sum via, veritas, & vita. Sine via, non itur: sine veritate, non cognoscitur; sine vita, non vivitur. Ego sum via, quam sequi debes; veritas, cui credere debes; vita, quā sperare debes.*

*Ego sum via inviolabilis, veritas infallibilis, vita interminabilis.*

*Ego sum via rectissima, veritas*

suprema , vita vera , vita beata , vi-  
ta increata.

Si manseris in via mea , cognosces  
veritatem , & veritas liberabit te ,  
& apprehendes vitam æternam.

2. Si vis ad vitam ingredi , ser-  
va mandata . ( Matth. 19. )

Si vis veritatem cognoscere , cre-  
de mihi.

Si vis perfectus esse , vende omnia.  
( ibid. )

Si vis esse discipulus meus , abne-  
ga temet ipsum. ( Lucæ 9. )

Si vis beatam vitam possidere :  
præsentem vitam contemne.

Si vis exaltari in Cælo , humilia  
te in mundo.

Si vis regnare mecum , porta Cru-  
cem mecum.

Soli enim servi Crucis inveniunt  
viam beatitudinis , & veræ lucis.

3. S. Domine Jesu , quia arcta  
erat vita tua , & mundo despecta ,  
dona

dona mihi , te cum mundi despectu  
imitari.

*Non enim major est servus domino suo , nec discipulus supra Magistrum.*

Exerceatur servus tuus in vita tua ; quia ibi est salus mea , & sanctitas vera.

*Quidquid extra eam lego , vel audio , non me recreat , nec delectat plenè.*

4. D. Fili , quia hæc scis , & legisti omnia , beatus eris , si feceris ea.

*Qui habet mandata mea , & seruat ea , ipse est , qui diligit me ; & ego diligam eum , & manifestabo eum me ipsum ; & faciam eum consedere mecum in Regno Patris mei.*

5. S. Domine Jesu , sicut dixisti , & promisisti , sic utique fiat , & mihi promiseri contingat.

Suscepi de manu tua Crucem :  
portabo , ~~cum~~ usque ad mortem ,  
sicut

sicut imposuisti mihi.

Verè vita boni Monachi **Crux**  
est, sed dux paradisi.

Incæptum est; retrò abire non  
licet, nec relinquere oportet.

6. Eja, fratres, pergamus simul:  
Jesus erit nobiscum.

Propter Jesum suscepimus hanc  
**Crucem**: propter Jesum perseveremus in Cruce.

Erit adjutor noster, qui est dux  
noster, & præcessor.

En, Rex noster ingreditur ante  
nos, qui pugnabit pro nobis.

Sequamur viriliter, nemo metuat  
terrores: simus parati mori fortius  
in bello; nec inferamus crimen  
gloriæ nostræ, ut fugiamus à  
Cruce.



## CAPUT LVII.

*Quod homo non sit nimis dejectus,  
quando in aliquos labitur defectus.*

I. D. **F**illi, magis placent mihi pa-  
tientia, & humilitas in  
adversis, quam multa consolatio,  
& devotio in prosperis.

Ut quid te contristat parvum fa-  
ctum contra te dictum?

Si amplius fuisset, commoveri  
non debuisses.

Sed nunc permitte transire; non  
est primum, nec novum, nec ulti-  
mum erit, si diu vixeris.

Satis virilis es, quamdiu nihil  
obviat adversi.

Benè etiam consulis, & alios nōstī  
roborare verbis: sed, cūm ad janu-  
am tuam venit repentina tribula-  
tio, deficis consilio, & robore.

Attende magnam fragilitatem tu-  
am, quam sāpiūs experiris in modi-  
cis objectis: tamen pro salute tua  
ista

ista fiunt, cùm hæc, & similia contingunt.

2. Pone, ut melius nōsti, ex corde: &, si te tetigit, non tamen dejiciat, nec diù implicit.

Ad minùs sustine patienter, si non potes gaudenter.

Etiam si minùs libenter audis, & indignationem sentis, reprime te, nec patiaris aliquid inordinatum ex ore tuo exire, unde parvuli scandalizentur.

Citò conquiescat commotio excitata, & dolor internus revertente dulcorabitur gratiâ.

Adhuc vivo ego ( dicit Dominus ) juvare te paratus, & solito amplius consolari; si confisus fueris mihi, & devotè me invocaveris.

3. Animæquior esto, & ad maiorem sustinentiam accingere.

Non est totum frustratum, si te səpiùs percipis tribulatum, vel gravior

viter tentatum.

Homo es , & non Deus : caro  
es , non Angelus.

Quomodo tu posses semper in  
eodem statu virtutis permanere ,  
quando hoc defuit Angelo in Cælo ,  
& primo homini in Paradiſo , qui  
non diu steterunt ?

Ego sum , qui mœrentes crigo  
fospitate ; & suam cognoscentes in-  
firmitatem , ad meam provcho Di-  
vinitatem .

4. S. Domine , benedictum sit  
verbum tuum , dulce super mel , &  
favum ori meo .

Quid facerem in tantis tribulati-  
onibus , & angustiis meis , nisi me  
confortares tuis sanctis sermonibus !

Dummodo tandem ad portum  
salutis perveniam , quid curæ est ,  
quaꝝ , & quanta passus fuero .

Da finem bonum : da felicem ex  
hoc mundo transitum .

Memento mei , Deus meus , &  
dirige me recto itinere in Regnum  
tuum. Amen.

## CAPUT LVIII.

*De altioribus rebus, & occultis Ju-  
diciis Dei non scrutandis.*

1. D. **F**illi, caveas disputare de al-  
lis materiis , & de occul-  
tis Dei Judiciis ; cur iste sic relin-  
quitur , & ille ad tantam gratiam as-  
sumitur ? cur etiam iste tantum affli-  
gitur , & ille tam eximiè exaltatur ?

Ista omnem humanam faculta-  
tem excedunt : nec ad investigan-  
dum judicium Divinum ulla ratio  
prævalet , vel disputatio.

Quando ergo hæc tibi suggérēt  
inimicus , vel etiam quidam curiosi  
inquirunt homines , responde illud  
Prophetæ : *Justus es , Domine , &  
rectum judicium tuum.*

Et illud. *Judicia Domini vera,  
justificata in semetipsa.*

Judi-

Judicia mea metuenda sunt, non  
discutienda; quia humano intelle-  
& ui sunt incomprehensibilia.

2. Noli etiam inquirere, nec di-  
sputare de meritis Sanctorum, quis  
alio sit sanctior, aut quis major in  
Regno Cœlorum.

Talia generant sæpè lites, & con-  
tentiones inutiles; nutriunt quo-  
que superbiam, & vanam gloriam:  
unde oriuntur invidiæ, & dissensio-  
nes, dum iste illum Sanctum, & ali-  
us alium conatur superbè præferre.

Talia autem velle scire, & inve-  
stigare, nullum fructum afferunt,  
sed magis Sanctis displicent; quia  
non sum Deus dissensionis, sed pa-  
cis: quæ pax magis in humilitate  
vera, quam in propria exaltatione  
consistit.

3. Quidam zelo dilectionis tra-  
huntur ad hos, vel ad illos ampliori  
affectione; sed humano potius, quam  
divino.

divino.

Ego sum , qui cunctos condidi  
Sanctos : ego donavi gratiam , ego  
præstisti gloriam.

Ego novi singulorum merita ;  
ego præveni eos in benedictionibus  
dulcedinis meæ.

Ego præscivi dilectos ante sæcu-  
la : ego eos elegi de mundo ; non  
ipsi me præelegerunt.

Ego vocavi per gratiam , attraxi  
per misericordiam : ego perduxi  
eos per tentationes varias.

Ego infudi consolationes magni-  
ficas ; ego dedi perseverantiam ; ego  
coronavi corum patientiam.

4. Ego primum , & novissimum  
agnoscō ; ego omnes inæstimabili  
dilectione amplector.

Ego laudandus sum in omnibus  
Sanctis meis ; ego super omnia be-  
nedicendus sum , & honorandus in  
singulis ; quos sic gloriose magni-  
ficavi .

ficavi , & prædestinavi , sine ullis  
præcedentibus propriis eritis.

Qui ergo unum de minimis meis  
contempserit ; nec magnum hono-  
rat : quia pusillum , & magnum ego  
feci .

Et , qui derogat alicui Sancto-  
rum , derogat & mihi , & cæteris  
omnibus in Regno Cælorum .

Omnes unum sunt per charitatis  
vinculum : idem sentiunt , idem vo-  
lunt , & omnes in unum se diligunt .

5. Adhuc autem ( quod multò  
altius est ) plùs me , quam se , &  
sua merita , diligunt .

Nam supra se rapti , & extra pro-  
priam dilectionem tracti , toti in  
amore mei pergunt ; in quo & frui-  
tivè quiescunt .

Nihil est , quod eos avertere pos-  
sit , aut deprimere : quippe qui æter-  
na veritate pleni , igne ardescunt  
inextinguibilis charitatis .

Desinant igitur carnales, & animales homines de Sanctorum statu differere, qui non nôrunt, nisi privata gaudia, diligere. Demunt, & addunt, pro sua inclinatione; non prout placet æternæ veritati.

6. In multis est ignorantia, in iis maximè, qui parùm illuminati, raro aliquem perfecta dilectione spirituali diligere nôrunt.

Multùm adhuc naturali affectu, & humana amicitia, ad hos, vel ad illos trahuntur; &, sicut in inferioribus se habent, ita & de Cœlestibus imaginantur.

Sed est distantia incomparabilis inter ea, quæ imperfetti cogitant, & quæ illuminati viri per revelationem supernam speculantur.

7. Cave ergo, fili, de istis curiosè tractare, quæ tuam scientiam excedunt: sed hoc magis fatage, & intende, ut vel minimus in Regno Dei

Dei queas inveniri.

Etsi quispiam sciret, quis alio sanctior esset, vel major haberetur in Regno Cælorum, quid ei hæc notitia prodesset, nisi se ex hac cognitione coram me humiliaret, & in majorem nominis mei laudem exurgeret?

Multò acceptius Deo facit, qui de peccatorum suorum magnitudine, & virtutum suarum parvitate cogitat, & quam longè à perfectione Sanctorum distat, quam is, qui de eorum majoritate, vel parvitate disputat.

Melius est, Sanctos devotis precibus, & lacrymis exorare, & eorum gloria suffragia humili mente implorare, quam eorum secreta, vana inquisitione perscrutari.

8. Illi benè, & optimè contentantur, si homines scirent contentari, & vaniloquia sua compescere.

Non gloriantur de propriis mea  
ritis: quippe, qui sibi nihil bonita-  
tis adscribunt, sed totum mihi;  
quoniam ipsis cuncta ex infinita  
charitate mea donavi.

Tanto amore Divinitatis, & gau-  
dio supereffluenti replentur; ut ni-  
hil eis desit gloriae, nihilque possit  
deesse felicitatis.

Omnes Sancti. quanto altiores  
in gloria, tanto numiliores in sei-  
pisis, & mihi viciniores, & dilectio-  
res existunt.

Ideoque habes scriptum: quia  
mittebant coronas suas ante Deum,  
& ceciderunt in facies suas coram  
Agno, & adoraverunt viventem in  
sacula saeculorum.

9. Multi querunt, quis major sit  
in Regno Dei; qui ignorant, an  
cum minimis erunt digni computari.

Magnum est, vel minimum esse  
in Cælo, ubi omnes magni sunt;  
quia

quia omnes filii Dei vocabuntur,  
& erunt.

Minimus erit in mille; & peccator centum annorum morietur.  
( *Isaiæ 65.* )

Cum enim quærerent discipuli, quis major esset in Regno Cælorum, tale audierunt responsum.

*Nisi conversi fueritis, & efficiamini, sicut parvuli, non intrabitis in Regnum Cælorum. Quicunque ergo humiliaverit se, sicut parvulus iste, hic major est in Regno Cælorum.* ( *Matth. 18.* )

10. Væ eis, qui cum parvulis humiliare se sponte dediantrantur: quoniam humilis janua Regni Cælestis eos non admittet intrare.

Væ etiam divitibus, qui habent hic consolationes suas: quia, pauperibus intrantibus in Regnum Dei, ipsi stabunt foris ejulantes.

Gaudete humiles, & exultate

pauperes: quia vestrum est Regnum  
Dei; si tamen in veritate ambulatis.

## CAPUT LIX.

*Quod omnis spes, & fiducia in solo  
Deo est figenda.*

i. S. **D**omine, quæ est fiducia  
mea, quam in hac vita  
habeo? aut, quod majus solatium  
meum, ex omnibus apparentibus  
sub Cœlo?

Nónne tu, Domine, Deus meus,  
cujus misericordiæ non est nume-  
rus?

Ubi mihi benè fuit, sine te? Aut,  
quando malè esse potuit, præsen-  
te te?

Malo pauper esse propter te,  
quam dives sine te.

Eligo potius tecum in terra pe-  
regrinari, quam sine te Cœlum  
possidere. Ubi tu, ibi Cœlum: at-  
que ibi mors, & Infernus, ubi tu  
non es.

Tu mihi in desiderio es: & ideo  
post te gemere, clamare, & exora-  
re necesse est.

In nullo denique possum plenè  
confidere, qui in necessitatibus  
auxilietur opportuniùs, nisi in te  
solo Deo meo.

Tu es spes mea, tu fiducia mea;  
tu consolator meus, fidelissimus in  
omnibus.

2. Omnes, quæ sua sunt, qua-  
runt; tu salutem meam, & profe-  
ctum meum solummodo prætendis,  
& omnia in bonum mihi convertis.

Etiam si me variis temptationibus, &  
adversitatibus exponas, hoc totum  
ad utilitatem meam ordinas, qui  
mille modis dilectos tuos probare  
confuevisti.

In qua probatione non minùs di-  
ligi debes, & laudari, quàm si Cæ-  
lestibus consolationibus repleres.

3. In te ergo, Dñe Deus, pono  
P;

totam

totam spem meam , & refugium :  
in te omnem tribulationem , & an-  
gustiam meam constituo ; quia to-  
rum infirmum , & instabile invenio ,  
quidquid extra te conspicio .

Non enim proderunt multi ami-  
ci , neque fortes auxiliarii adjuvare  
poterunt , nec prudentes consiliarii  
responsum utile dare , neque libri  
doctorum consolari , nec aliqua  
pretiosa substantia liberare , nec lo-  
cus aliquis secretus , & amoënum  
contutari , si tu ipse non assistas ,  
juves , confortes , consoleris , in-  
struas , & custodias .

4. Omnia namque , quæ ad pacem  
videntur esse , & felicitatem haben-  
dam , te absente nihil sunt , nihil  
que felicitatis in veritate conferunt .

Finis ergo omnium bonorum , &  
altitudo vitæ , & profunditas eloqui-  
orū nützes ; & in te super omnia  
sperare , fortissimum solatium ser-  
vorum

vorum tuorum.

Ad te sunt oculi mei ; in te confido, Deus meus, misericordiarum Pater.

Benedic, & sanctifica animam meam benedictione Cœlesti , ut fiat habitatio sancta tua , & sedes æternæ gloriæ tuæ : nihilque in templo tuo indignitatis inveniatur, quod oculos tuæ Majestatis offendat.

Secundum magnitudinem bonitatis tuis. & multitudinem miserationum tuarum , respice in me , & exaudi orationem pauperis servi tui , longè exulantis in regione umbræ mortis.

Protege, & conserva animam servuli tui , inter tot discrimina vitæ corruptibilis : ac , comitante gratiâ tuâ, dirige per viam pacis, ad Patriam perpetuæ claritatis. Amen.

*Finis Libri Tertii.*

**THOMÆ  
AKEMPI,  
CANONICI REGULARIS  
Ordinis S. Augustini,  
DE IMITATIONE  
CHRISTI**

**LIBER QUARTUS.**

De Sacramento Altaris.

*Devota exhortatio ad sacram Communionem.*

**VOX CHRISTI.**



*Enite ad me omnes , qui laboratis, & onerati estis;  
& ego reficiam vos, dicit Dominus.*

*Panis , quem ego dabo , caro mea  
est , pro mundi vita.*

*Accipite , & comedite : hoc est  
Corpus meum , quod pro vobis tra-  
tur: hoc facite in meam commemora-  
tionem.*

*Qui*

*Qui manducat meam carnem, &  
bibit meum sanguinem, in me ma-  
net, & ego in illo.*

*Verba, quæ ego locutus sum vobis,  
spiritus, & vita sunt.*

### CAPUT I.

*Cum quanta reverentia Christus sit  
suscipiendus.*

### VOX DISCIPULI.

¶. **H**Æc sunt verba tua, Christe,  
Veritas æterna; quamvis  
non uno tempore prolatæ, nec uno  
in loco conscripta.

*Quia ergo tua sunt verba, gra-  
tanter mihi, & fideliter cuncta sunt  
accipienda.*

*Tua sunt, & tu ea protulisti: &  
mea quoque sunt; quia pro salute  
mea ea edidisti.*

*Libenter suscipio ea ex ore tuo;  
ut arctius inserantur cordi meo.*

*Excitant me verba tantæ pietati-  
tis, plena dulcedinis, & dilectionis:*

sed terrent me delicta propria ; & ad capienda tanta Mysteria , me reverberat impura conscientia.

Provocat me dulcedo verborum tuorum ; sed onerat multitudo vitiorum meorum.

2. Jubes , ut fiducialiter ad te accedam , si tecum velim habere partem : & ut immortalitatis accipiam alimoniam , si æternam cupiam obtinere vitam , & gloriam.

*Venite , inquis , ad me omnes , qui laboratis , & onerati estis ; & ego reficiam vos.*

O dulce , & amicabile verbum in aure peccatoris ! quòd tu , Domine Deus meus , egenum , & pauperem invitas ad Communionem tui sanctissimi Corporis.

Sed quis ego sum , Domine , ut ad te præsumam accedere ?

Ecce . Cæl Cælorum te non capiunt ; & tu d cis , Venit . ad me omnes .

3. Quid

3. Quid sibi vult ista p̄iissima dignatio, & tam amicabilis invitatio?

Quomodo ausus ero venire, qui nihil boni mihi conscient sum, unde possim præsumere?

Quomodo te introducam in domum meam, qui sæpius offendit benignissimam faciem tuam?

Reverentur Angeli, & Archangeli; metuunt sancti, & justi; & tu dicas: *Venite ad me omnes.*

Nisi tu, Domine, hoc diceres, quis verum esse crederet?

Et, nisi tu juberes, quis accedere attentaret?

4. Ecce, Noë, vir justus in arcæ fabrica centum annis laboravit, ut cum paucis salvaretur: & ego quomodo me potero unâ horâ præparare, ut mundi fabricatorem cum reverentia sumam?

Moyses, famulus tuus magnus, & specialis amicus tuus, Arcam ex

lignis imputribilibus fecit, quam  
& mundissimo vestivit auro, ut  
tabulas Legis in ea reponeret: &  
ego, putrida creatura, audebo te  
Conditorem legis, ac vitæ datorem,  
tam facile suscipere in corde meo  
peccatis subdito?

Salomon, sapientissimus Regum  
Israël, templum magnificentum, se-  
ptem annis, in laudem nominis  
tui ædificavit.

Et octo diebus festum Dedicatio-  
nis ejus celebravit: mille hostias  
paciferas obtulit: & Arcam fœde-  
ris in clangore buccinæ, & jubilo,  
in locum sibi præparatum solemnis-  
ter collocavit.

Et ego infelix, & pauperrimus ho-  
minum, quomodo te in domum me-  
am introducam, qui vix medium ex-  
pendere devotè novi horam? & uti-  
nam vel semel dignè ferè medium!

5. O mi Deus, quantum illi, ad  
placen-

placendum tibi , agere studuerunt !

Heu , quām pusillum est , quod ago ! quām breve expleo tempus , cūm me ad Communicandum dispono !

Rarò totus collectus : rarissime ab omni distractione purgatus .

Et certè in tua salutari Deitatis præsentia , nulla deberet occurrere indecens cogitatio , nulla etiam occupare creatura : quia non Angelum , sed Angelorum Dominum , suscepturus sum hospitio .

6. Est tamen valdè magna distan-  
tia inter Arcam fœderis cum suis  
reliquiis , & mundissimum Corpus  
tuum cum suis ineffabilibus virtuti-  
bus ; inter legalia illa sacrificia , fu-  
turorum præfigurativa , & veram  
Corporis tui hostiam , omnium  
antiquorum sacrificiorum comple-  
tivam .

7. Quare igitur non magis ad tu-

am venerabilē in ardesco præsentia !

Cur non majori me præparo sollicitudine ad tua Sancta sumenda ; quando illi antiqui sancti Patriarchæ , & Prophetæ , Reges quoque , & Principes , cum universo populo , tantum devotionis demonstrarunt affectum erga cultum Domini vinum ?

8. Saltavit devotissimus Rex David coram Arca Dei , totis viribus recolens beneficia olim indulta Patribus : fecit diversi generis organa : psalmos edidit , & cantari instituit cum latitia ; cecirit & ipse frequenter in cithara , Spiritus Sancti afflatus gratiâ : docuit populum Israël toto corde Deum laudare , & ore consono diebus singulis benedicere , & prædicare .

Si tanta agebatur tunc devotio ; ac Divinæ laudis extitit recordatio coram Arca testamenti ; quanta nunc mihi , & omni populo Christiano ,

stiano, habenda est reverentia , & devotio in præsentia Sacramenti, in sumptione excellentissimi Corporis Christi ?

9. Currunt multi ad diversa loca, pro visitandis reliquiis Sanctorum: & mirantur , auditis gestis eorum ; ampla ædificia templorum inspiciunt , & osculantur scricis , & auro involuta sacra ossa ipsorum.

Et ecce , tu præsens es hic apud me in Altari , Deus meus , Sanctus sanctorum , Creator hominum , & Dominus Angelorum.

Sæpè in talibus videndis curiositas est hominum , & novitas invisorum ; & modicus reportatur emanationis fructus : maximè , ubi est tam levis , sine vera contritione , discutitus.

Hic autem in Sacramento Alta-  
ris totus præsens es , Deus meus ,  
homo Christus Jesus : ubi & copi-

osus percipitur aeternæ salutis fructus , quotiescumque fueris dignè , ac devotè susceptus.

Ad istud verò non trahit levitas aliqua , nec curiositas , aut sensualitas : sed firma fides , devota spes , & sincera charitas .

10. O invisibilis Conditor mundi Deus , quām mirabiliter agis nobiscum ! quām suaviter , & gratiosè cum electis tuis disponis , quibus temetipsum in Sacramento sumendum proponis !

Hoc namq; omnem intellectum superat : hoc specialiter devotorum corda trahit , & accendit affectum .

Ipsí enim veri fideles tui , qui totam vitam suam ad emendationem disponunt , ex hoc dignissimo Sacramento magnam devotionis gratiam , & virtutis amorem , frequenter recipiunt .

11. O admirabilis , & abscondita gratia

gratia Sacramenti, quam nōrunt tantūm Christi fideles; infideles autem, & peccatis servientes, experiri non possunt. !

In hoc Sacramento confertur spiritualis gratia, & reparatur in anima virtus amissa: & per peccatum deformata redit pulchritudo.

Tanta est aliquando hæc gratia, ut ex plenitudine collatæ devotionis, non tantūm mens, sed & debile corpus, vires sibi præstitas sentiat ampliores.

12. Dolendum tamen valdè, & miserandum super tepiditate, & negligentia nostra, quòd non majori affectione trahimur ad Christum sumendum: in quo tota spes salvandorum consistit, & meritum.

Ipse enim est sanctificatio nostra, & redemptio: ipse consolatio viatorum, & sanctorum æterna fruitio.

Dolendum itaque valdè, quòd multi

multi tam parùm hoc salutare Mysterium advertunt, quod Cælum lætificat, & mundum conservat universum.

Heu cæcitas, & duritia cordis humani, tam ineffabile donum non magis attendere & ex quotidiano usu etiā ad inadvertētiā defluere!

13. Si enim hoc sanctissimum Sacramentum in uno tantùm celebraetur loco, & ab uno tantùm consecraretur Sacerdote in mundo, quanto, putas, desiderio ad illum locum, & ad tales Dei Sacerdotem homines afficerentur, ut divina Mysteria celebrari viderent!

Nunc autem multi facti sunt Sacerdotes, & in multis locis offertur Christus; ut tanto major appareat gratia, & dilectio Dei ad hominem, quanto latius est Sacra Communio diffusa per orbem.

Gratiastibiago, Jesu bone, pastor

æterne, qui nos pauperes, & exules  
dignatus es pretioso Corpore, &  
Sanguine tuo reficere; & ad hæc  
Mysteria percipienda, etiam proprii  
oris tui alloquio invitare, dicendo:  
*Venite ad me omnes, qui laboratis,  
& onerati estis; & ego reficiam vos.*

## CAPUT II.

*Quod magna bonitas, & charitas Dei  
in Sacramento homini exhibetur.*

## VOX DISCIPULI.

I. **S**uper bonitate tua, & magna  
misericordia tua, Domine,  
confisus, aecedo ager ad Medicum,  
& Salvatorem, esuriens, & sitiens,  
ad fontem vitæ, egenus ad Regem  
Cœli, servus ad Dominum, crea-  
tura ad Creatorem, desolatus ad  
meum pium Consolatorem.

Sed unde hoc mihi, ut venias ad  
me? Quis ego sum, ut præstes mi-  
hi te ipsum?

**Q**uomodo audet peccator coram  
te ap-

te apparere? & tu quomodo dignaris ad peccatorem venire?

Tu nōsti servum tuum, & scis, quia nihil boni in se habet, unde hoc illi præstes.

Confiteor igitur vilitatem meam; agnosco tuam bonitatem; laudo pietatem; & gratias ago propter nimiam charitatem.

Propter temetipsum enim hoc facis, non propter mea merita: ut bonitas tua mihi magis innoscat, charitas amplior ingeratur, & humilitas perfectius commendetur.

Quia ergo tibi hoc placet, & tu sic fieri jussisti, placet & mihi dignatio tua: & utinam iniquitas mea non obsistat!

2. O dulcissime, & benignissime Jesu, quanta tibi reverentia, & gratiarum actio cum perpetua laude, pro susceptione sacri Corporis tui debetur, cuius dignitatem nullus homi-

hominum explicare potens inveni-  
tur !

Sed quid cogitabo in hac Com-  
munione, in accessu ad Dominum  
meum, quem debitè venerari ne-  
queo, & tamen devotè suscipere  
desidero ?

Quid cogitabo melius, & salu-  
brius, nisi me ipsum totaliter humi-  
liando coram te, & tuam infinitam  
bonitatem exaltando supra me ?

3. Laudo te, Deus meus, & ex-  
altabo in æternum. Despicio me, &  
subjicio tibi, in profundum vilita-  
tis meæ.

Ecce, tu Sanctus sanctorum, &  
ego fôrdes peccatorum.

Ecce, tu inclinas te ad me, qui  
non sum dignus ad te respicere.

Ecce, tu venis ad me, tu vis esse  
mecum, tu invitas ad convivium  
tuum.

Tu mihi dare vis Cœlestem ci-  
bum,

bum , & panem Angelorum ad man-  
ducandum ; non alium sanè , quām  
te ipsum , panem vivum , qui de Cæ-  
lo descendisti , & das vitam mundo.

4. Ecce , unde dilectio procedit ,  
qualis dignatio illucescit ! quām  
magnæ gratiarum actiones , & lau-  
des tibi pro his debentur !

O quām salutare , & utile consi-  
lium tuum , cùm istud instituisti !  
quām suave , & jucundum convivi-  
um , cùm te ipsum in cibum donâsti !

O quām admirabilis operatio tua,  
Domine ! quām potens virtus tua !  
quām ineffabilis veritas tua !

Dixisti enim ; & facta sunt o-  
mnia : & hoc factum est , quod  
ipse jussisti .

5. Mira res , & fide digna , ac hu-  
manum vincens intellectum ; quòd  
tu , Dñe , Deus meus , verus Deus ,  
& homo , sub modica specie pa-  
nis , & vini integer contineris , &  
sine

sine consumptione à sumente man-  
ducari.

Tu, Dñe universorum, qui nullius  
habes indigentiam, ut, qui voluisti  
per Sacramentum tuum habitare in  
nobis, conserva cor meum, & cor-  
pus immaculatum, ut lætâ, & purâ  
conscientiâ sæpiùs tua valeam cele-  
brare Mysteria, & ad meani perpe-  
tuam accipere salutem; quæ ad tu-  
um præcipue honorem, & memo-  
riale perenne, sanxisti, & instituisti,

6. Lætare, anima mea, & grati-  
as age Deo pro tam nobili munere,  
& solatio singulari, in hac lacryma-  
tum valle tibi relicto.

Nam, quoties hoc Mysterium re-  
colis, & Christi Corpus accipis, to-  
ties tuæ Redemptionis opus agis,  
& particeps omnium meritorum  
Christi efficeris.

Charitas etenim Christi nun-  
quam minuitur, & magnitudo pro-  
pitiae

piuationis ejus nunquā exhauritur.

Ideò nova semper mentis renovatione ad hoc disponere te debes, & magnum salutis Mysterium attenta consideratione pensare.

Ita magnum, novum, & jucun-  
tibi videri debet, cùm Celebras, aut  
Missam audis, ac si eodem die  
Christus primùm in uterum Virgini-  
nis descendens, homo factus esset,  
aut in Cruce pendens, pro salute  
hominum pateretur, & moreretur.

### CAPUT III.

*Quod utile sit sàpè Communicare.*

### VOX DISCIPULI.

i. **E**cce, ego ad te venio, Domine, ut benè mihi sit ex munere tuo, & lètificer in convivio sancto tuo, quod parâsti in dulcedjne tua pauperi Deus.

Ecce, in te est totum, quod desiderare possum, & debeo; tu salus mea, & redemptio, spes, & fortitudo,

tudo , decus , & gloria.

*Lætifica ergo hodie animam ser-  
vi tui ; quoniam ad te, Domine Je-  
su , animam meam levavi.*

Desidero te nunc devotè , ac re-  
verenter suscipere ; cupio te in  
domum meam inducere , quatenùs  
cum Zachæo merear à te benedici ,  
ac inter filios Abrahæ computari .

Anima mea Corpus tuum con-  
cupiscit : cor meum tecum uniri  
desiderat .

**2.** Trade te mihi , & sufficit . Nam  
præter te , nulla consolatio valet .

Sine te esse nequeo ; & sine visi-  
tatione tua vivere non valco .

Ideoque oportet me frequenter  
ad te accedere , & in remedium sa-  
lutis meæ recipere : ne fortè defici-  
am in via , si fuero Cælesti frauda-  
tus alimonia .

Sic enim tu , misericordissime Je-  
su , prædicans populis , & variòs cu-

rans languores , aliquando dixisti :  
*Nolo eos jejunos dimittere in domum  
 suam , ne deficiant in via.*

Age igitur hoc mecum modo ,  
 qui te pro fidelium consolatione in  
 Sacramento reliquisti .

Tu es enim suavis refectio animæ:  
 & qui te dignè manducaverit , par-  
 ticeps , & hæres erit æternæ gloriæ.

Necessarium quidem mihi est ,  
 qui tam sæpè labor , & pecco , tam  
 citò torpesco , & deficio , ut per fre-  
 quentes Orationes , & Confessiones ,  
 ac sacram Corporis tui perceptio-  
 nem , me renovem , mundem , & ac-  
 cendam ; ne fortè , diutiùs abstinen-  
 do , à sancto proposito defluam .

3. Proni enim sunt sensus homi-  
 nis ad malum ab adolescentia sua ;  
 & , nisi succurrat divina medicina ,  
 labitur homo mox ad pejora .

Retrahit ergo sancta Co[m]unio  
 à malo , & confortat in bono .

Si enim modò tam sàpè negligens sum, & tepidus, quando Communico , aut Celebro ; quid fieret , si medelam non sumerem , & tamen grande juvamen non quærerem !

Et, licet omni die non sim aptus, nec ad Celebrandum benè dispositus, dabo tamen operam, congruis temporibus Divina percipere Mysteria , ac tantæ gratiæ participem me præbere.


Nam hæc est una principalis fidelis animæ consolatio , quamdiù peregrinatur à te in mortali corpore , ut sàpiùs memor Dei sui, dilectum suum devota suscipiat mente.

4. O mira circa nos tuæ pietatis dignatio , quòd tu , Domine Deus , creator, & vivificator omnium spirituum, ad pauperculam digneris venire animam , & cum tota Divinitate tua , ac humanitate , ejus impinguare esuriem.

O felix mens , & beata anima ;  
 quæ te Domjnum Deum suum me-  
 retur devotè suscipere, & in tua sus-  
 ceptione spirituali gaudio repleri !

O, quām magnum suscipit Do-  
 minum, quām dilectum inducit ho-  
 spitem, quām jucundum recipit so-  
 cium, quām fidelem acceptat ami-  
 cum, quām speciosum, & nobilem  
 amplectitur sponsum præ omnibus  
 dilectis , & super omnia deside-  
 rabilia amandum !

Sileant à facie tua ( dulcissime  
 dilecte mi ) Cælum , & terra , &  
 omnis ornatus eorum ; quoniam ,  
 quidquid laudis habent, aut decoris,  
 ex dignatione tuæ est largitatis : nec  
 ad decorem tui pervenient no-  
 minis ; cuius sapientiæ non  
 est numerus.



## CAPUT IV.

*Quod multa bona præstantur devote  
Communicantibus.*

## VOX DISCIPULI.

1. **D**omine Deus meus, præveni servum tuum in benedictionibus dulcedinis tuæ, ut ad tuum magnificum Sacramentum dignè, ac devotè merear accedere.

Excita cor meum in te, & à gravi torpore erue me. Visita me in salutari tuo, ad gustandum in spiritu suavitatem tuam, quæ in hoc Sacramento, tanquam in fonte, plenariè latet.

Illumina quoque oculos meos, ad intuendum tantum Mysterium: & ad credendum illud, indubitata fide me robora.

Est enim operatio tua, non humana potentia: tua sacra institutio, non hominis adinventio.

Non enim ad hæc capienda, &

intelligenda aliquis idoneus per se  
reperitur, quæ Angelicam etiam  
Subtilitatem transcendunt.

Quid ergo ego peccator indignus,  
terra, & cinis, de tam alto sacro se-  
creto potero investigare, & capere!

2. Domine, in simplicitate cordis  
mei, in bona, & firma fide, & in tua  
jussione, ad te cum spe, ac rever-  
tentia accedo: & verè credo, quia  
tu præsens es hic in Sacramento,  
Deus, & homo.

Vis ergo, ut te suscipiam, & me-  
ipsum tibi in charitate uniam.

Unde tuam precor clementiam,  
& specialem ad hoc imploro mihi  
donari gratiam: ut totus in te lique-  
fiam, & amore perfluam, atque  
de nulla aliena consolatione ampli-  
us me intromittam.

Est enim hoc altissimum, & di-  
gnissimum Sacramentum, salus ani-  
mæ, & corporis, medicina omnis  
spiri-

spiritualis languoris: in quo vitia mea curantur, passiones frenantur, tentationes vincuntur, aut minuantur: gratia major infunditur, virtus incæpta augetur, firmatur fides, spes robatur, & charitas ignescit, ac dilatatur.

3. Multa namq; bona largitus es, & adhuc səpiùs largiris in Sacramento dilectis tuis devotè Communicantibus, Deus meus, susceptor animæ meæ, reparator infirmitatis humanæ, & totius dator consolatiōnis internæ.

Nam multam ipsis consolationem adversis varias tribulationes infundis, & de imo dejectionis propriæ ad spem tuæ protectionis erigis, atque nova quadam gratia consintus recreas, & illustras; ut, qui anxii primū, & sine affectione se ante Communionem senserant, postea refecti cibo, potuque Cælesti,

**S**i, in melius se mutatos inveniant.

Quod idcirco cum electis tuis dispensanter agis, ut veraciter agnoscant, & patenter experiantur, quantum infirmitatis ex seipsis habeant, & quid bonitatis, ac gratiarum ex te consequantur.

Quia ex semetipsis frigidi, duri, & indevoti: ex te autem ferventes, alacres, & devoti esse merentur.

Quis enim ad fontem suavitatis humiliter accedens, non modicum suavitatis inde reportat?

Aut quis iuxta copiosum ignem stans, non parum caloris inde percipit?

Et tu fons es semper plenus, & superabundans, ignis jugiter ardens, & nunquam deficiens.

4. Unde, si mihi non licet haurire de plenitudine fontis, nec usque ad satietatem potare, apponam tamen os meum ad foramen

Cælestis fistulæ; ut saltem modicam  
inde guttulam capiam ad refocil-  
landam sitim meam, ut non penitus  
exarescam.

Etsi necdum totus Cælestis, & tam-  
ignitus, ut Cherubim, & Seraphim,  
esse possim, conabor tamen devoti-  
oni insistere, & cor meum præpa-  
rare, ut vel modicam Divini incen-  
dii flamمام, ex humili sumptione  
vivifici Sacramenti conquiram.

Quidquid autem mihi deest, Je-  
su bone, Salvator sanctissime, tu  
pro me supple benignè, ac gratio-  
sè, qui omnes ad te dignatus es  
vocare, dicens: *Venite ad me omnes,*  
*qui laboratis, & onerati estis; &*  
*ego reficiam vos.*

5. Ego quidem labore in sudore  
vultus mei, dolore cordis torque-  
or, peccatis oneror, temptationibus  
inquietor, multis malis passionibus  
implicor, & premor: & non est, qui

adjuvet, non est, qui liberet, & sal-  
vum faciat, nisi tu, Domine Deus,  
Salvator meus: cui committo me,  
& omnia mea, ut me custodias,  
& perducas in vitam æternam.

Suscipe me in laudem, & gloriari  
nominis tui, qui Corpus tuum, &  
Sanguinem in cibum, & potum  
mihi parâsti.

Præsta, Domine Deus, saluta-  
ris meus, ut cum frequentatione  
Mysterii tui, crescat meæ devotio-  
nis affectus.

## CAPUT V.

*De dignitate Sacramenti, & statu  
Sacerdotali.*

## VOX DILECTI.

**S**i haberes Angelicam purita-  
tem, & sancti Joannis Ba-  
ptistæ sanctitatem, non esse dignus  
hoc Sacramentum accipere, nec  
tractare.

Non enim hoc meritis debetur  
homi-

hominum, quod homo Consecrat,  
& tractet Christi Sacramentum, &  
sumat in cibum panem Angelorum.

Grande Mysterium, & magna di-  
gnitas Sacerdotum: quibus datum  
est, quod Angelis non est con-  
cessum.

Soli namque Sacerdotes, ritè in  
Ecclesia ordinati, potestatem ha-  
bent Celebrandi, & Corpus Christi  
consecrandi.

Sacerdos quidem Minister est Dei,  
utens verbo Dei, per iussionem, &  
institutionem Dei: Deus autem ibi  
principalis est auctor, & invisibilis  
operator, cui subest omne, quod  
voluerit, & paret omne, quod jus-  
serit.

2. Plùs ergo credere debes Deo  
omnipotenti in hoc excellentissimo  
Sacramento, quam proprio sensui,  
aut alicui signo visibili.

Ideoque cum timore, & reve-  
rentia

DE IMITATIONE  
rentia ad hoc opus est accedendum.

Attende igitur , & vide , cuius ministerium tibi traditum est per impositionem manus Episcopi.

Ecce , Sacerdos factus es , & ad Celebrandum consecratus ; vide nunc, ut fideliter , & devotè in suo tempore , Deo Sacrificium offeras , & teipsum irreprehensibilem exhibeas.

Non alleviasti onus tuum ; sed arctiori jam alligatus es vinculo disciplinæ , & ad majorem tenetis perfectionem sanctitatis.

Sacerdos omnibus virtutibus debet esse ornatus , & aliis bonæ vitæ exemplum præbere.

Eius conversatio non cum popularibus , & communibus hominum viis, sed cum Angelis in Cœlo , aut cum perfectis viris in terra.

3. Sacerdos , sacris vestibus induitus , Christi vices gerit , ut Deum pro

pro se , & pro omni populo suppli-  
citer , & humiliter roget.

Habet namque ante se , & retrò  
Dominicæ Crucis signum , ad me-  
morandam jugiter Christi Passio-  
nem. Ante se Crucem in Casula por-  
tat , ut Christi vestigia diligenter in-  
spiciat , & sequi ferventer studcat.

Post se Cruce signatus est , ut ad-  
versa quælibet , ab aliis illata , æqua-  
nimiter pro Deo toleret.

Ante se Crucem gerit , ut pro-  
pria peccata lugeat : post se , ut ali-  
orum etiam commissa per compas-  
sionem defleat , & se medium inter  
Deum , & peccatorem constitutum  
esse sciat.

Nec ab oratione , & oblatione  
sancta torpescat , donec gratiam , &  
misericordiam impetrare mereatur.

Quando Sacerdos Celebrat , De-  
um honorat ; Angelos lætificat ; Ec-  
clesiam ædificat ; vivos adjuyat ; de-  
fun-

functis requiem præstat ; & sese omnium bonorum participem efficit.

## CAPUT VI.

*Interrogatio de exercitio ante Communionem.*

V O X D I S C I P U L I .

1. **C**Um tuam dignitatem , Domine , & meam vilitatem penso , valde contremisco , & in me ipso confundor .

Si enim non accedo , vitam fugio : & si indignè me ingressero , offensam incurro .

Quid ergo faciam , Deus meus , auxiliator meus , & consiliator in necessitatibus ?

2. Tu doce me viam rectam : propone breve aliquid exercitium , sacræ Communioni congruum .

Utile est enim scire , qualiter sci- licet devotè , ac reverè tibi præpara- rare debeam cor meum , ad recipi- endum

endum salubriter tuum Sacramen-  
tum, seu etiam Celebrandum tam  
magnum, & divinum Sacrificium.

## CAPUT VII.

*De discussione propriæ conscientiæ;  
& emendationis proposito.*

## VOX DILECTI.

I. **S**uper omnia, cum summa hu-  
militate cordis, & supplici  
reverentia, cum plena fide, & pia  
intentione honoris Dei, ad hoc Sa-  
cramentum Celebrandum, tractan-  
dum, & sumendum, oportet Dei  
accedere Sacerdotem.

Diligenter examina Conscienti-  
am tuam: & pro posse tuo, vera  
contritione, & humili Confessione,  
eam munda, & clarifica; ita, ut  
nihil grave habeas, aut scias, quod  
te remordeat, & liberum acces-  
sum impedit.

Habeas displicantiam omnium  
peccatorum tuorum in generali, &  
pro.

pro quotidianis excessibus magis in  
speciali doleas , & gemas.

Et , si tempus patitur , Deo in se-  
creto cordis cunctas confitere pa-  
ssionum tuarum miserias.

2. Ingemisce , & dole , quòd ad-  
huc ita carnalis sis , & mundanus :  
tam immortificatus à passionibus :  
tam plenus concupiscentiarum mo-  
tibus.

Tam incustoditus in sensibus ex-  
terioribus : tam sàpè multis vanis  
phantasiis implicatus :

Tam multùm inclinatus ad exte-  
riora : tam negligens ad interiora.

Tam levis ad risum , & dissoluti-  
onem : tam durus ad fletum , &  
compunctionem.

Tam promptus ad laxiora , &  
carnis commoda : tam segnis ad ri-  
gorem , & fervorem.

Tam curiosus ad nova audiен-  
da , & pulchra intuenda : tam re-  
missus

missus ad humilia , & abjecta amplectenda.

Tam cupidus ad multa habenda : tam parcus ad dandum : tam tenax ad retinendum.

Tam inconsideratus in loquendo ; tam incontinentis in tacendo.

Tam incompositus in moribus : tam importunus in actibus.

Tam effusus super cibum : tam surdus ad Dei Verbum.

Tam velox ad quietem : tam tardus ad laborem.

Tam vigilans ad fabulas : tam somnolentus ad vigilias sacras.

Tam festinus ad finem : tam vagus ad attendendum.

Tam negligens in horis persolvendis : tam tepidus in Celebrando : tam aridus in Communicando.

Tam citò distractus : tam raro plenè tibi collectus.

Tam subitò commotus ad iram :

tam

tam facilis ad alterius displicantiam.

Tam pronus ad judicandum :  
tam rigidus ad arguendum.

Tam latus ad prospera : tam de-  
bilis in adversis.

Tam sèpè multa bona proponens,  
& modicum ad effectum perducens.

3. Hîs , & aliis defectibûs tuîs ,  
cum dolore , & magna displicantia  
propriæ infirmitatis confessîs , ac  
deploratîs , firmum statue proposi-  
tum semper emendandi vitam tuam ,  
& in melius proficiendi.

Deinde cum plena resignatione ,  
& integra voluntate , offer teipsum  
in honorem nominis mei , in ara  
cordis tui , holocaustum perpetuum ;  
corpus tuum scilicet , & animam  
mihi fideliter committendo.

Quatenùs sic dignè merearis  
ad offerendum Deo sacrificium ac-  
cedere , & Sacramentum Corporis  
mei salubriter suscipere.

4. Non est enim Oblatio dignior,  
 & satisfactio major pro peccatis di-  
 luendis, quām scipsum purē, & in-  
 tegrē, cum oblatione Corporis  
 Christi, in Missa, & in Communi-  
 one Deo offerre.

Si fecerit homo, quod in se est,  
 & verē pœnituerit; quotiescumque  
 pro venia, & gratia ad me accesser-  
 it, *Vivo ego, Dicit Dñus, quia no-*  
*lo mortem peccatoris, sed magis, ut*  
*convertatur, & vivat: quoniam*  
*peccatorum suorum non recordabor*  
*amplius, sed sibi cūcta indulta erunt.*

### C A P U T VIII.

*De Oblatione Christi in Cruce, &*  
*propria resignatione.*

### V O X D I L E C T I .

I. **S**icut ego meipsum, expansis  
 in Cruce manibūs, & nudo  
 corpore, pro peccatis tuis Deo Pa-  
 tri spontē obtuli, ita, ut nihil in me  
 remanceret, quin totum in sacrifici-  
 um

um divinæ placationis transiret;

Ita debes, & tu temetipsum mihi voluntariè in oblationem puram, & sanctam, quotidie in Missa, cum omnibus viribus, & affectibus tuis, quantò intimius vales, offerre.

Quid magis à te requiro, quam ut te studeas mihi ex integro resignare?

Quidquid, præter te ipsum, das, nihil curo: quia non quæro datum tuum, sed te.

2. Sicut non sufficeret tibi, omnia habere, præter me; ita nec mihi placere poterit, quidquid deridis, te non oblato.

Offer te mihi, & da te totum pro Deo; & erit accepta oblatio.

Ecce, ego me totum obtuli Patri pro te; dedi etiam totum Corpus meum, & Sanguinem in cibū, ut totus tuus essem, & tu meus permaneres.

Si autem in te ipso stereris, nec sponte

spontè te ad voluntatem meam ob-  
tuleris , non est plena oblatio , nec  
integra erit inter nos unio.

Igitur omnia opera tua præce-  
dere debet spontanea tui ipsius in  
manus Dei oblatio , si libertatem  
consequi vis , & gratiam.

Ideo enim tam pauci illuminati ,  
& liberi intùs efficiuntur , quia se-  
ipsos ex toto abnegare nesciunt.

Est firma sententia mea : *Nisi quis renunciaverit omnibus , non potest meus esse discipulus.* Tu er-  
go , si optas meus esse discipulus ,  
offer te ipsum mihi , cum omnibus  
affectionibus tuis.

### CAPUT IX.

*Quod nos , & omnia nostra Deo debe-  
mus offerre , & pro omnibus orare.*

### VOX DISCIPULI.

I. **D**omine , omnia tua sunt ;  
quæ in Cœlo sunt , & quæ  
in terra.

Desidero meipsum tibi in spontaneam oblationem offerre, & tuus perpetuè permanere.

Domine, in simplicitate cordis mei offero meipsum tibi hodie in servum sempiternum, & in obsequium & in sacrificium laudis perpetuæ.

Suscipe me, cum hac sancta oblatione tui pretiosi Corporis, quam tibi hodie in præsentia Angelorum, invisibiliter assistentium, offero; ut sit pro me, & pro cuncto populo tuo in salutem.

2. Domine, offero tibi omnia peccata, & delicta mea, quæ commisi coram te, & Sanctis Angelis tuis, à die, quo primùm peccare potui, usque ad horam hanc, super placibili altari tuo: ut tu omnia pariter incendas, & comburas igne charitatis tuæ, & deleas universas maculas peccatorum meorum, & Conscientiam meam ab omni delicto emundes,

des, & restituas mihi gratiam tuam,  
quam peccando amisī; omnia mihi  
plenē indulgendo, & in osculum  
pacis me misericorditer assumendo.

3. Quid possum agere pro pecca-  
tis meis, nisi humiliter ea confiten-  
do, & lamentando, & tuam propi-  
tiationem incessanter deprecando?

Deprecor te, exaudi me propi-  
tiū, ubi asto coram te, Deus meus.

Omnia peccata mea mihi maxi-  
mè displicent: nolo ea unquam  
amplius perpetrare: sed pro eis do-  
leo, & dolebo, quamdiū vixero,  
paratus pœnitentiam agere, & pro  
posse satisfacere.

Dimitte mihi, Deus, Dimitte  
mihi peccata mea, propter nomen  
sanctum tuum: salva animam me-  
am, quam pretioso Sanguine tuo  
redemisti.

Ecce committo me misericordiæ  
tuæ, resigno me manibus tuis.

Age mecum secundum bonitatem tuam; non secundum meam malitiam, & iniquitatem.

4. Offero etiam tibi omnia bona mea, quamvis valde pauca, & imperfecta; ut tu ea emendas, & sanctifiques; ut ea grata habeas, & accepta tibi facias, & semper ad meliora trahas; nec non ad beatum, ac laudabilem finem, me pigrum, & inutilem homuncionem perducas.

Offero quoque tibi omnia pia desideria devotorum, necessitates parentum, amicorum, fratribus, sororum, omniumque charorum meorum, & eorum, qui mihi, vel aliis propter amorem tuum bene fecerunt.

Et, qui Orationes, & Missas prose, suique omnibus dici a me desideraverunt, & petierunt; sive in carne adhuc vivant, sive jam saeculo defuncti sint.

Ut omnes sibi auxilium gratiæ tuæ, opem consolationis, protectionem à periculis, liberationem à pœnis, advenire sentiant, & ut ab omnibus malis crepti, gratias tibi magnificas læti persolvant.

6. Offero etiam tibi preces, & hostias placationis, pro illis specia- liter, qui me in aliquo læserunt, contristaverunt, aut vituperaverunt, vel aliquod damnum, vel grava- men intulerunt.

Pro his quoque omnibus, quos aliquando contristavi, conturbavi, gravavi, & scandalizavi, verbis, fa-ctis, scienter, vel ignoranter; ut nobis omnibus pariter indulgeas peccata nostra, & mutuas offen- siones.

Aufer, Domine, à cordibus no- stris omnem suspicionem, indigna- tionem, iram, & disreptionem, & quidquid potest charitatem lade-

DE IMITATIONE  
re, & fraternalm dilectionem mi-  
nuere.

Miserere, miserere, Domine,  
misericordiam tuam poscentibus;  
da gratiam indigentibus; & fac nos  
tales existere, ut simus digni gratiâ  
tuâ perfaci, & ad vitam proficia-  
mus æternam. Amen.

### CAPUT X.

*Quod sacra Communio de facili non  
est relinquenda.*

### VOX DILECTI.

I. **F**requenter recurrendum est  
ad fontem gratiæ, & divi-  
næ misericordiæ, ad fontem boni-  
tatis, & totius pietatis: quatenus  
à passionibus tuis, & vitiis curari  
valeas, & contra universas tentati-  
ones, & fallacias diaboli fortior,  
atque vigilantior effici merearis.

Inimicus, sciens, fructum, & re-  
medium maximum in sacra Com-  
munione positum, omni modo, &  
occasi-

occasione nititur fideles , & devo-  
tos , quantum prævalet , retrahere ,  
& impedire

2. Cùm enim quidam sacræ  
Communioni se aptare disponunt ,  
pejores Satanæ iñissiones patiūtur .

Ipse enim nequam spiritus (ut in  
Job scribitur ) venit inter filios Dei ,  
ut solitâ illos nequitiâ suâ pertur-  
bet , aut timidos nimium reddat , &  
perplexos : quatenus affectum co-  
rum minuat , vel fidem impugnan-  
do , auferat ; si fortè aut omnino  
Communionem relinquant , aut  
cum tepercusse accedant .

Sed non est quidquam curandum  
de versutiis , & phantasiis illius .  
quantumlibet turpibus , & horridis ;  
sed cuncta phantasmata in caput  
ejus sunt retorquenda .

Contemnendus est miser , & de-  
ridendus ; nec propter insultus ejus ,  
& comotiones , quas suscitat , sacra

**cit omittenda Communio.**

3, Sæpè etiam impedit nimia sollicitudo pro devotione habenda, & anxietas quædam de Confessione facienda.

Age secundùm consilium sapientum, & depone anxietatem, & scrupulum: quia gratiam Dei impedit, & devotionem mentis destruit.

Propter aliquam parvam turbationem, vel gravitatem, sacram dimittas Communionem: sed vade citius Confiteri, & omnes offenses aliis libenter indulge.

Si verò tu aliquem offendisti, veniam humiliter precare, & Deus libenter indulget tibi.

4. Quid prodest diù tardare Confessionem, aut sacram differre Communionem?

Expurga te cumprimis, expue velociter venenum, festina accipere remedium; & senties melius,

quam

quām si diū distuleris.

Si hodie propter istud dimittis,  
cras forsitan aliud majus eveniet:  
& sic diū posses à Communione im-  
pediri, & magis ineptus fieri.

Quantò ergo citius vales, à præ-  
senti gravitate, & ineptia te excutias;  
quia nihil importat diū anxiari, diū  
cum turbatione transire, & ob quo-  
tidiana obstacula sc à divinis seque-  
strare.

Imò plurimùm nocet, diū Com-  
munionem protelare; nam gravem  
corporē consuevit inducere.

Proh dolor! quidam tepidi, &  
dissoluti, moras confitendi libenter  
accipiunt, & Communionem sa-  
cram idcirò differre cupiunt, ne ad  
majorem sui custodiam sc dare te-  
neantur.

5. Heu, quām modicam charita-  
tem, & debilem devotionem ha-  
bent, qui sacram Communionem,

tam faciliter postponunt !

Quàm felix ille , & Deo acceptus  
habetur , qui sic vivit , & in tali pu-  
ritate Conscientiam suam custodit ,  
ut etiam omni die Communicare  
paratus , & benè affectus esset , si ei  
liceret , & sine nota agere posset !

Si quis interdum abstinet humi-  
litatis gratiâ , aut legitimâ impedi-  
ente causâ , laudandus est de rever-  
tentia .

Si autem torpor obrepserit , se-  
ipsum excitare debet , & facere , quod  
in se est ; & Dominus aderit desi-  
derio suo pro bona voluntate ,  
quam specialiter respicit .

6. Cùm verò legitimè præpedi-  
catus est , habebit semper bonam vo-  
luntatem , & piam intentionem  
Communicandi ; & sic non carebit  
fructu Sacramenti .

Potest enim quilibet devotus , o-  
mni die , & omni hora , ad spiritua-  
lem

lem Christi Communione salubriter, & sine prohibitione accedere.

Et tamen certis diebus, & statuto tempore Corpus sui Redemptoris, cum affectuosa reverentia Sacramentaliter debet suscipere, & magis laudem Dei, & honorem, prætendere, quam suam consolationem querere.

Nam toties mysticè Communicat, & invisibiliter reficitur, quoties Incarnationis Christi Mysterium, Passionemque devotè recolit, & in amore ejus acceditur.

7. Qui aliter se non præparat, nisi instantे festo, vel consuetudine compellente, sapientius imparatus erit.

Beatus, qui se Domino in holocaustum offert, quoties Celebrat, aut Communicat.

Non sis in celebrando nimis prolixus, aut festinus; sed serva bonum communem modum, cum

quibus vivis.

Non debes aliis generare molestiam, & tedium ; sed communem servare viam secundum Majorum institutionem ; & potius aliorum servire utilitati, quam propriæ devotioni, vel affectui.

### CAPUT XI.

*Quod Corpus Christi, & sacra Scriptura maxime sint animæ fidei necessaria.*

### VOX DISCIPULI.

I. **O** Dulcissime Domine Jesu, quanta est dulcedo devotæ animæ, tecum epulantis in convivio tuo : ubi ei non alijs cibus manducandus proponitur, nisi tu unicus dilectus ejus, super omnia desideria cordis ejus desiderabilis !

Et mihi quidē dulce foret, in præsentia tua ex intimo affectu lacrymas fundere, & cum pia Magdalena pedes tuos lacrymis irrigare.

sed

Sed ubi est hæc devotio? ubi lacrymarum sanctorum copiosa effusio?

Certè in conspectu tuo, & sanctorum Angelorum tuorum, totum cor meum ardere deberet, & ex gaudio flere.

Habeo enim te in Sacramento verè præsentem, quamvis aliena specie occultatum.

2. Nam in propria, & Divina claritate te conspicere, oculi mei ferre non possent: sed neque totus mundus in fulgore gloriæ Majestatis tuæ subsisteret.

In hoc ergo imbecillitati meæ consulis, quod te sub Sacramento abscondis.

Habeo verè, & adoro, quem Angeli adorant in Cælo: sed ego adhuc interim in fide; illi autem in specie, & sine velamine.

Me oportet contentum esse lumine veræ fidei, & in ea ambulare

donec aspiret dies æternæ claritatis,  
& umbræ figurarum inclinentur.

Cùm autem venierit, quod perfec-  
tum est, cessabit usus Sacramento-  
rum; quia Beati in gloria Cælesti nō  
egent medicamine Sacramentali.

Gaudent enim sine fine in spæ-  
sentia Dei, facie ad faciem gloriam  
eius speculantes, & de claritate in  
claritatem abyssalis Deitatis trans-  
formati; gustant Verbum Dei Caro-  
factum, sicut fuit ab initio, & ma-  
net in æternum.

3. Memor horum mirabilium,  
grave mihi fit tedium, etiam quod-  
libet spirituale solatium; quia,  
quamdiù Dominum meum aperte  
in sua gloria non video, pro nihilo  
duco omne, quod in mundo  
conspicio, & audio.

Testis es tu mihi, Deus, quod  
nulla res me potest consolari, nulla  
creatura, quietare, nisi tu Deus  
meus,

meus, quem desidero aeternaliter  
contemplari,

Sed non est hoc possibile, duran-  
te me in hac mortalitate.

Ideò oportet, ut me ponam ad  
magnam patientiam, & meipsum  
in omni desiderio tibi submittam.

Nam & Sancti tui, Domine, qui  
tecum jam in regno Cælorum exul-  
tant, in fide, & patientia magna, dum  
viverent, adventum gloriæ tuæ ex-  
spectabant. Quod illi crediderunt,  
ego credo: quod illi speraverunt,  
ego spero: quod illi pervenerunt, per  
gratiam tuam me venturum cōfido.

Ambulabo interim in fide, exem-  
plis confortatus Sanctorum.

Habeo etiam libros sanctorum pro  
solatio, & vitæ speculo; atque super  
hæc omnia, sanctissimum Corpus  
tuum pro singulari remedio, &  
refugio.

4. Duo namque mihi necessaria

per maximè sentio in hac vita, sine quibus mihi importabilis foret ista miserabilis vita.

In carcere corporis hujus detenus, duobus me egere fatcor, cibo scilicet, & lumine.

Dedisti itaque mihi infirmo sacram Corpus tuum ad refectionem mentis, & corporis: & posuisti lucernam pedib<sup>9</sup> meis, verbum tuum.

Sine his duobus benè vivere non possem: nam Verbum Dei, lux animæ meæ; & Sacramentum tuum, panis vitæ.

Hæc possunt etiam dici mensæ duæ, hinc, & inde in gazophylacio sanctæ Ecclesiæ positæ.

Una mensa est sacri Altaris, habens panem sanctum, id est, Corpus Christi pretiosum.

Altera est divinæ legis, continens doctrinam sanctam, erudiens in fide recta, & firmiter usque ad  
inten-

interiora velaminis, ubi sunt Sancta Sanctorum, perducens.

Gratias tibi, Domine Jesu, lux lucis æternæ, pro doctrinæ sacræ mensa, quam nobis per servos tuos Prophetas, & Apostolos, aliósque Doctores, ministrâsti.

5. Gratias tibi Creator, ac Redemptor hominum, qui ad declarandam toti mundo charitatem, Cœnam parâsti magnam, in qua non Agnum typicum, sed tuum sanctissimum Corpus, & Sanguinem proposuisti manducandum, & bibendum, lætificans omnes fideles convivio sacro, & calice inebrians salutari, in quo sunt omnes deliciæ paradisi, & epulantur nobiscum Angeli sancti, sed suavitate feliori.

6. O quām magnum, & honorabile est officium Sacerdotum, quibus datum est, Dominum majestatis verbis factis Consecrare, labiis be-

nedicere , manibus tenere , ore proprio sumere , & ceteris ministrare !

O quām mundæ debent esse manus illæ , quām purum os , quām sanctum corpus , quām immaculatum cor erit Sacerdotis , ad quem toties ingreditur Auctor puritatis !

Ex ore Sacerdotis nihil nisi sanctum , nihil nisi honestum , & utile procedere debet verbum , qui tam sāpē Christi accipit Sacramentum.

7. Oculi ejus simplices , & pudici , qui Christi Corpus solent intueri . Manus puræ , & in Cælum elevatæ , quæ Creatorem Cæli , & terræ solent contrectare .

Sacerdotibus specialiter in Lege dicitur : *Sancti estote , quoniam ego sanctus sum Dominus Deus vester.*

8. Adjuvet nos gratia tua , Omnipotens Deus , ut , qui officium Sacerdotale suscepimus , dignè , ac devote tibi in omni puritate , & conscientia

entia bona famulari valeamus.

Et, si non possumus in tanta innocentia vitæ conversari, ut debemus, concede nobis tamen dignè flere mala, quæ gessimus, ut in spiritu humilitatis, ac bonæ voluntatis proposito, tibi ferventiùs de cætro deservire valeamus.

### C A P U T . XII.

*Quod magna diligentia se debet  
Comunicatus Christo præparare.*

### V O X D I L E C T I .

I. **E**go sum puritatis amator, & dator omnis sanctitatis.

Ego cor purum quæro, & ibi est locus requietionis meæ.

Para mihi cænaculum grande stratum, & faciam apud te Pascha cum discipulis meis.

Si vis, ut veniam ad te, & apud te maneam, expurga vetus fermentum, & munda cordis tui habitaculum.

Exclu-

Exclude totum sæculum , & o-  
mnem vitiorum tumultum : sede,  
tanquam passer solitarius in tecto , &  
cogita excessus tuos in amaritudine  
animæ tuæ.

Omnis namque amans suo dile-  
cto amatori optimum , & pulcher-  
r um præparat locum ; quia in hoc  
cognoscitur affectus suscipientis di-  
lectum.

2. Scito tamen , te non posse sa-  
tisfacere huic præparationi ex me-  
rito tuæ actionis , etiamsi per inte-  
grum annum te præparares , & nihil  
aliud in mente haberes.

Sed ex sola pietate , & gratia  
mea permitteris ad mensam meam  
accedere : acsi mendicus ad pran-  
dium vocaretur divitis , & ille nihil  
aliud habeat ad retribuendum be-  
neficiis ejus , nisi se humiliando , &  
ei regratiando.

Fac , quod in te est , & diligenter  
facito

facito : non ex consuetudine , non ex necessitate , sed cum timore , & reverentia , & affectu , accipe Corpus dilecti Domini tui , dignantis ad te venire.

Ego sum , qui vocavi ; ego jussi fieri : ego supplebo , quod tibi deest : veni , & suscipe me .

3. Cum gratiam devotionis tribuo , gratias age Deo tuo ; non , quia dignus es , sed quia tui miseratus sum .

Si non habes , sed magis aridum te sentis , insiste orationi , ingemisce , & pulsa : nec desistas , donec merearis micam , aut guttam gratiae salvatris accipere .

Tu mei indiges , non ego tui indigeo .

Nec tu me sanctificare venis , sed ego te sanctificare , & meliorare venio .

Tu venis , ut ex me sanctificeris ,  
& mi-

& mihi uniaris: ut novam gratiam recipias, & de novo ad emendationem accendaris.

Noli negligere hanc gratiam: sed præpara cum omni diligentia cor tuum, & introduc ad te dilectum tuum.

4. Oportet autem, ut non solum te præpares ad devotionem ante Communionem, sed ut etiam te sollicitè conserves in ea post Sacramenti perceptionem. Nec minor custodia post exigitur, quam de vota præparatio prius. Nam bona postmodùm custodia optima iterum est præparatio ad majorem gratiam consequendam.

Ex eo quippe valde indispositus quis redditur, si statim fuerit nimis effusus ad exteriora solatia.

Cave à multiloquio: mane in secreto, & fruere Deo tuo: ipsum enim habes, quem totus mundus tibi

tibi auferre non potest.

Ego sum , cui te totum dare debes : ita ut jam ultrà non in te , sed in me , absque omni solicitudine vivas.

### CAPUT XIII.

*Quod toto corde anima devota Christi unionem in Sacramento affectare debet.*

### VOX DISCIPULI.

I. **Q**uis mihi det , Domine , ut inveniam te solum , & aperiam tibi totum cor meum , & fruar te , sicut desiderat anima mea : & jam me nemo despiciat , nec ulla creatura me moveat , vel respiciat , sed tu solus mihi loquaris , & ego tibi ; sicut solet dilectus ad dilectum loqui , & , amicus cum amico convivari ?

Hoc oro , hoc desidero , ut tibi totus uniar , & cor meum ab omnibus creatis rebus abstraham , magisque

gísque per sacram Communionem,  
ac frequentem Celebrationm, Cæ-  
lestia , & æterna sapere discam.

Ah Domine Deus , quando ero  
tecum totus unitus , & absorptus ,  
meique totaliter oblitus !

Tu in me, & ego in te ; & sic nos  
pariter in unum manere concede.

2. Verè tu es dilectus meus , ele-  
ctus ex millibus , in quo compla-  
cuit animæ meæ habitare omnibus  
diebus vita suæ.

Verè tu pacificus meus , in quo  
pax summa , & requies vera : extra  
quem labor , & dolor , & infinita  
miseria.

Verè tu es Deus absconditus ; &  
consilium tuum non est cum impi-  
is, sed cum humilibus , & simplici-  
bus sermo tuus.

O quām suavis est, Domine, spiri-  
tus tuus , qui , ut dulcedinem tuam  
in filios demonstrares , pane suavis-  
simo ,

simo , de Cælo descendente , illos  
reficere dignaris .

Verè non est alia natio tam gran-  
dis , quæ habeat Deos appropin-  
quantes sibi , sicut tu , Deus noster ,  
ades universis fidelibus tuis ; quibus  
ob quotidianum solatum , & cor  
erigendum in Cælum , te tribuis ad  
edendum , & fruendum .

3. Quæ est enim alia gens tam  
inclyta , sicut gens Christiana ?

Aut quæ creatura sub Cælo tam  
dilecta , ut anima devota , ad quam  
ingreditur Deus , ut pascat eam car-  
ne sua gloriofa ?

O ineffabilis gratia ! ô admirabi-  
lis dignatio ! ô amor immensus ,  
homini singulariter impensus ?

Sed quid retribuam Domino pro  
gratia ista , pro charitate tam eximia ?

Non est aliud , quod gratius do-  
nare queam , quam , ut cor meum  
Deo meo totaliter tribuam , & inti-  
mè

mē conjungam

Tunc exultabunt omnia interio-  
ra mea , cūm perfectē fuerit unita  
Deo anima mea.

Tunc dicet mihi : Si tu vis esse  
mecum , ego volo esse tecum. Et  
ego respondebo illi: Dignare , Do-  
mine , manere mecum ; ego volo  
libenter esse tecum.

Hoc est totum desiderium me-  
um, ut cor meum tibi sit unitum.

#### C A P U T XIV.

*De quorundam devotorum ardenti  
desiderio ad Corpus Christi.*

#### V O X D I S C I P U L I .

I. **O** quam magna multitudo dul-  
cedinis tuae , Domine , quam  
abscondisti timentibus te ! Quando  
recordor devotorum aliquorum, ad  
Sacramentum tuum , Domine, cum  
maxima devotione , & affectu acce-  
dantium , tunc saepius in me ipso  
confundor, & erubesco, quod ad Al-  
tarē

tare tuum , & sacræ Communionis mensam , tam tepidè , & frigidè accedo.

Quòd ita aridus , & sine affectione cordis maneo : quòd non sum totaliter accensus coram te Deo meo : nec ita vehementer attractus , & affectus , sicut multi devoti fuerunt , qui præ nimio desiderio Communionis , sensibili cordis amore , à fletu se non potuerunt continere .

Sed ore cordis , & corporis pariter ad te Deum , fontem vivum , medullitùs inhiabant , suam esuriem non valentes aliter temperare , nec satiare , nisi Corpus tuum cum omni jucunditate , & spirituali avjditate accepissent .

2. O verè ardens fides eorum , probabile existens argumentum sacræ præsentia tuz !

Isti enim veraciter cognoscunt Dominum suum in fractione panis ,  
quorum

quorum cor tam validè ardet in eis, de Jesu ambulante cum eis.

Longè est à me sàpè talis affectus, & devotio, tam vehemens amor, & ardor.

Esto mihi propitius, Jesu bone, dulcis, benigne! & concede pauperi mendico tuo, vel interdum modicum de cordiali affectu amoris tui in sacra Communione sentire; ut fides mea magis convalescat, spes in bonitate tua proficiat, & charitas, semel perfectè accensa, & Cælestè manna experta, nunquam deficiat.

3. Potens est autem misericordia tua etiam gratiam desideratam mihi præstare, & in spiritu ardoris, cùm dies beneplaciti tui venerit, me clementissimè visitare.

Etenim, licet tanto desiderio tam specialium devotorum tuorum non ardeo, tamen de gratia tua, illius magni inflammati desiderii desider-

siderium habeo, orans, & desiderans,  
omnium talium fervidorum amato-  
rum tuorum participem me fieri, ac  
eorum sancto consortio anumerari.

## CAPUT XV.

*Quod gratia devotionis, humilitate,  
& sui ipsius abnegatione ac-  
quiritur.*

## VOX DILECTI.

1. O Portet te devotionis gratiam  
instanter querere, deside-  
ranter petere, patienter, & fiducia-  
liter exspectare, gratanter recipere,  
humiliter conservare, studiosè cum  
ea operari, ac Deo tempus, &  
modum supernæ visitationis, donec  
veniat, committere.

Humiliare præcipue te debes,  
cum parum, aut nihil devotionis in-  
terioris sentis; sed non nimium dej-  
ei, nec inordinate contristari.

Dat sœpè Deus in uno brevi mo-  
mento, quod longo negavit tem-  
pore:

pore: dat quandoque in fine, quod in principio orationis distulit dare.

2. Si semper citò gratia daretur, & pro voto adesset, non esset infirmo homini benè portabile.

Propterea in bona spe, & humili patientia, exspectanda est devotionis gratia. Tibi tamen, & peccatis tuis imputa, cùm non datur, vel etiam occultè tollitur.

Modicum quandoque est, quod gratiam impedit, & abscondit; si tamen modicum, & non potius grande dici debeat, quod tantum bonum prohibet.

Et, si hoc ipsum modicum, vel grande amoveris, & perfectè vice-ris, erit, quod petisti.

3. Statim namque, ut te Deo ex toto corde tradideris, nec hoc, vel illud pro tuo libitu, seu velle, quæsieris, sed integrè te in ipso posueris, unitum te invenies, & pacatum;

tum ; quia nihil ita benè sapiet, & placebit , sicut beneplacitum Divinæ voluntatis.

Quisquis ergo intentionem suam simplici corde sursum ad Deum levaverit, séque ab omni inordinato amore , seu displicantia cuiuslibet rei creatæ, evacuaverit , aptissimus gratiæ percipiendæ , ac dignus devotionis munere erit.

Dat enim Dominus ibi benedictionem suam , ubi vasa vacua invenerit.

Et , quantò perfectius infirmis quis renuntiat , & magis sibi ipsi per contemptum sui moritur , tantò gratia celerius venit , copiosius intrat , & altius liberum cor elevat.

4. Tunc videbit , & affluet , & mirabitur , & dilatabitur cor ejus in ipso ; quia manus Domini cum eo , & ipse se posuit totaliter in manu ejus usque in sæculum.

Ecce sic benedicitur homo, qui quærit Deum in toto corde suo, nec in vanum accipit animam suā.

Hic in accipiendo Sacram Eucharistiam, magnam promeretur divinæ unionis gratiam; quia non respicit ad propriam devotionem, & consolationem, sed super omnem devotionem, & consolationem, ad Dei gloriam, & honorem.

### CAPUT XVI.

*Quod necessitates nostras Christo aperire, & ejus gratiam postulare debemus.*

### VOX DISCIPULI.

I. **O** Dulcissime, atque amantissime Domine, quem nunc devotè desidero suscipere! tu scis infirmitatem meam, & necessitatem, quam patior; in quantis malis, & vitiis jaceo; quam sæpè sum gravatus, tentatus, turbatus, & inquinatus.

Pro remedio ad te venio; pro consolatione, & subleyamine te deprecor.

Ad omnia scientem loquor, cui manifesta sunt omnia interiora mea, & qui solus potes me perfectè consolari, & adjuvare.

Tu scis, quibus bonis indigeo præ omnibus, & quam pauper sum in virtutibus.

2. Ecce, sto ante te pauper, & nudus, gratiam postulans, & misericordiam implorans.

Refice esurientem mendicum tuum; accende frigiditatem meam igne amoris tui; illumina cæcitatem meam claritate præsentiae tuæ.

Verte mihi omnia terrena in amaritudinem, omnia gravia, & contraria in patientiam, omnia infima, & creata in contemptum, & oblivionem.

Erige cor meum ad te in Cælum;

& ne dimittas me vagari super terram.

Tu solus mihi ex hoc jam dulcescas usque in saeculum ; quia tu solus cibus , & potus meus , amor meus , & gaudium meum , & totum bonum meum .

3. Utinam me totaliter ex tua praesentia accendas , comburas , & in te transmutes ; ut unus tecum efficiar spiritus , per gratiam internae unionis , & liquefactionem ardoris amoris !

Ne patiaris , me jejunum , & aridum a te recedere ; sed operare mecum misericorditer , sicut saepius operatus es cum Sanctis tuis mirabiliter .

Quid mirum , si totus ex te ignescerem , & in meipso deficerem ; cum tu sis ignis semper ardens , & nunquam deficiens , amor corda purificans , & intellectum illuminans ?

## CAPUT XVII.

*De ardenti amore , & vehementi  
affectu suscipiendo Christum.*

## VOX DISCIPULI.

1. **C**Um summa devotione , & ardentis affectu , & fervore , desidero te , Domine , suscipere ; quemadmodum multi Sancti , & devotæ personæ , in Communicando te desideraverunt , qui tibi maximè in sanctitate vitæ placuerunt , & in ardentesissima devotione fuerunt .

O Deus meus , amor æternus , totum bonum meum , felicitas interminabilis ! cupio te suscipere cum vehementissimo desiderio , & dignissima reverentia , quam quis Sanctorum umquam habuit , & sentire potuit .

2. Et , licet indignus sim omnia illa sentimenta devotionis habere , tamen offero tibi totum cordis mei

affectum, ac si omnia illa gratissima  
inflammata desideria solus haberem.

Sed & quæcunq; potest pia mens  
concipere, & desiderare, hæc omnia  
tibi, cum summa reverentia vene-  
ratione, & intimo favore, præbeo,  
& offero.

Nihil opto mihi reservare, sed  
me, & omnia mea tibi spontè, &  
libentissimè immolare.

Domine Deus meus, creator  
meus, & redemptor meus, cum tali  
affectu, reverentia, laude, & ho-  
nore; cum tali gratitudine, digni-  
tate, & amore; cum tali fide, spe,  
& puritate, te affecto hodie susci-  
pere, sicut te suscepit, & desidera-  
vit sanctissima Mater tua, gloria  
Virgo Maria, quando Angelo evan-  
gelizanti sibi Incarnationis myste-  
rium, hum liter, ac devotè, respon-  
dit: Ecce ancilla Domini; fiat mibi  
secundùm verbum tuum.

3. Et , sicut beatus præcursor tu-  
us, excellentissimus Sanctorum Jo-  
annes Baptista, in præsentia tua læ-  
tabundus exultavit in gaudio Spir-  
itus sancti , dum adhuc maternis  
clauderetur visceribus ; & postmo-  
dùm cernens te inter homines am-  
bulantem , valdè se humilians ,  
devoto cum affectu dicebat: *Amicus  
autem sponsi , qui stat , & audit  
eum , gaudio gaudet propter vocem  
sponsi ; sic & ego , magnis , & sacris  
desideriis opto inflamari , & tibi ex  
toto corde meipsum præsentare.*

Unde & omnium devotorum cor-  
dium jubilationes , ardentes affe-  
ctus , mentales excessus , ac super-  
naturales illuminationes , & cælicas  
visiones tibi offero, & exhibeo, cum  
omnibus virtutibus , & laudibus , ab  
omni creatura in Cœlo , & in terra  
celebratis , & celebrandis , pro me ,  
& omnibus mihi in oratione com-

mendatis ; quatenus ab omnibus  
dignè lauderis , & in perpetuum  
glorificeris.

4. Aceipe vota mea , Domine ,  
Deus meus, & desideria infinitæ lau-  
dationis , ac immensæ benedictio-  
nis, quæ tibi, secundum multitudi-  
nem ineffabilis magnitudinis tuæ ,  
jure debentur.

Hæc tibi redbo , & reddere desi-  
dero, per singulos dies , & momen-  
ta temporum; atque ad reddendum  
mecum tibi gratias , & laudes , o-  
mnes Cælestes spiritus , & cunctos  
fideles tuos, precibus , & affectibus,  
invito , & exoro.

5. Laudent te universi populi ,  
tribus , & linguæ ; & sanctum , ac  
mellifluum nomen tuum, cum sum-  
ma jubilatione , & ardenti devoti-  
one , magnificent.

Et, quicunque reverenter, ac de-  
votè, altissimum Sacramentum tu-  
um

um celebrant, & plena fide recipiunt,  
gratiam, & misericordiam apud te  
invenire mereantur, & pro me pec-  
catore suppliciter exorent.

Cùmque optata devotione, ac  
fruibili unione, potiti fuerint, &  
benè consolati, ac mirificè refecti,  
de sacra Mensa Cœlesti abscesserint,  
mei pauperis recordari dignentur.

### CAPUT XVIII.

*Quod homo non sit curiosus scruta-  
tor Sacramenti, sed humilis imita-  
tor Christi, subdendo sensum  
suum sacræ fidei.*

### VOX DILECTI.

1. **C**Avendum est tibi à curiosa,  
& inutili perscrutatione hu-  
jus profundissimj Sacramentij, si  
non vis in dubitationis profundum  
demergi.

*Qui scrutator est majestatis, op-  
primetur à gloria. Plùs valet Deus  
operari, quàm homo intelligere*

poteſt.

Tolerabilis eſt pia, & humiliſ in-  
quisitio veritatis, parata ſemper  
doci, & per ſanas Patrum ſen-  
tentias ſtudens ambulare.

2. Beata ſimplicitas, quæ diſſi-  
les quæſitionum relinquit vias, &  
planâ, ac firmâ pergit ſemitâ man-  
datorum Dei.

Multi devotionem perdiſerunt,  
dum altiora ſcrutari voluerunt.

Fides à te exigitur, & ſincera vi-  
ta; non altitudo intellectus, neque  
profunditas Mysteriorum Dei.

Si non intelligis, nec capis, quæ  
infra te ſunt, quomodo comprehen-  
des, quæ ſupra te ſunt?

Subdere Deo, & humiliſ ſenſum  
guuum fidei; & dabitur tibi ſcientiæ  
lumen, prout tibi fuerit utile, ac  
necessarium.

3. Quidam graviter tentantur de  
fide, & Sacramento; ſed non eſt  
| hoc

hoc ipsis imputandum, sed potius  
inimico.

Noli curare, noli disputare cum  
cogitationibus tuis, nec ad immissas  
à Diabolo dubitationes responde:  
sed crede verbis Dei, crede Sanctis  
eius, & Prophetis; & fugiet à te  
nequam inimicus.

Sapè multum prodest, quod ta-  
lia sustinet Dei servus.

Nam infideles, & peccatores  
non tentat, quos securè jam possi-  
det; fideles autem devotos variis  
modis tentat, & vexat.

4. Perge ergo cum simplici, & in-  
dubitata fide, & cum supplici reve-  
rentia ad Sacramentum accede.

Et, quidquid intelligere non va-  
les, Deo Omnipotenti securè com-  
mitte.

Non fallit te Deus: fallitur, qui  
sibi ipsis nimium credit.

Graditur Deus cum simplicibus,

r̄velat sc̄ humilibus , dat intelle-  
ctum parvulis , aperit sensum puris  
mentibus , & abscondit gratiam  
curiosis , & superbis.

Ratio humana debilis est , & falli  
potest ; fides autem vera falli non  
potest.

5. Omnis ratio , & naturalis in-  
vestigatio , fidem sequi debet , non  
præcedere , nec infringere.

Nam fides , & amor ibi maximè  
præcellunt , & occultis modis in hoc  
sanctissimo , & superexcellentissimo  
Sacramento operantur.

Deus , aternus , & imensus , infini-  
tæq; potentia facit magna , & inscru-  
tabilia in Cælo , & in terra ; nec est in-  
vestigatio mirabilium operum ejus.

Sj talia essent opera Dei , ut faci-  
lē ab humana ratione caperentur ,  
non essent mirabilia , nec in-  
effabilia dicenda.

*Finis IV. Libr. De Imitatione Christi.*

INDEX CAPITUM  
QUATUOR LIBRORUM  
De Imitatione Christi.

LIBER PRIMUS

- D**E Imitatione Christi, & contemptu  
mniū vanitatum mundi. Caput 1.  
Pagina 1.
- De humili sentire suiipius. Cap. 2. pag. 4.
- De doctrina veritatis. Cap. 3. pag. 7.
- De providentia, & prudentia in agendis. C. 4.  
pagina 12.
- De lectione sanctorum Scripturarum. Cap. 5.  
pag. 13.
- De inordinatis affectionibus. Cap. 6. pag. 15.
- De vana spe, & elatione fugienda. Cap. 7.  
pag. 16.
- De cavenda nimia familiaritate. C. 8. p. 18.
- De obedientia, & subjectione. C. 9. pag. 19.
- De cavenda superfluitate verborum. Caput 10.  
pag. 21.
- De pace acquirenda, & zelo proficiendi. Cap.  
11. pag. 23.
- De utilitate adversitatis. Cap. 12. pag. 27.
- De temptationibus sustinendis. Cap. 13. pag. 28.
- De temerario iudicio vitando. C. 14. pag. 34
- De operibus ex charitate factis. Cap. 15. pag 36.
- De sufferentia defectuum aliorum. Caput 16.  
pag. 38.
- De De monastica vita. Cap. 17. pag. 40.
- De exemplis sanctorum Patrum. Caput 18.  
pag. 42.
- De quer-

# INDEX CAPITUM

- De exercitiis boni Religiosi.* Cap. 19. pag. 46.  
*De amore solitudinis, & silentii.* Caput 20. pag. 51.  
*De compunctione cordis.* Cap. 21. pag. 57.  
*De consideratione humana miserie.* Cap. 22. pag. 62.  
*De meditacione mortis.* Cap. 23. pag. 67.  
*De judicio, & pœnis peccatorum.* Cap. 24. pag. 73.  
*De serventi emendatione totius vita noſtre.* Cap. 25. pag. 80.

## LIBER SECUNDUS.

- D*e interna conversatione. Cap. 1. pag. 89.  
*De humili submissione.* Cap. 2. pag. 95.  
*De bono pacifico homine.* Cap. 3. pag. 97.  
*De pura mente, & simplici intentione.* C. 4. pag. 100.  
*De propria consideratione.* Cap. 5. pag. 102.  
*De latitia bona conscientiae.* C. 6. pag. 135.  
*De amore JESU super omnia.* C. 7. pag. 139.  
*De familiaria amicitia JESU.* C. 8. pag. 141.  
*De parentia omnis solatii.* C. 9. pag. 146.  
*De gratitudine, pro gratia Dei.* C. 10. pag. 150.  
*De paucitate amatorum Crucis JESU.* Cap. 11. pag. 125.  
*De Regia via sanctæ Crucis.* C. 12. pag. 128.

## LIBER TERTIUS.

- D*e interna Christi locutione, ad animam fidelem. Cap. 1. pag. 141.  
*Quod veritas intus loquitur, sine strepitu verborum*

# INDEX CAPITUM

- verborum. Cap. 2. pag. 143.  
Quod verba Dei cum humilitate sunt audienda: & quod multi ea non ponderant. C. 3. pag. 145.  
Quod in veritate, & humilitate, coram Deo conversandum est. Cap. 4. pag. 150.  
De mirabili effectu divini amoris. cap. 5. pag. 154.  
De probacione veri amatoris. C. 6. pag. 160.  
De occultanda gratia sub humilitatis custodia. Cap. 7. pag. 164.  
De vili estimatione sui ipsius, in oculis Dei. Cap. 8. pag. 169.  
Quod omnia ad Deum, sicut ad finem ultimum, sunt referenda. C. 9. pag. 171.  
Quod, spreto mundo, dulce est servire Deo. Cap. 10. pag. 173.  
Quod desideria cordis examinanda sunt, & moderanda. Cap. 11. pag. 177.  
De informatione patientiae. & luciditatem adversus concupiscentias. C. 12. pag. 180.  
De obedientia humiliis subditi, ad exemplum Jesu Christi. Cap. 13. pag. 183.  
De occultis Dei Iudiciis considerandis, ne extollamur in bonis. Cap. 14. pag. 186.  
Qualiter standum sit, ac dicendum, in omni re desiderabili. Cap. 15. pag. 189.  
Quod verum solarium in solo Deo est querendum. Cap. 16. pag. 192.  
Quod omnis solicitude in Deo statuenda sit. Cap. 17. pag. 195.  
Quod

# INDEX CAPITUM.

- Quod temporales miseriae, exemplo Christi,  
æquanimiter sint ferenda. C. 18. pag. 197.  
De tolerantia injuriarum, & quis verus pa-  
tiens probetur. Cap. 19. pag. 199.  
De Confessione propriæ infirmitatis, & hujus  
vitæ miseriis. Cap. 20. pag. 203.  
Quod in Doo, super omnia bona, & dona,  
requiescendum est. Cap. 21. pag. 207.  
De recordatione multiplicium beneficiorum  
Dei. Cap. 22. pag. 212.  
De quatuor, magnam importantibus pacem.  
Cap. 23. pag. 217.  
De evitacione curiosæ inquisitionis, super alte-  
rius vita. Cap. 24. pag. 221.  
In quibus firma pax cordis, & verus profe-  
ctus consistit. Cap. 25. pag. 222.  
De eminentia liberæ mentis, quam supplex  
oratio magis meretur, quæ n. lectio. Cap. 26.  
pag. 225.  
Quod privatus amor à summo bono maximè  
retardat. Cap. 27. pag. 228.  
Contra linguas obtreffatorum. C. 28. p. 231.  
Qualiter, instante tribulatione, Deus invoca-  
dus est, & benedicendus. C. 29. pag. 238.  
De divino petendo auxilio, & confidentia re-  
cuperañda gratia. Cap. 30. pag. 235.  
De neglectu omnis creaturæ, ut creator possit  
inveniri. Cap. 31. pag. 240.  
De abnegatione sui, & abdicatione omnis cu-  
piditatis. Cap. 32. pag. 240.  
De instabilitate cordis, & de intentione finali  
ad

# INDEX CAPITU M.

- ad Deum habenda. Cap. 33. pag. 246.  
Quod amanti sapit Deus super omnia, & in  
omnibus. Cap. 34. pag. 248.  
Quod non est securitas à tentatione in hac vi-  
ta. Cap. 35. pag. 252.  
Contra vanam hominum judicia. C. 36. p. 254.  
De pura, & integra resignatione sui, ad obti-  
nendam cordis libertatem. C. 37. pag. 256.  
De bono regimine in externis, & recursu ad  
Deum in periculis. Cap. 38. pag. 259.  
Quod homo non sit importunus in negotiis.  
Cap. 39. pag. 261.  
Quod homo nihil boni ex se habet, & de nullo  
gloriari potest. Cap. 40. pag. 262.  
De contemptu omnis temporalis honoris.  
Cap. 41. pag. 266.  
Quod pax nō est ponenda in hominibus. C. 42.  
pag. 267.  
Contra vanam, & secularis scientiam.  
Cap. 43. pag. 269.  
De non attrahendo sibi res exteriores. C. 44.  
pag. 272.  
Quod omnibus non est credendum: & de fa-  
cili lapsu verborum. Cap. 45 pag. 274.  
De confidentia in Deo habenda, quando injur-  
gunt verborum jacula. Cap. 46. pag. 278.  
Quod omnia gratia pro aeterna vita sunt tole-  
randa. Cap. 47. pag. 283.  
De die aeternitatis, & hujus vitae angustiis.  
Cap. 48. pag. 286.  
De desiderio aeternavita, & quanta sunt cer-  
tantibus

# INDEX CAPITUM.

- Tantibus bona promissa.* C. 49. pag. 291.  
*Qualiter homo desolatus se debet in manus  
Dei offerre.* Cap. 50. pag. 298.  
*Quod humilibus insistendum est operibus,  
cum deficitur a summis.* Cap. 51. pag. 304.  
*Quod homo non reputet se consolatione dignum,  
sed magis verberibus.* C. 52. prg. 306.  
*Quod gratia Dei non miscetur terrena sapi-  
entiae.* Cap. 53. pag. 309.  
*De diversis motibus naturae, & gratiae.*  
Cap. 54. pag. 312.  
*De corruptione naturae, & efficacia gratiae di-  
vinae.* Cap. 55. pag. 319.  
*Quod nos ipsos abnegare, & Christum imitari  
debemus per crucem.* Cap. 56. pag. 325.  
*Quod homo non sit nimis dejectus, quando in  
aliquos labitur dejectus.* C. 57. pag. 329.  
*De altioribus rebus, & occultis judiciis Dei  
non scrutandis.* Cap. 58. pag. 332.  
*Quod omnis spes, & fiducia, in solo Deo est  
figenda.* Cap. 59. pag. 340.

## LIBER QUARTUS.

- Cum quanta reverentia Christus fit suscipi-  
endus.* Cap. 1. pag. 344.  
*Quod magna bonitas, & charitas Dei in Sa-  
cramento homini exhibetur.* C. 2. p. 355.  
*Quod utile sit, sèpè Communicare.* Cap. 3.  
pag. 360.  
*Quod multi bona praestantur devotè Commu-  
nicantibus.* Cap. 4. pag. 365.  
*De di-*

# INDEX CAPITUM.

- De dignitate Sacramenti, & statu Sacerdotia-  
li. Cap. 5.* pag. 370
- Interrogatio de exercitio ante Communio-  
nem. Cap. 6.* pag. 374.
- De discussione propriæ conscientia, & emen-  
dationis proposito. Cap. 7.* pag. 375.
- De oblatione Christi in Cruce, & propria resi-  
gnatione. Cap. 8.* pag. 379.
- Quod nos, & omnia nostra Deo debemus  
offerre, & pro omnibus orare. C. 9.* p. 381.
- Quod sacra Communio de facili non est relin-  
quenda. Cap. 10.* pag. 386.
- Quod Corpus Christi, & sacra Scriptura ma-  
xime sunt animæ fidei necessaria. C. 11.*  
pag. 392.
- Quod magnâ diligentia se debeat Communi-  
caturus Christo præparare. C. 12.* pag. 399.
- Quod toto corde anima devota Christi unio-  
nem in Sacramento affectare debet. C. 13.*  
pag. 403.
- De quorundam devotorum ardenti desiderio  
ad Corpus Christi. Cap. 14.* pag. 406.
- Quod gratia devotionis, humilitate, & sui  
ipsius abnegatione, acquiritur. C. 15.* p. 409.
- Quod necessitates nostras Christo aperire, &  
eius gratiam postulare debemus. C. 16.* p. 412.
- De ardenti amore, & vehementi affectu sus-  
cipiendi Christum. Cap. 17.* pag. 415.
- Quod homo non sit curiosus scrutator Sa-  
cramenti, sed humilis imitator Christi,  
subdendo sensum iuris sacræ fidei. C. 18.*  
pag. 419.

Memorare novissimatum  
et in operum hoc precibus  
mon

anno 1740 die 27  
Septembris

